

IX 9Marks

# شنو هي البشارة ديال الإنجيل

غريغ غيلبرت  
تقديم: دي. إي. كارسون



"غريغ غيلبرت هو أمين وهو واحد من أدكى الشباب اللّي دعاهم الله باش يخدمو الكنيسة اليوم. في هاد الكتاب كيقدمّ لينا فهم عميق، أمين، وكتابي لإنجيل يسوع المسيح. ماكيناش شي حاجة ضرورية كتر من أننا نعرفو الإنجيل الحقيقي، ونعرفو الأناجيل اللّي ماشي صحيحة، ونكوّنو جيل من المسيحيين اللّي مبنّيين على مركزية الإنجيل. هاد الكتاب المهم جا في وقت مُناسب."

— آر. ألبرت موهلر الابن، رئيس كلية اللاهوت  
المعمدانية الجنوبية (Southern Baptist)

"كاينين جوج حقائق كيخليو هاد الكتاب مهم بزّاف: مركزية الإنجيل في كل الأجيال والتشويش على الإنجيل في جيلنا. هاد الكتاب كيقدمّ شرح أمين وكتابي للإنجيل وكيجّهز المسيحيين باش يتعرفو على شنو ماكينش في هاد الرسالة المجيدة. كنتمّي لو نقدر ندير هاد الكتاب في يد كل راعي كنيسة وكل عضو فيها."

— سي. جاي ماهاني، خدمات "النعمة السامية"

"غريغ غيلبرت كيعلّم بأن الفهم الإنجيلي الحالي للإنجيل ضاع في ضباب ديال التشويش. وهو كيحيّد هاد الضباب بتسليط ضوء جديد على موضوع قديم. غيلبرت كيكتب بأسلوب واضح ومختصر وبسيط، كيناسب الشباب بشكل خاص. كتاب "شنو هي البشارة ديال الإنجيل؟" غادي يمضّي تفكيرك في الإنجيل، وغادي يحفرو بعمق في قلبك باش تقدر تشارك بشارة يسوع المسيح بشجاعة. غادي يخليط تتأمل في قوة تأثير الإنجيل في حياتك. وغادي يخليك تعلن وتشكر الله على شنو داء المسيح."

— جيمس ماكدونالد، كبير القساوسة، كنيسة هارفست  
للكتاب المقدس، منطقة شيكاغو

"هادا سرد رائع للقصة القديمة بكلام جديد، مع تحديات قوية من التحريفات الخفية. كما تشهد ترنيمة الإنجيل القديمة، وكما هو الحال في كتاب جريج غيلبرت الرائع، فإن من يعرفون القصة القديمة جيدًا سيجدون أنفسهم متشوقين لسماعها كغيرهم."

— برايان تشابل، رئيس معهد كوفينانت اللاهوتي

"غريغ غيلبرت هو شخص تشرفت باش نكون أستاذ ديالو، وهو دابا كيعلّمني. هاد الكتاب الصغير على الإنجيل هو من أوضح وأهم الكتب اللي قريتهم في هاد السنين الأخيرة."

— مارك ديفر، الراعي الرئيسي في كنيسة كابيتول هيل  
المعمدانية، واشنطن العاصمة

"لسبب وجيه، المؤمنين المسيحيين كيبيغو كلمة الإنجيل. ولكن للأسف، بزّاف منهم هما عاجزين على فهم شنو هو الإنجيل بالحق. الصديق ديالي العزيز غريغ غيلبرت، بأسلوب عقائدي سليم وواقعي، كيبيّن شحال مهم أننا نفهمو الطبيعة اللاهوتية والضرورة العملية ديال الإنجيل. كنتمّي وكنصلي باش يكون هاد الكتاب هو غير اللؤلؤ من بين كتوب كتيرة لغريغ."

— تولىان تشيفيدجيان، الراعي اللؤلؤ في كنيسة  
كورال ريديج المشيخية، فورت لودرديل، فلوريدا

"شنو هي البشارة ديال الإنجيل؟ هو كتاب قصير وقوي كيجاوب على هاد السؤال بتعليم واضح ومختصر. هو إعلان رائع للبشارة ديال الخير. قراه ومن بعد شاركو مع الناس."

— دانيال ل. أكين، رئيس المعهد اللاهوتي  
المعمداني الجنوبي الشرقي

"غريغ غيلبرت، بعقل الحاد وقلب راعي، كتب كتاب مفيد للباحثين، والمسيحيين الجداد، وأي واحد باغي يفهم الإنجيل بوضوح أكبر. كنت كنتسنا كتاب بحال هادا! هاد الكتاب هو مُرشد عميق لموضوع مُثير للجدل بشكل عجيب، وكيحيد المفاهيم الخاطئة على الإنجيل، والملكوت، ومعنى الصليب."

— **كيفن دي يونغ**، الراعي اللؤل في الكنيسة  
الإصلاحية الجامعية، إيست لانسينغ، ميشيغان

"هاد الكتاب، بأسلوب حساس ومثير للاهتمام كيبين أن الإنجيل عميق بشكل مانقدروش نوصفوه، وسهل الوصف بشكلٍ عجيب- وواضح بشكل كافي باش أي شخص يقدر يفهمو."

— **بيج باترسون**، رئيسة المعهد  
اللاهوتي المعمداني الجنوبي الغربي

"غريغ غيلبرت كيعرض على الكنيسة باش ترجع للمصدر للوحي ديالها. بأسلوب بسيط ومباشر، كشف شنو الكتاب المقدس كيبينو على معنى الإنجيل."

— **بيتر ج. أكينولا**، رئيس أساقفة  
كنيسة نيجيريا، الطائفة الأنجليكانية

"لا يوجد تحدٍّ أعظم في عصر الشك والبراغماتية من توضيح الإنجيل المجيد. هذه هي أعظم حاجةٍ للمسيحي المُحنَّك والمتشكِّك على حدِّ سواء. في هذا العمل المُتمعِّق، ولكن السهل الفهم، يُجيب جريج جيلبرت بوضوحٍ على أهمِّ سؤالٍ طرِحَ على الإطلاق."

— **دارين باتريك**، نائب رئيس خدمة  
شبكة زرة الكنائس Acts29

" غريغ غيلبرت كيخترق قلب التشويش من خلال البحث في الكتاب المقدس على الجواب على أهم سؤال يقدر أي شخص يطرحه. حتى لو كنتي كتفكر بلي راك كتعرف بشارة الخير ديال شنو دارو الله في المسيح، راه غيلبرت غياونك تركز انتباهك على هاد الإنجيل المجيد."

— **كولين هانسن**، محرر مجلة المسيحية اليوم

"هاد الكتاب غادي يعاونك باش تفهم إنجيل يسوع المسيح، وتقدرو، وتشاركو بشكل أحسن. وإلا كنتي كتضن بلي راك كتعرف كافي على الإنجيل، راك غادي تحتاج ليه كتر مت كتضن."

— **جوشوا هاريس**، الراعي الرئيسي في

كنيسة كوفينانت لايف، غايترسيرغ، ماريلاند

"في ثقافة مسيحية معاصرة عامرة بالتشويش على المبادئ الأساسية ديال إيمانًا، غريغ غيلبرت كيقدم للمؤمنين صورة واضحة على الإنجيل، وصورة جدابة للي مازال ما أمنوش. كتاب "شنو هي البشارة ديال الإنجيل؟" كيفيض بكلمة الله، ومرکز على الصليب، وكيمجد الله. غادي يجذب انتباهك وغيشعل عاطفة قلبك تجاه الله اللي كينجينا بالنعمة ديالو من خلال إنجيلو للمجد ديالو."

— **ديفيد بلات**، الراعي اللول في

كنيسة بروك هيلز، برمنغهام، ألاباما

"راه وضوح الإنجيل كيخلىنا نتيقو فيه ونقتنعو بالحق الجوهرى ديالو. هاد الكتاب الممتاز واضح بشكل رائع وأمين للكتاب المقدس، وغادي يكافئ القراء ديالو بتركيز متجدد على الإنجيل."

— **ويليام تايلور**، رئيس دير كنيسة

سانت هيلين بيشوبسجيت، لندن

"مَلِّي كَنفَكَّر فِي جَوهر كِتابي المَقَدس، قَلبي كِيشِد فِي الإنجيل مِباشرة. كَنعَرِف بِرَاف دِيال النَاس كِيجَبُو الإنجيل، وَلَكن أَنَا دِيمَا كَنبِقَا مَنفَتَح بِاش نَحَبُو كَتر وَنَفهَمُو بِشَكل أَحسَن. غَريغ غِيلبَرت كَتب هَاد الكِتاب بِاش يَعاوَنًا نَعرفُو الإنجيل وَبِاش نَحَبُوهُ كَتر."

— **جونى هانت**، رَئيس المَؤتمَر المَعمَداني الجَنوبي،  
راعي الكَنِيسة المَعمَدانية اللّولى، وودستوك، جَورجيا

"الْحَاجَة اللّاي كَتخَلّي هَاد عَمِيق هِي البِساطَة دِيالو. وَكَنضَن بَلّي أَكَبَر خَطَر فِي الإِيمان المَسيحي هُو نَفتارِضُو شَنو هُو الإنجيل بلا ما نَسَمَعُو صَوْت الكِتاب المَقَدس الوَاضِح وَالْحاسِم. ماغاديش نَبالِغُو إِلا قَلنا بَلّي هَاد الكِتاب يَقدِر يَكُون أَهمَّ كِتاب غادي تَقراه عَلى الإِيمان المَسيحي."

— **ريك هولاند**، راعي تَنفِيدي  
فِي كَنِيسة غَرايس كَومِيونِتي، صان فالِي، كاليفورنيا

شنو هي البشارة  
ديال الإنجيل؟

غريغ غيلبرت  
تقديم: دي. إي. كارسون

 CROSSWAY  
WHEATON, ILLINOIS

*What Is the Gospel?*

Copyright © 2010 by Gregory D. Gilbert

Published by Crossway:

1300 Crescent Street

Wheaton, Illinois 60187, U.S.A.

This edition published by arrangement with

Crossway. All rights reserved.

كل الحقوق محفوظة. ماخاصش إعادة إنتاج أي جزء من هاد المنشور أولا التخزين ديالو في نظام استرجاع أولا النقل ديال بأي شكل من الأشكال بأي وسيلة، إلكترونية أو لا ميكانيكية أولا بالتصوير أولا التسجيل أولا غيرهم، بلا إذن مسبق من الناشر، باستثناء ما ينص عليه قانون حقوق الطبع والنشر في الولايات المتحدة الأمريكية.

اقتباسات الكتاب المقدس من العهد الجديد موخودة من الترجمة المغربية القياسية، وإقتباسات العهد القديم هي ترجمة فريق الترجمة.

9Marks ISBN: 979-8-89218-177-8

### **Library of Congress Cataloging-in-Publication**

Data Gilbert, Greg, 1977–

What is the Gospel? / Greg D. Gilbert; foreword by D.A. Carson.

p. cm.

Includes bibliographical references and index.

1. Theology, Doctrinal—Popular works. I. Title. BT77.G44 2010 230—dc22

BT77.G44 2010

230—dc22

# إهداء

ل مُورِيَا  
كنبغيك بزاف كتر من تقدرني تتخيلي



## الفهرس

- 14 ..... مُقدّمة ديال السلسلة
- 16 ..... تقديم: دي. إي. كارسون
- 18 ..... مقدمة ديال الكتاب
- 26 ..... الفصل 1: فين نلقاو البشارة ديال الإنجيل في الكتاب المقدّس
- 41 ..... الفصل 2: الله الخالق التقى
- 50 ..... الفصل 3: الإنسان المُدنب
- 63 ..... الفصل 4: يسوع المسيح المُنجي
- 75 ..... الفصل 5: الإستجابة ديالنا- الإيمان والتوبة
- 89 ..... الفصل 6: المملكة
- 105 ..... الفصل 7: نخليو الإنجيل في المركز
- 117 ..... الفصل 8: قوة البشارة ديال الإنجيل



## مُقَدِّمة دِيال السلسلة

سلسلة "تسعود دِيال العلامات" (9Marks) هي مبنية على جوج دِيال الأفكار رئيسية: الفكرة اللّولى، أهمية الكنيسة المحلية في الحياة المسيحية، واللّي تقدر تتخطّى بشكر كبير الفهم دِيال بزّاف دِيال المسيحيين. حنا في خدمة "تسعود دِيال العلامات" كنأمنو بلّي المؤمن المسيحي الصّحّي هو عضو صّحّي وسليم في الكنيسة.

والحاجة الثانية، النمو دِيال حياة الكنيسة المحلية والنشاط دِيالها من خلال تركيز حياتهم على كلمة الله. الله كيهدر. والكنيسة خاصها تسمع وتتبع. بهاد البساطة. ملّي الكنيسة كتسمع وكتتبع، رها كتبدا تولّي على صورة هاداك اللّي كتبعو. كتبدا تعكس المحبة دِيالو والقداسة دِيالو، وكتوزّي المجد دِيالو. الكنيسة غتولّي كتشبه لهاداك اللّي كتسمع ليه.

ومن بعد هادشي، القارئ يقدر يلاحظ بلّي هاد التسعود دِيال العلامات الموحودين من كتاب "تسعود دِيال العلامات على كنيسة صحية" دِيال مارك ديفر هما مبنيين على الكتاب المقدّس:

- الوعض التفسيري.
- علم اللاهوت الكتابي.
- فهم كتابي لبشارة الإنجيل.
- فهم كتابي لقرار الإيمان.
- فهم كتابي للتبشير.
- فهم كتابي لعضوية الكنيسة.

- فهم كتابي للتأديب ديال الكنيس.
- فهم كتابي للتلمذة والنمو.
- فهم كتابي للقيادة في الكنيسة.

نقدرو نقولو بزّاف ديال الحوايج على شنو خاص الكنيسة تديرو باش تكون صحّية وسليمة، بحال الصلاة. ولكن راه هاد التسعود ديال الممارسات الّتي يالاه ذكرناهم، حسب الرأي ديالنا، هما أكبر ممارسات كنتّجاهلوهوم اليوم (على عكس الصلاة). هادشي علاش راه رسالتنا الأساسية للكنيسة هي باش ما تقلّبش على الممارسات المشهورة أولا على الموضة الجديدة، ولكن تقلّب على الله. بداو تسمعو لكلمة الله من جديد.

ومن هاد المشروع الشامل كتجي السلسلة ديال الكتوب ديال "تسعود ديال العلامات" والّتي الهدف ديالها هو فحص التسعود ديال العلامات من كل جبهة ومن كل زاوية. بعض منها كتهدر مع الرّعاة، والبعض لآخر كيتهدر مع أعضاء الكنائس. وكنتمناو باش كل هاد العلامات تجمع بين تحليل كتابي عميق وبُعد لاهوتي واعتبار ثقافي وتطبيق جماعي وحتّى شوية من الإجتهد الشخصي. راه أحسن الكتوب المسيحية هنا الكتوب الّتي كيجمعو بين اللاهوت وبين التطبيق.

كنصلّيو باش يستعمل الله هاد الكتوب وغيرها باش يوجّد كنيستو العروسة ويعمّرها بالنور والجمال حتّى لنهار يعاود يرجع.

## تقديم: دي. إي. كارسون

كتر من ثلاثين عام من تعليم الطَّلَبَة ديال اللاهوت تعلّمت بلي أكبر الأسئلة اللي كتطرح واللي كيكون الجدل داير بيهم كتختلف من جيل لجيل، ونفس الحاجة كتنتطبق على العامة ديال المسيحيين. من الممكن نضمون نقاش حاد بطرح شي أسئلة بحال: شنو رأيك في الحركة الكاريزماتية؟ أولا واش العُصمة من الخطأ كتستحق ندافعو عليها؟ أولا شنو رأيك في الكنائس اللي كترت كتر على الناس اللي ماشي مؤمنين وكيقلبو على الحق؟ اليوم ساهل باش نلقاو ناس مستعدين يناقشو هاد الأسئلة، ولكن عادةً كتكون النتيجة ضعيفة، وما فيهاش شي تشويق كبير. اليوم، أحسن سؤال باش نشعلو النار ديال الجدل هو - كيما كيشير الكاتب ديال هاد الكتاب - شنو هي البشارة ديال الإنجيل؟ يقدر يكون مفيد لينا نزيدو سؤال آخر من نفس العائلة ديال السؤال اللول، شنو هي "الإنجيلية"؟

كُون أن هاد الأسئلة كينتجو أجوبة متعارضة، غالبًا ما كندافعو عليهم بشكل قاطع مع أدنى حد من التأمل في الكتاب المقدس، بصراحة هادي حاجة خطيرة حيث راه هاد المواضيع هي جوهرية في الأساس ديالها. ملي كتختلف الأراء ديال "الإنجيليين" بقوة على شنو هي البشارة ديال "الإنجيل" (يعني "إيفانجيل")، فلا بد باش الإنسان يستنتج بلي إما أن الإنجيلية كحركة هي ضاهرة متنوعة بلا أي تعريف مُتَّفَق عليه للإنجيل، وبلا حس بالمسؤولية "للكفاح من أجل الإيمان" اللي "عطاها لينا الرب مرة وحدة وإلى الأبد" حنا الشعب ديالو (يهودا 3)، أولا

الناس كيستنتجوا بأن بزّاف ديال المسيحيين كيستميّو نفوسهم "إنجيليين" بلا أي حق واضح باش يديرو هادشي، حيث هما خلّو "الإنجيل" موراهم.

هنا كيحي الدور ديال غريغ غيلبرت. هاد الكاتب ماكيّداعيش بأنه كيفتح آفاق جديدة، بقدر ماكيّداعي أنه كيعاود يراجع النظر في بعض الأمور القديمة اللي ماكانش خاصنا نتجاهلها، ولكن بزّاف ممّا تجاهلها وحتى تخلّو عليها. راه الوضوح ديال الفكر ديال غريغ والتعبير ديالو هما رائعين. هاد الكتاب غادي يمضي التفكير ديال عدد كبير من المسيحيين الناضجين. والأهم من كل هادشي، هادا كتاب مزيان باش يتوزّع على نطاق واسع على قادة الكنائس، والمسيحيين الشباب، وحتى الناس اللي مازال ما أمنوش بالمسيح وكيقلّبو على شرح واضح للإنجيل. قراه هاد الكتاب، ومن بعد شري النسخ اللي تقدر عليهم وعطيهم من كل قلبك لناس خرين باش يقرأوهم.

## مقدمة ديال الكتاب

شنو هي البشارة ديال إنجيل يسوع المسيح؟

تقدر تفكر بلي هادا سؤال بصيوط وساهل باش يجاوب عليه أي مؤمن. وتقدر تفكر بلي كتاب بحال هادا كيجاوب على السؤال اللي كيقول "شنو هي البشارة ديال الإنجيل" هو كتاب ماشي مهم وماشي ضروري. هادشي يقدر يكون بحال إلا جمعنا بزاف ديال النجارة، وسؤلناهم "شنو هي المطرقة؟".

ولكن كيف ماكان الحال، راه البشارة ديال إنجيل يسوع المسيح هي موجودة في القلب ديال الإيمان المسيحي. وحنا المؤمنين كنعقولو أن الإنجيل هو الحاجة اللولى في حياتنا، وهو الحاجة اللي فوقها بغينا نبنو حياتنا وكناؤسنا. وكنعقولو أنه هو المركز ديال كل حوار كيدور بيناتنا مع الناس، وكنعطلبو في صلواتنا باش الناس يسمعو لهاد الإنجيل ويأمنو بيه.

ودابا السؤال هو: حسب الرأي ديالك، واش الفهم ديال الأغلبية ديال المؤمنين لشنو هو الإنجيل هو فهم ثابت؟ كيفاش غادي تجاوب إلا سؤلك شي واحد: شنو هو هاد خبار الخير (البشارة) اللي كتبنيو فوقه حياتكم بصيفتكم مؤمنين بالمسيح؟ شنو اللي فيه كيبشّر بالخير؟

كنحس أن عدد كبير ديال المؤمنين غادي يعطيو أجوبة مختصرة وقصيرة ماكتوفيش وماكتوصلش لداكشي اللي هو مكتوب في الكتاب المقدس على "الإنجيل ديال يسوع المسيح". يقدر يكون الجواب ديال بعض المؤمنين بحال هاكدا: "البشارة ديال الإنجيل هي أن الله غيغفر الذنوب ديالك إلا أمتي بيه"،

أولا شي مؤمن يقدر يقول " البشارة هي أن الله كيبيغيك وعنده حُطّة زوبينة لحياتك"، أولا "البشارة ديال الإنجيل هي أنّك نت ولد ديال الله، والله بغا ولادو يكونو ناجحين في كل حاجة". يقدر بعض المؤمنين يفكرو بلي راه ضروري ندكرو الموت ديال المسيح على الصليب والقيامة دياله، ولكن نقدر نتسائلو كيفاش كل هادشي يقدر يكون مربوط مع بعض؟

راه ماشي ساهل نخليو المؤمنين يتأفقو على جواب واحد على السؤال ديال "شنو هي البشارة ديال الإنجيل؟". أنا كنخدم مع واحد الخدمة مسيحية سميتها "تسعود ديال العلامات"، وهاد الخدمة هي تابعة لكنيسة كابييتول المعمدانية في العاصمة واشنطن. والناس اللي كيقراو المواد اللي كندشرو أغليبيتهم من التوجه الإنجيلي. وهاد الناس كيأمنو بأن الكتاب المقدس هو حقيقي، وكيامنو بلي هو محفوظ من الخطأ، وبلي يسوع مات على الصليب، وتبعت من الموت بالجسد دياله، وبلي البشر هما مُدنيين ومحتاجين للنجاة، وهما ناس كيحاولو باش تكون حياتهم مركزة على الإنجيل وعامرة بالإنجيل.

من بين كل المواضيع اللي كنكتبو عليها، على حسب رأيك شنو هو أكبر موضوع كيتجاوبو معاه الناس وكيخليو تعليقاتهم وأراهم عليه؟ أه، هو البشارة ديال الإنجيل. نقدر نهدرو شهور وشهور على الوعض، وعلى التلمذة، والمشورة، والنضام ديال الكنيسة، وحتى الترنيم والموسيقى في الكنيسة، وكنلقاو أن الناس اللي كيقراو شنو كنكتبو كيتجاوبو مع هاد المواضيع، ولكن ماشي بشي طريقة أولا درجة تقدر تفاجئنا. وغير نكتبو شي مقال كنحاولو فيه نوضحو أن الكتاب المقدس كيعلّم على البشارة في المسيحية، وتمّا كندشوفو تجاوب عجيب.

هادي مدّة، واحد الصديق ديالي كتب مقالة قصيرة في الموقع ديالنا على واحد الفنّان معروف مؤمن بالمسيح، وهاد الفنّان في واحد المُقابلة طلبو منه باش يوضّح للناس شنو هي البشارة في المسيحية. وهادشي اللي قال هاد الفنّان:

"هادا سؤال ميزان بزّاف! كنضن بلّي البشارة هي أن يسوع جا، وعاش وسطنا، ومات وتبعث من الموت، وهاكدا بخدمته اللّي بداها ومازال ماكملات فدا كلشي من أجله هو... وهادشي يقدر يوقع غير بيه وصافي... وهو بزّر كلشي... وهاد التبشير هو حقيقة في حياة المؤمن، وغادي يجي واحد النهار فين كل المخلوقات غادي يشوفو هاد الحق ميزان. ولكن البشارة، يعني خبار الخير ديال الإنجيل، هي أننا نعلنو ونخبرو الناس بلّي المملكة ديال الله جاية... هادشي اللّي كنعرف."

ممکن بزّاف ديال المؤمنين فكرو بلّي "إلا بغينا نحدود واحد التعريف للبشارة ديال الإنجيل، واش ماشي خاصنا نهدرو على الموت ديال يسوع والقيامة دياله؟" أولا "اش ماشي خاصنا ضروري نهدرو شوي على الدنوب وعلاش كل البشر محتاجين ينجوا من الغضب ديال الله ضد الدنوب؟".

التفاعل ديال الناس مع دوك المقالات كان عجيب، في شهور قلال وصلونا بزّاف ديال الرسائل على داك الموضوع. بعض الناس كتبوا لينا رسائل كيعبرو فيهم على التقدير والشكر ديالهم على الأسئلة اللّي طرحنا، وناس خرين سولونا علاش ماشي ميزان نهدرو على الإنجيل بديك الطريقة، مادام يسوع وعض وعلم على أن المملكة جاية. ومؤمنين خرين فرحو وتشجعوا ملي شافو مؤمنين خرين كيفكرو بجدية في الطريقة اللّي بيها نقدرو نوصلو البشارة ديال الإنجيل.

من جبهة، كنكون فرحان ملي كنشوف مؤمنين بالمسيح متحمسين ملي كيبدا شي نقاش على الإنجيل. هادشي كيورّي الجدية ديال المؤمنين مع هاد الحق، وكيورّي بلّي عندهم أفكار عميقة على المعنى ديال البشارة ديال الإنجيل. إلا مالقيناش مؤمنين مهتمّين بالتعريف والفهم ديال الإنجيل، فراه حالتنا غتكون صعبة. ومن جبهة خرا، كنضن أن الطاقة اللّي نتجات من المناقشات على البشارة ديال الإنجيل كتورّي أنه كاين شي تشويش وغموض ضاير بهاد الحق هاد

الأيام. ملّي كنجيو لعند موضوع تعريف البشارة ديال الإنجيل، المسيحيين ماشي متآفقين على شنو هي هاد البشارة، وحتىّ المسيحيين اللّي كيقولو أنهم إنجيليين ماشي متآفقين على هادشي.

خود شي مجموعة ديال المؤمنين بالمسيح، اللّي كيحسبو نفوسهم إنجيليين، وسؤلهم على البشارة ديال يسوع، غالبًا غتسمع ستّين جواب مختلف. سمع لشي وعضة إنجيلية، أولا قرا أي مقال إنجيلي، وقلّب في مواقع إنجيلية، غتلقا شرح مورا شرح على البشارة ديال الإنجيل، والأغلبية فيهم ماشي بحال بحال. وغنعطيكم بعض الشروحات اللّي لقيت:

خبار الخير، هو أن الله بغا يورّي ليك الصلاح دياله العجيب. هو بغا يعمر حياتك ببركات جديدة، ولكن واش نت مستعد تتخلّا على الأمور القديمة ديالك؟ واش بغيتي تفكر بطريقة كبيرة؟ وباش بغيتي توسّع الرؤية ديالك وتخلّي الطُرق القديمة والسلبية ديال التفكير ديالك؟

بشارة الإنجيل بجملة وحدة: بسباب الموت ديال المسيح من أجلنا، راه أي واحد كيتيق في المسيح كيعرف أن الذنوب دياله تغفرو مرة وحدة وللأبد. شنو نقدرو نقولو قدام كرسي عرش الله؟ غنقولو حاجة وحدة وصافي: المسيح مات في بلاصتي. هادي هي البشارة.

نقدرو نعتبرو الرسالة ديال يسوع هي أكبر رسالة تورية في كل التاريخ. هي إمبراطورية الله التورية العميقة، وهي كتتقدّم بالمصالحة والسلام، وكتتوسّع بالرجاء والمحبة- كتبدا بالإنسان اللّي فقير وضعيف وضريف. جا الوقت باش تغيّر الطريقة ديال التفكير ديالك، كلشي غادي يتغيّر. وراه جا الوقت ديال طريقة جديدة من أجل الحياة. تيق بكلامي. تبعني. تيق بالبشارة باش تتعلّم كيفاش تعيش وتكون جزء من هاد التورة.

البشارة هي أن الله ديمًا حاط عينيه عليك، واخا تدير اللي درتي، ماشي مهم الحالة اللي نتا فيها، أولا شحال ديال الدنوب درتي. هو كيبيغيك وكيقَلِّب عليك.

البشارة ديال الإنجيل بنفسها كتشير للإعلان بأن يسوع اللي تَصَلب وتبعث من الموت، المسيح، هو الرب الحقيقي والوحيد في كل العالم.

البشارة أولا خبار الخير! هي باش يوَلِّي الله هو الملك، من خلال يسوع! وهادشي خاصه يفرحنا! غادي يتجدد العدل ديال الله والسلام ديواله والعالم اللي خلق. وبلا شك، راه هادشي هو خبار خير ليك وليا. ولكن راه هادشي هو نتيجة طبيعية من البشارة اللي هي رسالة كتهدر على يسوع واللي عنده تأثير عليا وعليك وعلينا كاملين. حيث راه الأنجيل ماعندوش علاقة بشكون نت، أولا شنو ممكن يوقع ليك. هادشي هو نتيجة الإنجيل وماشي هو الإنجيل بحد داته... راه النجا هي نتيجة ديال البشارة ديال الإنجيل، وهي ماشي المركز ديواله.

البشارة هي إعلان يسوع، وكتبان بجوج طُرُق. أولا هي البشارة اللي علنها يسوع -وصول سلطان حُكم الله ("مملكته") في وسط السلطين والحكومات البشرية. ولكنه هاد البشارة حتى هي إعلان على يسوع - البشارة هي أن يسوع، بالموت والقيامة ديواله، خلا المملكة تكون حقيقة واقعية.

بصفتي مؤمن بالمسيح، كتحاول نوجّه نفسي باش نعيش بواحد الطريقة، الطريقة الي علم عليها يسوع وقال بلي نقدر ونتبعوها. وكنضن أن الطريقة ديال يسوع هي أحسن طريقة نقدر ونعيشو بيها... مع الوقت، ملي تحاول من قلبك تعيش بالطريقة ديال يسوع، تما غتبدأ تلاحظ بلي كايين أمور

عميقة بَرّاف، وغتفهم السبب علاش هي أحسن طريقة للحياة: هاد الطريقة هي متجدرة في الحقائق العميقة ديال هاد العالم. غتلقا راسك عايش بإنسجام كبير مع الحق المُطلق، وگتكون متّافق كتر وکتر مع الكون في أعرق مستوى... راه المسيحيين اللّولين علنو أن طريقة يسوع هي "البشارة" هي "خبر الخير".

حسب الفهم ديالي لرسالة يسوع، هي أنه كيعلّمنا باش نعيشو على حسب حقيقة الله دابا- هنا واليوم. بحال أن يسوع كيقول لينا: "غَيّر حياتك! عيش بهاد الطريقة".

واش فهمتو شنو قصدت مَلّي قلت بَلّي البشارة ديال الإنجيل باقية غامضة شوية على الناس؟ كون ماعمرّك سمعتي على المسيحية، شنو كنتي غتفكّر من بعد تقرا هاد الكلام اللّي كيحاول يشرح الإنجيل؟ بلا شك غادي تفهم أن المسيحيين بغاو يوصلو شي بشارة وشي خبر ديال الخير، ومن بعد هادشي غتشوف أمور غامضة وماواضحاش. البشارة هي أن الله كيبيغي، وبَلّي كحتاج باش نفكر بطريقة إيجابية كتر وصافي؟ واش البشارة هي أن يسوع مِتال وقُدوة مزيانة حيث يقدر يعلمني كيفاش نعيش حياة عامرة بالمحبة والرحمة؟ ممكن كاينة شي حاجة متعلقة بالدنوب والغفران. كيبيان أن بعض المسيحيين كيشوفو بَلّي كاينة علاقة بين البشارة والموت ديال يسوع، وبعض المسيحيين خرين ماكيشوفوش بَلّي كاينة شي علاقة بيناتهم.

الهدف ديالي ماشي هو باش توصل دابا لشئ قرار على شكون هو أحسن أولا أخيب شرح للبشارة من هادو اللّي يالاه هدرنا عليهم (واخّا أنني كنتمّي باش تكون قادر توصل لشئ قرار من بعد تقرا الكتاب كامل)، ولكن أنا بكل سهولة بغيت نورّي شحال ديال الأفكار كييبانو مَلّي كنجيو قدام هاد السؤال: شنو هي البشارة ديال الإنجيل؟

في هاد الكتاب غنحاول نقدم جواب واضح على هاد السؤال- جواب مبني على شنو كيعلمنا الكتاب المقدس على البشارة ديال الإنجيل. وفي وسط هادشي، كنصلي من أجل بزاف ديال الأمور باش توضاح.

أولاً، إلا كنتي مؤمن بالمسيح، كنصلي باش هاد الكتاب- والحقائق المجيدة اللي فيه وهي حسن من الكتاب دياي بنفسه) - يكونو سبب باش قلبك يعمر بالفرح والتسبيح ليسوع المسيح على ود داكشي اللي دار من أجلك. راه فهم ضعيف للبشارة ديال الإنجيل كينتج عبادة ضعيفة، وكبخلينا نركزو على راسنا وماشي في الله، وكينقص من القيمة ديال داكشي اللي دار الله من أجلنا من خلال المسيح. ومن جبهة خرا، راه البشارة ديال الإنجيل الكتابية هي بحال شي زيت فوق العافية ديال العبادة. كلما فهمتها وأمتي بيها وعتامدتي عليها، كلما زادت المحبة ديالك لله وللشخص ديواله ولداكشي اللي هو دارو من أجلنا في المسيح. هادشي علاش قال بولس في (رمية 11: 33) "شَحَالْ كَبِيرُ الْغَيِّ وَالْحَكْمَةِ وَالْعِلْمِ دِيَالِ اللَّهِ! حَتَّى وَاحِدٌ مَا يُقَدَّرُ يُعَلِّمُ عَلَى حُكْمِهِ وَيُفْهَمُ طَرَقَانَهُ!"، وهادشي حيت القلب ديواله كان عامر بالبشارة ديال الإنجيل!

تانياً، كنتمّي باش قرابتك لهاد الكتاب تعطيك تيقة عميقة كتر ملي تكون كتهدر مع الناس لخرين على البشارة ديال يسوع. أنا تلاقيت مع بزاف ديال المؤمنين اللي ماكيزعموش يشاركو البشارة ديال الإنجيل مع صحابهم وعائلاتهم، حيت كيخافو مايعرفوش كيفاش يجاوبو على الأسئلة ديال هاد الناس. راه هادي حقيقة، تكون كيفما كنتي، راه ماعمرّك غتقدر تجاوب على كل الأسئلة! ولكن راك تقدر تجاوب على بعض الأسئلة، وكنتمّي يعاونك هاد الكتاب باش تكون قادر تجاوب على أسئلة كتر.

تالتاً، كنصلي باش تقدر تشوف الأهمية ديال البشارة ديال الإنجيل في حياة الكنيسة، حيت تما الكنيسة غتاكد بلي المؤمنين كييشرو وكيعلنو الأخبار ديال

الخير، وعتشج على الترنيم والتعليم والصلاة بالإنجيل، وعتأكد بلي الإنجيل كاين ومسموع في كل جيهة من حياة الكنيسة ديالك. كيقول الرسول بولس بلي راه من خلال الكنيسة عتبان الحكمة ديال الله المتنوعة. وكيفاش غيقوع هادشي؟ من خلال التبشير بالإنجيل، اللي غادي ينور كل الناس باش يشوفو الخطة ديال الله الأبدية للتجاة ديال العالم (أفسس 3: 7-12).

رابعًا، كنتمي باش هاد الكتاب يعاونك تعرف مزيان الحدود ديال الإنجيل في العقل والفكر ديالك. البشارة ديال الإنجيل هي رسالة قوية، كتدخل لأعماق التفكير ديال العالم والأولويات دياله وكتنتج حقائق قوية كتغير كلشي. للأسف، المسيحيين وبينهم حتى الإنجيليين ديما كيميلو باش ينقصو من دوك الحدود باش الإنجيل يكون مقبول كتر في العالم. هادشي علاش كنصلي باش هاد الكتاب يعاون المؤمنين يحافظو على الحدود ديال الإنجيل، ومايفرطوش في الحقائق اللي هي أساسية في الإعلان ديال البشارة، وأخا يكون صعب على العالم يقبل دوك الحقائق. كنميلو باش نحاولو نقدمو الإنجيل بطريقة جذابة. وهادي حاجة مزيانة من بعض النواحي، راه في النهاية الإنجيل هو "بشارة" هو "خبر الخير" - ولكن خاصنا نردو البال باش مانفرطوش في النقط الأساسية ديال الإنجيل. خاصنا نحافظو على الحدود دياله. كنتمي يعاونًا هاد الكتاب باش نديرو هادشي مزيان.

أخيرًا، في حالة ماكنتيش مؤمن بالمسيح، كنصلي باش القرية ديال هاد الكتاب تعاونك باش تفكر مزيان في البشارة اللي بشرنا بيها يسوع المسيح. هادي هي الرسالة اللي حنا المسيحيين عطينا حياتنا كلها ليها، وهي الرسالة اللي كنا منو بلي خاصك تسمعها وتستاجب ليها. راه حاجة وحدة ماخصكش تتجاهلها في هاد العالم وهي صوت الله اللي كيقول ليك: "هادا هو خبر الخير! هنا غتلقا كيفاش تقدر تنجي من العقوبة ديالي!" هادا هو الإعلان اللي كيتير الإنتباه ديالنا.

## الفصل 1:

# فين نلقاو البشارة ديال الإنجيل في الكتاب المقدس

واش كتعرف بلّي نضام تحديد المواقع "جي بي إس" تسبّب في فوضى كبيرة في بزّاف ديال المدن في أمريكا؟ خصوصًا في المدن الصغار. بالنسبة للناس اللّي كيعيشو في المدن الكبار، هاد الأجهزة الصغيرة كتعتبر مهمة بزّاف. غير خاصك تشعله وتكتب العنوان اللّي بغيتي توصل ليه بطريقة ساهلة، وصافي كيوريك الطريق الساهلة والقصيرة وماعمرك مازال تتلف على الطريق أولا تدخل في شي زنقة غلط- غير خاصك تكون في طموبيلتك ويكون عندك الـ"جي بي إس" باش توصل للبلاصة اللّي بغيتي توصل ليها.

مؤخرا خديت حتّى أنا واحد الجهاز ديال "جي بي إس"، أصلًا شريتو غير حيت كنت بغيت نتحدّا الشخص المسؤول على النضام ديال الطرقات المعقدين ديال واشنطن عاصمة أمريكا (بلا ماندر سميته). ولكن أول مرّة جرّبت الجي بي إس ماكنتش في واشنطن، ولكن كنت في دوار صغير سميته ليندن في ولاية تكساس، وهاد هو الدوار الصغير فين كبرت.

وشفت أن جي بي إس ماكان عنده حتّى شي مشكل باش يخدم مزيان في الشوارع المعقدين ديال واشنطن. ولكن الغريب هو أنه ماخدمش مزيان في ليندن، الطرقات اللّي كان كيورييني تما في الحقيقة ماكانوش موجودين. والعناوين

اللّي أنا كنت عارف أنهم كاينين، جي بي إس كان كيحطهم في بلاصة خرا بعيدة أولا ماكانوش فيه گاع.

باين بلّي هاد المشكلة غادية وكتكبر. شركة إي. بي. سي (ABC) ديال الأخبار نشرات القصة ديال الطرقات ديال واحد الجي اللّي عمرو بالتجارة والحركة غير حيث جي بي إس بدا كيدوّز الناس من داك الجي عوض يدوّزهم من لوتوروت الكبير. وحتّى كاينين مشاكل خرين، واحد الشاب أمريكي من ولاية كاليفورنيا قرّر يتبع جي بي إس ودار في واحد الطريق بزا المدينة، ولقا راسه واحل فوق السكة ديال التران مقابل مع واحد التران جاي في الإتجاه دياله غادي يدخل فيه، هو نجا من ديك الكسيده، ولكن الطموبيل ديال الكرا اللّي كين صايگها والجي بي إس مانجاوش.

واحد من أعضاء النادي الأمريكي ديال السيارات تعاطف مع هاد الشاب وقال: "واضح بلّي الجي بي إس خان هاد الشاب، حيث خداه في الطريق الغلط ودّاه للسكة بلا ماينبهو. وّا يقول ليك الجي بي إس تدير شي حاجة كتبان شوية خطيرة راه ماخصكش تديرها". عنده الحق!

شنو كيقوع إذن؟ الناس اللّي صنعو الجي بي إس كيقولوا أن المشكلة ماكيناش في الجي بي إس، هو كيدير الخدمة اللّي خاصّه يديرها. ولكن المشكلة كينة في الخرائط اللّي الشخص كيحطها في الجهاز. وكيبان أن الخرائط اللّي الناس كيحطو في الجي بي إس هي غالبًا خرائط قديمة بزّاف يقدر يكون عندها حتّى عشر سنين أولا عشرين عام، وخصوصًا الخرائط ديال الدواور أولا المّدن الصغار. التخطيط ديال المّدن ديما كيتغيّر خصوصًا ملّي كيكبرو المّدن.

في عالم عامر بالأجهزة ديال الجي بي إس، راه مهم ناخذو المعلومات من مصدر نقدرو نتيقو بيه!

## شكون هو مصدر السلطة ديالنا؟

نفس الحاجة مّلي كنهذرو على شنو هو الإنجيل. في البداية خاصنا ناخذو بعض القرارات على المصدر ديال المعلومات الّلي كنعتملوهم باش نجاوبو على هاد السؤال. بالنسبة للإنجيليين، الجواب ديال ديما هو نفسه: كنعلاو الجواب في الكتاب المقدّس. هادشي صحيح، ولكن مهم نعرفو ومانساوش بّلي ماشي كل الناس متّافقين مع داك الجواب. كل التقاليد "المسيحية" عطاو عدد من الأجوبة على السؤال ديال مصدر هاد السلطة، وكل جواب هو مختالف على الآخر. متلاً، بعض الناس قالو بّلي ماخاصناش نبنو الفهم ديالنا للبشارة ديال الإنجيل غير على الكتاب المقدّس بوحدهو أولاً ماخاصناش نعتامدو على الكتاب المقدّس بشكل رئيسي، ولكن راه خاصنا نعتمدو على التقليد المسيحي حتّى هو. بعض البناس قالو بّلي إلا الكنيسة أمّات بشي حاجة لمدة طويلة، فراه ضروري تكون هاد الحاجة صحيحة. وناس خرين قالو أنّا نقدرو نعرفو الحق إلا ستعملنا المنطق، كيقولو بّلي إلا بنينا معرفتنا من "الألف" حتّى لـ "اليا" - يعني "الألف" كتعطينا "البا" و "البا" كتعطينا "التا" وزيد وزيد- راه غاديين نوصلو لفهم حقيقي على نفوسنا والعالم والله. وقالو ناس خرين بّلي خاصنا نقلبو على الحقيقة ديال الإنجيل في الخبرة والتجارب ديالنا الخاصّة. وكّل ما عمرو قلوبنا بالإنجيل، كلما كبر الفهم الصحيح فينا على نفوسنا وعلى الله.

وواخّا هكداك، إلا فكرتي مزيان، غتشوف بّلي كل مصدر من مصادر السلطة الثلاثة الّلي كابنين، في الأخير ماغقدرش يعطي النتيجة الّلي كيواعدنا بيها هاد المصدر. التقليد ديما كيخلّينا نتبعو الأراء والأفكار ديال البشر. والمنطق، كيما يقدر يقول لنا أي فيلسوف واخّا يكون مُبتدأ، غير غيعمّرنا بالشك (متلاً، حاول تبرهن على أنّك ماشي غير خيال ديال شي شخص آخر، أولاً بّلي عندك خمسة ديال الحواس تقدر تعتمد عليهم). وفي الأخير الخبرة أولاً التجربة الشخصية

كيخلىونا نعتامدو على الأحاسيس ديالنا اللي ديما متزعزعين باش نفرزو شنو هو الحق، وهاد الإحتمال مايمكنش نتيقو فيه.

إدن شنو نديرو؟ فين نمشيو باش نعرفو الحقيقة؟ وشنو هي هاد البشارة ديال يسوع المسيح؟ حنا اللي كنتبعو المسيح كناؤمنو بلي الله هدر معنا من خلال الكلمة ديالو اللي سميتها الكتاب المقدس. وحتى كناؤمنو بلي داكشي اللي قاله الله في الكتاب المقدس هو حق وحقيقة معصومة من الخطأ، هادشي علاش الكلمة دياله ماكترعش فينا الشك وماكتشوشناش، ولكن كترع فينا التقية. قال الرسول بولس في رسالة تيموتاوس الثانية الفصل 3 الآية 16: "كُتَابُ اللَّهِ كُلُّه جَا بِالْوَحْيِ مِنْ عِنْدِ اللَّهِ، وَنَافِعٌ لِلتَّعْلِيمِ وَالتَّنْذِيرِ وَالتَّصْحِيحِ وَالتَّأْدِيبِ فَدَاكُشِي اللَّي كِيْرُضِي اللَّهَ" وحتى الملك داود كتب هاد الكلام:

"الله طريقه كاملة، والكلامه ديالو نقي. هو تُرس حِماية لكل النَّاس اللي كيجتاميو بيه" (مزمو 18: 30).

إدن خاصنا نقلبو في الكلمة ديال الله باش نلقاو شنو قال الله لينا على ولده يسوع وعلى خبار الخير ديال الإنجيل.

### فين نقلبو في الكتاب المقدس؟

ولكن فين نقلبو في الكتاب المقدس باش نلقاو هادشي؟ كنضن بلي كاينين بزاف ديال الطرُق نقدرود نتبعوهم. متلاً، نقدرود نقلبو في كل المواضيع اللي كنلقاو فيهم كلمة إنجيل في العهد الجديد، ونحاولو نوصلو لشي خلاصة على شنو كييعني الكتاب المقدس ملي كيستعمل كلمة إنجيل أولا البشارة. أكيد كاينين بلايص قلال فين الكتاب المقدس كيشرح هاد الكلمة.

يقدر يكونو بزّاف ديال الحوايج المهمّين اللّي نقدرو نتعلمو من هاد الطريقة، ولكن راه حتّا كاينين فيها بعض العيوب والمشاكل. متلّا، الأغلبية ديال الأوقات العهد الجديد كيبيغي يعطي مُلخّص واضح على البشارة، ولكن ماكيستعملش كلمة إنجيل گاع. متلّا، نشوفو في الوعض ديال الرسول بطرس في يوم الخمسين في أعمال الرسل الفصل الثاني. ربّما ماكينش شي شرح على البشارة واضح كتر من هادا، ولكن الرسول بطرس ماستعملش كلمة إنجيل گاع. كاين واحد المِثال آخر، وهو ديال الرسول يوحنا، اللّي ستعمل كلمة إنجيل في الكُتُب اللّي كتب في العهد الجديد غير مرّة وحدة (رؤيا 14: 6)!

ودابا اجي نحاولو نحدو الوجه الرئيسي ديال الإنجيل المسيحي، ماشي من خلال أننا ندرسو الكلمة ديال الله ولكن دابا من خلال الكلام اللّي قالوه المسيحيين اللّولين على يسوع وعلى الأهمية ديال حياته والموت دياله والقيامة دياله. إلاقبنا في الكلام اللّي كتبوه الرُّسل والعِضات ديالهم في الكتاب المقدّس، غنلقوا أنهم كيشرحو الأمور اللّي هما بنفوسهم تعلموها من يسوع بنفسه على البشارة، بعض المَرّات كيشرحوها باختصار وبعض المَرّات بالتفاصيل. نقدرو نستنتجو بعض الأسئلة الشائعة، وبعض الأمور اللّي عندها علاقة بالحقائق اللّي تبعوها الرُّسل باش يهدرو لينا على البشارة ديال يسوع.

#### البشارة ديال الإنجيل في رسالة رومية 1-4

واحد من أحسن البلايص باش نبدأو البحت ديالنا باش نلقوا تفسير أساسي على الإنجيل هو رسالة الرسول بولس للمؤمنين ديال روما. الرسالة ديال رومية، ربّما هي واضحة كتر من أي كتاب أولا رسالة خرا في الكتاب المقدّس، فيها كنعقوا التعبير والشرح المدروس والمُفصّل ديال الرسول بولس على البشارة.

كنعرفو أنه في الحقيقة رومية هي ماشي كتاب ولكن هي رسالة- الرسالة هي طريقة من خلالها الرسول بولس كيقدّم نفسه والتعليم اللي عطاها الله لمؤمنين مازال ماتلاقاهم شخصياً. وهادشي علاش كتبان على أنها رسالة منظمة ومفصلة. كان بغا الرسول بولس باش هاد المؤمنين يعرفو شكون هو وشنو هي الخدمة دياله وخصوصاً يعرفو الرسالة دياله. كان بغاهم يعرفو بلي البشارة اللي كان كيعلّم عليها هي نفسها البشارة اللي كانوا كيامنو بيها.

"راني ما كئحشّمش بالإنجيل حيث هو قوة الله للتّجاة لكلّ واحد اللي كيامن، لليهود فاللؤلؤ وحتّى لليونانيين" (رومية 1: 16). من هنا بدا الرسول بولس كيفسر البشارة اللي كتهدر على يسوع بطريقة مفصلة، وخصوصاً في الفصول الربعة اللولين. إلا قلبنا في هاد الفصول غنلقوا أن الرسول بولس بنى التقديم دياله لإنجيل على بعض الحقائق المهمة- حقائق كتبان بزّاف ديال المرّات في الوعظ والتعليم ديال الرسل على الإنجيل. أجي نتعمقو شوية في كلام بولس في رومية 1-4.

أولاً، بولس كيقول للمؤمنين بأنهم عندهم مسؤولية قدام الله. من بعد المقدمة اللي عطا في رومية 1: 1-7، بدا كيهدر على البشارة ديال الإنجيل من خلال إعلانة أن "الله بيّن العصبّ ديالّه من السما..." (الآية 18). من البداية ديال الكلام دياله، الرسول بولس كان كياكّد أن البشر ماشي مستقلّين بداتهم. حنا ماتخلقناش من أجل نفوسنا، ومانقدروش نعتامدو على نفوسنا ومانقدروش نكونو مسؤولين قدام نفوسنا. لا، الله هو اللي خلق العالم وكل ماكين فيه، وخلقنا حتّى حنا. وبما أن الله هو اللي خلقنا، فراه هو اللي عنده الحق باش يطلب العبادة ديالنا. قرا شنو قال الرسول بولس في الآية 21: "علاخفاش ملي عزفو الله، ما عطاوهش العزّ والشكزّ اللي كئليق بيّه، ولكن الأفكار ديالهم فسّدت وعقلهم الخاوي ولى مصلّم".

وهاكدا كنشوفو أن الرسول بولس كيّاهم البشر بأنهم دنبو حيت مامجدوش وماشكروش الله. راه من الواجب علينا كمخلوقات الله وملك دياله باش نعطيوه المجد والشكر اللّي كيستحق، وباش نعيشو ونتكلمو ونتصرفو ونفكرو بطريقة كتعترف وكتحترم السلطة دياله علينا. هو اللّي خلقنا وحننا دياله، كنعتمدو عليه وهادشي علاش عندنا مسؤولية غيحاسبنا عليها. هادي هي النقطة اللّولى اللّي كيحاول الرسول يهدر عليها في الشرح دياله على البشارة ديال الإنجيل.

تانيًا، الرسول بولس كيقول للمؤمنين بلّي المشكلة كاينة في التمرّد ديالهم ضد الله. المؤمنين وكل الناس مامجدوش وماشكروش الله كيما لازم. القلوب ديالهم الخاويين كانوا عامرين بالضلام، و "بَدَلُو الْعَزْ دِيَالَ اللَّهِ اللّي مَا كَيْفَنَاشْ بْتَمَاتِيْلْ عَلَى صُورَة بُنَادُمْ اللّي كَيْفَتِي، وَالطِّيُوزْ، وَالْحَيَوَانَاتْ اللّي كَتْمَشِي" (الآية 23). هادي صورة خايبة وما فيها مايتعجب، متافق معايا أولاً؟ مَلِي كيشوف الإنسان في الخالق دياله ومن بعد كيقرّر في العقل دياله بلّي واحد خشبة منحوتة ديال شي ضفدع أولاً شي طير أولاً حتّى صورة ديال إنسان آخر هي حسن من الله بنفسه، هادي هي قِمة الإهانة والتمرّد ضد الله. وهادا هو الأصل ديال الدنوب والجوهر ديالهم، والنتائج ديال هادشي هما خايبين بزّاف.

الرسول بولس في كل الفصول الثلاثة اللّي من بعد الفصل اللّول كان كيّاكد على هاد النقطة، هو كيّاهم البشر بلّي دنبو ضد الله. في الفصل اللّول، الرسول كيركز على الأمم اللّي ماشي يهود، وفي الفصل الثاني كيوجه الكلام دياله بنفس القوة لليهود. الرسول كان عارف بلّي اليهود غيفرحو بالإنقياد دياله للأمم وغينساو نفوسهم حيت كيفكرو بلّي هما تقيين كتر من الناس لخرين. هادشي علاش في رومية 2: 1 توجه ليهم وتّاهمهم وقال: "عَلَى هَادُسِّي، رَاهْ مَا عِنْدُكَ حَتَّى عُدْرِكَمَا بُغِيْتِي تُكُونْ آ اللّي كَتْحَكَمْ عَلَى نَاسْ خَرِينْ، حَيْثْ مَلِي كَتْحَكَمْ عَلَى غَيْرِكْ وَنْتَ كَتْدِيرْ دَاكْسِي اللّي كَتْدِيرْهُ، رَاكْ كَتْحَكَمْ حَتَّى عَلَى رَاسِكْ". هنا كيقول بلّي اليهود هما بحال الأمم، حتّى هما خالفو الشريعة ديال الله وغاادين يواجهو

الحُكم دياله. وفي الوسط ديال الفصل الثالث، الرسول بولس تَاهَم كل الناس بالتمرد ضد الله، قال "رَأَهُ سَبَقُ لِي بَيَّنْتُ بَلِي لِيَهُودَ وَالْيُونَانِيِّينَ كُلَّهُمْ عَبِيدُ لِدُنُوبٍ" (الآية 9). والخلاصة دياله الحكيمة كانت هي أَنْ كل القوام ديالنا غيتسدو وغيسكتو مَلِي نوقفو قدام الله القاضي ديالنا. حتى واحد ماغيقدر يدافع على راسه أولا يعطي شي عُدر على التمرد دياله. العالم كله- اليهود والأمم- غبواجهو الجزاء والعقوبة ديال الله (الآية 19).

دابا هاد الجوج نُقط اللّولين هما ماشي بشارة يعني ماشي خبار زوين كيفرح. هما في الحقيقة خبار خايبين، حيث التمرد ديالي ضد الله المقدس، القاضي اللّي خلقني، هي ماشي فكرة مزيانة. ولكن راه هاد النقط هما مهمّين حيث هما اللّي كيوجدو الطريق قدام خبار الخير، قدام البشارة. إلا فكّرتي في هادشي مزيان غتشوف بلّي هاد النقطة منطقية بزّاف. إلا جا عندك شي واحد وقال ليك بلّي هو "جا باش ينجّيك"، راه هاد الخبار ماغتكونش خبار لخير إلا ماكتنّيش كتفهم بلّي نت في مشكل ومحتاج لشي واحد ينجّيك ويعاونك.

تالتاً، كيقول الرسول بولس بلّي الحل اللّي عطاه لينا الله على ود الذنوب هو الموت ديال يسوع المسيح، والقيامة دياله. من بعد شرح لينا الرسول بولس المشكل اللّي كنواجهوه حيث حنا مُدنيين قدام الله المقدس، وهنا كيدوز وكيشرح لينا الخبار الزوين، البشارة ديال يسوع المسيح.

كيقول بولس "وَلَكِنْ دَابَا، رَأَهُ بَأَنْتُ التَّقْوَى اللّٰي كَيَبْغِيهَا اللهُ بَلَا شَرْعٍ..." (الآية 21). يعني كايينة طريقة باش البشر يبانو قدام الله على أنّهم تقيين وماشى مُدنيين باش الله يحسبهم متبررين تقيين وماشى مُدنيين، باش ينجاو ومايتعاقبوش. وهادشي ماكيكونش ممكن إلا دارو أعمال صالحة وعاشو بطريقة مزيانة، راه هادشي كيوقع "بلا الشرع" يعني بلا أعمال الدين والشرعية.

كيفاش هادشي ممكن؟ الرسول بولس كيشرح هادشي في رومية 3: 24. واخا حنا تمردنا ضد الله وحالتنا ماعندها رجا، راه مزال الناس يقدرو يكونو "بازيين" (يعني تقيين) بلا تَمَنُّ بِالْمَسِيحِ يَسُوعَ الَّذِي فُذَاهُمْ". راه من خلال الموت ديال المسيح بصيفته كفارة على دنوبنا، ومن خلال القيامة دياله، نقدرو ننجاو ونتخلصو من العقوبة اللي كنستاحقوها.

ولكن كاين واحد السؤال آخر كيجاوب عليه الرسول بولس هنا. كيفاش هاد الخبر يقدر يكون خبار زوين بالنسبة ليا؟ كيفاش أنا نقدر نستافد من هاد النجا اللي واعدنا بيه الله؟

في الأخير، الرسول بولس كيعلّم المؤمنين كيفاش يستافدو من هاد النجا. هو هدر على هادشي في الآيات اللي بقاو في الفصل الثالث وفي الفصل الرابع كامل. نقدرو نستافدو من النجا اللي عطاها لينا الله من خلال "الإيمان بيسوع المسيح"، "هَذَا التَّقْوَى كَيْعْطِيهَا اللهُ لَكَّاعْ هَادُوْكَ الَّذِي كَيَأْمَنُوْ" (رومية 3: 22). إذن كيفاش هاد الخبر يقدر يكون خبار مزيان ليا بالضبط وماشي غير لشي شخص آخر؟ كيفاش أنا بالضبط نقدر ناخذ هاد النجا؟ من خلال الإيمان ديالي بيسوع المسيح. نتيق ونأمن بلي هو بوحدته اللي يقدر ينجيني. والرسول بولس كيزيد كيوضح هادشي ملي قال: "أَمَّا الَّذِي مَا كَيْدِيْزْشْ شَيْ عَمَلْ وَكَيَأْمَنُ بِاللَّهِ الَّذِي كَيُعْفَرْ لِّلْمُذْنِبِ، رَاهْ عَيْحَسْبُهُ اللهُ مَتَّاقِي عَلَيَّ وَدُّ الإِيْمَانُ دَيَالَهُ" (رومية 4: 5).

## ربعة ديال الأسئلة مهمين

دابا من بعد شفنا الحجة والشرح ديال بولس في رومية 1-4، نقدرو نشوفو بلي في القلب ديال الإعلان دياله للإنجيل كاينين أجوبة على ربعة ديال الأسئلة مهمين:

1. شكون خلقنا؟ وشكون اللي عنده المسؤولية باش يحاسبنا؟

2. شنو هي المشكلة ديالنا؟ يعني واش حنا بالحق في مشكلة؟ وشنو هي هاد المشكلة؟
3. شنو هو الحل ديال الله لهاد المشكلة؟ وشنو دار الله باش ينجينا من هاد المشكلة؟
4. كيفاش أنا نقدر ناخذ هاد الحل وننجا من المشكلة دابا؟ شنو اللي كيخلي هاد البشارة تكون شخصية؟

نقدرو نلخصو هاد الربعة ديال الأسئلة بهاد الطريقة: الله وبنادم والمسيح والجواب ديالي.

والرسول بولس كيزيد يهدر على بزّاف ديال الوعود اللي الله واعد بيهم الناس اللي قبلو النجا ديال يسوع، ودوك الوعود كلهم هما صُور كيعكسو البشارة ديال المسيحية، خبار الخير ديال يسوع المسيح.

ولكن راه مهم بزّاف باش نفهمو من البداية بلي هاد الوعود العزيمة كيعدمو على هاد البشارة وهما نابعين منها، هاد الوعود هما القلب ديال الإنجيل في المسيحية. ودوك الوعود غادي يتحققو غير في حياة الناس اللي تغفرو ليهم دنوبهم بالإيمان بالمسيح اللي مات فوق الصليب وتبعت من الموت. هادشي علاش ملي الرسول بولس بغا يهدر على البشارة ديال الإنجيل، بدا كيهدر على هاد الحقائق بربعة.

### البشارة ديال الإنجيل في العهد الجديد

ماشى غير الرسول بولس بوحده اللي هدر على الإنجيل في العهد الجديد. ملي كنقروا الكُتُب اللي كتبوهم الرُّسل لخرين كنعلاوهم كيجاوبو على هاد الربعة ديال الأسئلة بزّاف ديال المرّات. بما أن هاد الأمور كتدخل في الجوهر والقلب ديال البشارة، فشنو ممكن يقولو لينا حتى هما على هاد الحق؟ ممكن يكون

عندنا سياق مختلف، أولاً طريقة مختلفة باش نفكرو في الأمور، أولاً طريقة مختلفة ديال لكلام، ولكن واحّا هكداك كنشوفو أن المسيحيين اللولين ديما كانو كيهدرو على هاد الحقائق بربعة: حنا مسؤولين قدام الله الخالق ديالنا. حنا دنبنا ضد الله وهو غادي يحكم علينا بصيفته القاضي. ولكن الله نجّانا بيسوع المسيح، وحتّا شادّين في داك النجا بالتوبة من دنوبنا وبالإيمان بيسوع.

الله. الإنسان. المسيح. والجواب ديالنا.

دبا أجيو نقراو بعض الآيات في العهد الجديد فين كنلقاو تلخيص للبشارة ديال إنجيل يسوع. متلاً خَلينا نقراو الكلام المشهور ديال الرسول بولس في رسالة كورينثوس اللولى 15: 1-5:

"وَرَانِي كَنفَكَّرَكُم آ الْخُوتُ بِالْإِنْجِيلِ الّلي خَبَرْتُكُم بِهِ وَفُتِلْتُوهُ وَمَا زَالَ تَابِتِينَ فِيهِ، وَبِيهِ عَنَّجَاوْ إِلا بَقِيْتُو تَابِتِينَ فَالْكَلامِ الّلي خَبَرْتُكُم بِهِ، مِنْ غَيْرِ إِلا كُنْتُو آمَنْتُو بَلَا فَايْدَة. رَانِي وَصَلْتُ لِيكُم فَالْلَوْلُ دَاكْسِي الّلي قُبِلْتُهُ حَتَّى أَنَا، بَلِي الْمَسِيحِ مَاتَ عَلَيَّ وَدُ دُنُوبَنَا كَيْفَ مَكْتُوبُ فُكْتَابَ اللهُ، وَتُدْفَنُ، وَفَالنَّهَارِ التَّالِثِ تَبَعْتَ مِنْ الْمَوْتِ كَيْفَ مَكْتُوبُ فُكْتَابَ اللهُ. وَبَانَ لَصَفًا وَمِنْ بَعْدِ لِّلتَّلَامُدِ بَطْنَانِ"

واش لاحضتي الطريقة ديال الكلام هنا؟ ماكيباش بولس هنا كيحاول يتعمّق في الموضوع كيما كان تعمّق فيه في رسالة رومية 1-4، ولكن مازال كاينين دوك الحقائق الأساسية. البشر كلهم في مشكلة كبيرة، حنا غارقين في "دنوبنا" ومحتاجين لشي واحد "ينجينا" (من الحكم ديال الله الواضح)، وهاد النجا هو ممكن حيث: "المسيح مات على ود دنوبنا... وتدفن... وتبعث من الموت". وهادشي كلّه نقدرنا ناخدهو إلا "تمسكنا بالكلام ديال البشارة"، بالإيمان الحقيقي.

وهاكدا كنشوفو هنا هاد الأمور بربعة: الله والإنسان والمسيح والجواب ديال الإنسان.

حتى في العِضات اللي مكتوبين في أعمال الرسل، كيبان واضح هاد الإطار والشكل الرئيسي ديال البشارة ديال الإنجيل. ملي الرسول بطرس في يوم الخمسين قال للناس شنو خاصهم يديرو من بعد سمعو الإعلان ديال موت المسيح والقيامة دياله، هو قال: "توبو، وخص كل واحد منكم يتعمد باسم يسوع المسيح باش تغفر ليكم دنوبكم، وعادي ننعم عليكم الله بالروح القدس".

حتى كنشوفو أن الرسول بطرس ماتعمقش في الشرح، وهدر غير شوي على الحكم ديال الله، ولكن وحا هكداك راه كنشوفو النقط بربعة كاينين هنا. المشكلة: نت كحتاج باش يغفر ليك الله دنوبك، باش مايحكمش عليك. الحل: الموت والقيامة ديال يسوع المسيح، اللي بطرس هدر عليهم بزاف في الوعض دياله. الجواب ديال الإنسان: التوبة والإيمان اللي المعمودية كتشهد عليهم.

كنشوفو هاد النقط بربعة عوتاني في واحد الوعض آخر ديال الرسول بطرس في أعمال الرسل 3: 18-19:

"ولكن الله هكا كمل ذاكسي اللي خبز بيه على لسان الأتينا دياله كلهم، بلي المسيح خاصه يتعذب. ايوا توبو وزجعو لله باش تمخا دنوبكم، وتجي ساعة الفرج من عند الرب"

المشكلة: كحتاجو باش يتمسحو دنوبنا، وباش مايحكمش علينا الله. الحل: المسيح تألم من أجلنا. الجواب ديال الإنسان: التوبة والرجوع لله من خلال الإيمان.

خَلِينَا نَتَأْمَلُو فِي الْبَشَارَةِ الَّتِي وَعَضَ بِبَيْهَا الرَّسُولُ بَطْرُسَ لِكْرِنِيلْيُوسَ وَالْعَائِلَةَ  
دياله:

"وَحِنَّا كُنْشَهْدُو عَلَي كَاعِ الْخِيْرِ الَّتِي دَارَ فُؤْبَلَادِ الْيَهُودِيَّةِ وَفَأَوْزَسَلِيمَ.  
وَرَاهُ هُوَ الَّتِي فُتْلُوهُ مُعَلِّفِينُهُ عَلَي حَسْبَةِ. وَلَكِنْ اللَّهُ بَعَثَهُ مِنْ الْمَوْتِ  
فَالْيَوْمِ الثَّلَاثِ، وَخَلَاةَ يَبَانِ، مَا سِي لِلسَّعْبِ كُلِّهِ، وَلَكِنْ غَيْرَ لِلسَّهْوِ  
الَّتِي خُتَارَهُمُ اللَّهُ مِنْ قَبْلِ، وَالَّتِي هُمْ حِنَّا، الَّتِي كَلِينَا وَسُرِينَا مَعَاهُ مِنْ  
بَعْدَمَا تُبْعَثُ مِنَ الْمَوْتِ. وَمَنْ بَعْدَ وَصَانَا بَاشَ نَخْبِرُو النَّاسَ  
بِالْبَشَارَةِ، وَنَشْهَدُو بَلِيَّ اللَّهِ عِظَاهُ بَاشَ يُحْكَمُ عَلَي النَّاسِ الْحَيِّينَ  
وَالْمَيِّتِينَ. 43 وَلِيَهُ كَيْشَهْدُو كَاعِ الْأَنْبِيَا بَلِيَّ كُلِّ وَاحِدٍ كَيْأَمَنْ بِبَيْهِ عَتَّغَفَرُ  
لِيَهُ الدُّنُوبَ بِالْإِسْمِ ذِيَالَهُ" (أعمال الرسل 10: 39-43)

الغفران ديال الدنوب باسم المسيح الَّتِي تُصَلِّبُ وَتُبْعَثُ مِنَ الْمَوْتِ، لِكُلِّ  
الناس الَّتِي كَيْأَمَنُوا بِهِ.

الرسل بولس وعض بنفس البشارة في أعمال الرسل الفصل 13:

"وَوَاصُكُمْ تُعَرَّفُو آ الْخُوتِ، زَاهُ حِنَّا كُنْخَبِرُوكُمْ بَلِيَّ بَيْسُوعَ كُنْكَونَ  
مَغْفَرَةَ الدُّنُوبِ، وَهَذَا الصَّلَاحُ الَّتِي مَا قُدْرُتُوشَ تُلْقَاوَهُ بُسْرَعِ  
مُوسَى، لِقِيَّتُوهُ بَيْسُوعَ الَّتِي بِبَيْهِ كُلِّ وَاحِدٍ كَيْوَلِّي بَارِي مَلِيَّ كَيْأَمَنْ"  
(أعمال الرسل 13: 38-39)

نفس الحاجة هنا، نقدر ونشوفو هاد الحوايج بربعة، الله والإنسان والمسيح  
والجواب ديال الإنسان. كنحناجو لله باش يضمن لينا "الغفران ديال الدنوب"،  
وهادشي ممكن غير من خلال "يسوع"، ويقدر يستافد من هاد الغفران "كل واحد  
كَيْأَمَنْ".

## الشرح ديال الحقائق الأساسية بطرق مختلفة

واضح بلي هاد الطريقة- اللي داخل فيها موضوع الله والإنسان والمسيح والإستجابة ديال الإنسان- ماشي هي الطريقة الوحيدة اللي كاينة. الرُّسل ما كيعتبروش أن كل نقطة هنا هي نقطة مرجعية ضروري تذكركل مرة كنهذرو فيها على الإنجيل. ولكن هما كيشرحو هاد الرُّسلة ديال النُّقط إِمَّا بالتفصيل أَوْلا بإختصار. حسب السياق وحسب شحال طويل الوعض اللي كانو كيوعضو بيه وحسب شكون اللي كان كيستمع ليهم. بعض المرّات الرُّسل كيخلىو وحدة من هاد النقط بلا ما يشرحوها مزيان وأخا كيدكروها، خصوصًا النقطة ديال المُحاسبة ديال الله لينا، والغفران اللي كيعطينا. ولكن كنعرفو بلي هاد النقطة فاهمينها كل اليهود مزيان وماكانوش الرُّسل محتاجين يعاودو يعلمو هاد الحق.

من جبهة خرا، ملي هدر بولس مع الفلاسفة اللي كانو كيعبدو الأصنام، بدا مع حقيقة الله بنفسه. وعادة الكنيسة كتستعمل الوعض ديال الرسول بولس في أعمال الرسل الفصل 17 كنمودج ومثال لينا ملي كنبشرو بالإنجيل في الثقافات فين كاينة العبادة ديال الأصنام والأوتان. ولكن كاينة واحد الحاجة عجيبة وماشي عادية في داك الوعض. إلا تأملتني فيه غتلقا بلي الرسول بولس ماكانش كيعلن خبار الخير تمًا، بالعكس هو كان كيعلن غير الخبار الخايب.

هو بدا كلامه بهاد الجملة: "إِيوَا هَاذَا اللَّي كَتَعْبُدُوهُ وَمَا كَتَعْرِفُوهُشْ، هُوَ اللَّي كَتَحَبْرَكُمُ عَلِيَّهْ."، ومن بعد في الآيات من 24 ل 28 بدا كيشرح ليهم بلي كاين واحد الإله اللي هو الله، اللي خلق العالم، وهو بغانا نعبده. هادا هو الأساس، ومن بعد في الآية 29 تمًا بدا كيشرح ليهم شنو هما الدنوب والجدور ديال الدنوب في العبادة ديال المخلوقات عوض نعبدو الله، ومن بعد الرسول علن بلي الله غادي يحكم على الناس "عَلَى يَدِ الرَّاجِلِ اللَّي خُتَارُهُ لِهَادِثِي، وَبِيْنُ بِالْحُجَّةِ لِلنَّاسِ كُلُّهُمْ بَلِي خُتَارُهُ مَلِي بَعْتُهُ مِّنْ أُمُوثٍ!" (الآية 31).

والرسول كَمَل كلامه بهاد الجملة. ففكر في كلامه مزيان. بولس ماهدرش على الغفران، وماهدرش على الصليب، وماهدر على حتى شي وعد بالنجا - هو غير هدر على شنو الله طلب مئا وعلى الإعلان ديال القيامة على أساس أنه دليل على الحكم دياله الأخير! حتى مادكرش الرسول هنا إسم يسوع!

إدن شنو واقع هنا؟ واش الرسول ماكانش كيوعض بالإنجيل؟ هادي حاجة ماكتبانش مزيانة. في هاد الوعض ماكين لا إنجيل ولا بشارة، الرسول غير كان كيهدر على الخبر الحزين والخاب. ولكن قرا الآيات من 32 ل 34، حيث تمّا الكتاب المقدس كيقول لينا بلّي هاد الناس كانوا بغاو يسمعو لكلام ديال بولس عوتاني، وكيقول لينا بلّي في الأخير كايين ناس اللّي آمنو. كيبان لينا بلّي الرسول بولس بالحق هدر على البشارة- يعني هما فهمو بلّي الناس المُدنيين يقدر وينجاو من الحكم الأخير- ربّما الرسول بَشّر بالحق بطريقة سرّية أولا علنية.

كان الرسول بولس بحال الرُّسل لخرين، حتى هو قادر يعلم ويعلم الحقائق ديال الإنجيل الأساسية بطرق مختلفة. ولكن راه مهم نفهمو بلّي كايين بعض الحقائق المركزية والأساسية كتنلقاوهم في الإنجيل، ومن خلال الكلام ديال الرُّسل المحفوز قدرنا نعرفوهم ونشوفوهم. في الرسالة ديال رومية والرسالة اللّولى ديال كورنتوس، وفي العِضات اللّي محفوزين في أعمال الرسل وفي العهد الجديد كامل، كنشوفو بلّي المسيحيين اللّولين بناو الإعلان ديالهم والتبشير ديالهم بالإنجيل على هاد الحقائق المهمة.

في البداية، الخبر الخاب هو أنّ: الله هو اللّي غيحكم على كلشي، ونت دنبتى ضدّه، وهو غادي يحاسبك. ومن بعد كتجي البشارة ديال الإنجيل، يعني الخبر الزوين اللّي كيقول: ولكن راه يسوع مات باش الله يغفر الذنوب ديال المُدنيين، إلا تابو وأمنو بيه.

## الفصل 2:

# الله الخالق التقى

أجيو دابا نتعرفو على الإله (لاحضو معايا أني ماقلتش الله). ربّما غتبغي تقرا الكتاب بصوت خفيف دابا. يقدرهو يكون ناعس دابا. هو قديم وكبير، وممكن ماكيفهمش بزّاف في العلم ديال دابا أولا ممكن حتّى يكون كيكره العلم. العصر الذهبي دياله فات هادي مدة طويلة، ممكن حتّى قبل مايتولد حتّى واحد فينا. في الماضي كانو الناس كيهتمو بالرأي دياله في الأمور ديال الحياة، وكانو كيغتبروه مهم بزّاف في حياتهم.

بلا شك كل هادشي تغيّر دابا، والإله المسكين ماقدرش يتأقلم مع الوقت. الحياة ستمّرات، زادت لقدّام وخلاته لور. ودابا، الأغلبية ديال الوقت دياله كيبقا غير كيفكّر في ديك الجنّة لقديمة. مرّة مرّة كنمشي نشوفو، وتمّا كنتمّشاو شوي وكنهدرو بهدوء وسط الطبيعة والورود.

على كل حال راه كيبان بلّي كاينين بزّاف ديال الناس مازال كييعجبهم- أولا على الأقل هو قدر يحافض على الدعم والإعجاب ديال الناس بنسبة عالية. غادي تتفاجئ إلا عرفتي شحال ديال الناس كيزوروه وكيطلبو منه بزّاف ديال الحوايج كل نهار. أكيد هادي حاجة مزيانة، هو موجود باش يعاونّا.

وسعداتنا حيت كل دوك الأمور الغريبة اللي كنقراو عليها مرّة مرّة في العهد القديم – بحال ملّي الأرض كلات الناس، والعافية كتطيح من السما على الناس، وأمور خرا مابقاوش كيوقعو مع الوقت. ودابا هو غير بحال صديق ديالنا ضريف، ماكيتطلب منّا نديرو والو ليه، وساهل نهדרو معاه، وحتّى هو ماكيهدرش بزّاف

معانا، ولكن مَلِي كيهضر معانا عادةً هو كيهضر معانا من خلال "علامات" قلال  
بَلِي داكشي اللِّي بغينا نديرو هو موافق عليه. هادا أحسن صديق، ياك؟

وواخا كل هادشي، واش عرفتي شنو أحسن حاجة كاينة فيه؟ هو ماكيحكماش  
عليا. هو ماكيحكماش على حتى حاجة كنديرها. أكيد أنا عارف في أعماق قلبي بَلِي هو  
كيتمتِي نكون حسن- مانكونش أنا بي بزاف، ونكون إنسان كيبيغي كتر- ولكن راه  
هو في نفس الوقت واقعي وعارف شنو كاين. وأنا متأكد بَلِي هو فاهمني ومتفهم  
حالي. وزيد على هادشي راع خدمته هي يغفر للناس. في الأخير حنا كنعرفو بَلِي  
الله محبة، ياك؟ وأنا كتعجبني الفكرة ديال أن الله ديال المحبة "ماكيحكماش  
على الناس، هو غير كيغفر". هادا هو اللإله اللِّي كنعرف. ومابغيتش نفكر بيه  
بطريقة خرا.

واخا، دابا أجي نوقفو واحد الشوية. دابا نقدرو نتممقو شوية. ماتخافش،  
ماغنطولش عليك. في الحقيقة أنا غنكون فرحان بأي وقت نقدرو ندوزو معاك  
في هاد الكتاب.

## الإفراضات على الله

واخا، هادا الكلام اللِّي كيشوش هو غير جزء من الأفكار المغلوطة على الله.  
ولكن كنسول راسي واش بالحق هادشي هو اللِّي كيفكرو فيه الأغلبية ديال الناس  
وحتى المسيحيين على الله؟ الله بالنسبة للأغلبية ديال الناس هو ضريف  
واجتماعي، تالف ومحتاج شوي ولكن في نفس الوقت هو مُحِب بزاف، عنده  
أمنيات ولكن ماشي مطالب ضرورية، ساهل نتجاهلهو إلا ماكانش عندنا الوقت  
الكافي ليه، وهو كييعرف بَلِي البشر كيدنبو ومتفهمنا، كتر من ما حنا متفهمين  
الدنوب ديال بعضياتنا.

هادي هي الحالة والفكرة اللي متناشرة حتى وسط بعض الناس اللي كيقولو هما مسيحين، الناس عندهم فهم أساسي على شنو كيعلّمنّا الكتاب المقدّس على الله وعلى الشخصية ديال الله. وكيفا دارو الرُّسُل مع ليهود، نقدرو حتى حنا بنينو إفتراضات على شنو كيعرفو الناس ملي وصلتي ليهم البشارة ديال الإنجيل.

هادشي مابقاش صحيح، على الأقل في الأغلبية ديال العالم. أنا كبرت في واحد الدُّوار صغير شرق ولاية تكساس، وفي أغلبية الأوقات في التدريب دياي كنت كنبشّر ناس سبق ليهم سمعو البشارة ديال الإنجيل. ولكن ملي مشيت نقرا في الجامعة في نيو هيثن في ولاية كونكتيكت، كان كلشي مختلف. ودغيا لقيت راسي كنعيش وسط ناس ماكبروش وهما كيسمعو على الله - ناس رفضو الفكرة من البداية. مازال عاقل واحد المرّة تلاقيت معا واحد الشخص قال ليّا: "واش كتضحك معايا؟ نت كتأمن بهادشي؟" وضحك ملي هدرت معاه على الله.

بحال هاد الحالة تعاودات بزّاف ديال المرّات في الوقت اللي كنت ساكن تما، وفي الأخير تعلّمت نقول: "أه، أنا كئامن". ولكن حتى تعلّمت مانبنيش إفتراضات على شنو كيعرفو الناس على الله. إلا كنت غادي نبشّر بالإنجيل ديال يسوع المسيح ليوم، فراه خاصني نبدا من اللّؤل، ونهدر على الله بنفسه.

بلا شك، تقدر تعيش عمرك كلّه وننا كتدرس شنو علن لينا الله على نفسه (وراه خاصنا نديرو هادشي)، وماشي ضروري باش تقول كل حاجة كتعرفها على الله باش تقدر تعلن البشارة ديال الإنجيل. ولكن راه كاينين بعض الحقائق الأساسية على الله واللي خاص الشخص يعرفهم باش يفهم شنو كيوقع في البشارة ديال الإنجيل. فكّر فيها بحال أن الخبر ديال الخير جات بعد لخبار الخايب.

كاينين جوج نُقطُ أساسيةً خاصنا نوضحوهم من البدية: الله هو الخالق، وهو مقدّس وتقي.

## الله الخالق

راه البدية ديال الرسالة المسيحية- وحتىّ البدية ديال الكتاب المقدّس كلّه- هي أن الله "في البدية خلق السما والأرض". كلشي كيبدا من هاد النقطة، وإلا فهمنا هاد الحق بطريقة غلط راه بحال إلامينا واحد السهم من النبلة بلا ماتيشو على الهدف. البدية هي مهمة.

الكتاب ديال التكوين كيبدا بالقصة ديال كيفاش خلق الله العالم: خلق الجبال دياله والوديان اللي فيه، والحيوانات والحوت اللي فيه، والطيور وكل حيوان كيزحف على كرشه. والله خلق كل حاجة خرا في هاد الكون: النجوم والقمر، الكواكب والمجرات. وهادشي كلّه تخلق بالكلمة دياله اللي خرجت من فمه، وكل حاجة في العالم تخلقات من العدم، يعني جات من الو. الله ماخداش شي مادة أولية ديجا كانت موجودة، ومن بعد عاود صاوبها بحال الفخار باش تولي شي حاجة مختلفة كنشوفوها ليوم. لآ، كتاب التكوين كيعلّمنا بلي الله قال كُون وكان. "قال يكون النور، وكان النور".

كاينين بزّاف ديال الآيات في الكتاب المقدّس كيعلّمونا كيفاش الخليفة بنفسها كتشهد على المجد الله والقوة دياله. في مزمور 1: 119: 1 كنقراو "السما كتهدر على المجد ديال الله والنجوم كيخبرّو بالخدمة ديال يديه". وكيقول الرسول بولس في رومية 1: 20: "مَنْ أَلَوْفَتْ اللَّي تَخَلَّقَاتْ فِيهِ الدُّنْيَا، وَصِفَاتْ اللّهِ اللَّي مَا كَتَشَّافُشْ، اللَّي هِيَ الْقُدْرَةُ دِيَالَهُ الدَّائِمَةُ وَالْأَلُوهُيَّةُ دِيَالَهُ، كَتَبَانُ فَأَلْمُخْلُوقَاتْ دِيَالَهُ، وَهَكَأ مَا بَقِيَ عِنْدَهُمْ حَتَّى عُدْرُ". إلا سبق ليك وقفتي فوق شي جبل عالي وشفتي الطيور كيطيرو من تحت منك والسحاب واقفين حداك،

أولاً إلا سبق ليك كنتي في الخلا بعيد على المدينة وشفتي شي عاصفة والرعد  
كيضرب وحسيتي بالخوف والرهبة في قلبك، تما غادي تعرف المعنى ديال هاد  
الآيات. كاينين حوايج عجيبين في العظمة ديال الخليفة كيهدررو مع القلب ديال  
الإنسان وكيقولو: "راك ماشي بوحد هنا!"

في كل نهار جديد، القصة ديال الخليفة اللي مكتوبة في كتاب التكوين كتزيد  
تتوسّع وتكبر وكتزيد في الأهمية ديالها. في البداية ديال الخلق، الله خلق النور ومن  
بعد خلق البحر، ومن بعد البر ومن بعد القمر والشمس، ومن بعد الطيور  
والحوت والحيوانات، ومن بعد هادشي، ملي وصلات العملية للقمة ديالها، الله  
خلق الرجل والمرأة.

"وقال الله: «نخلق الإنسان على صورتنا كيشبه لنا باش يتسلطو  
على الحوت ديال البحر وعلى الطيور ديال السما وعلى البهايم وكل  
الأرض وعلى كل حيوان كيزحف على الأرض». وخلق الله الإنسان  
على صورته، على صورة الله خلقه. راجل ومرأة خلقهم" (تكوين 1:  
26-27).

بغض النظر على الفكرة اللي عندك على الخليفة، راه التأثير ديال هاد القصة  
-أن الله خلق العالم وخلقك حتى نت- هو تأثير قوي وكبير بزّاف. الفكرة ديال ان  
العالم ماشي هو المركز ديال كلشي، ولكن هو نابع وخارج من العقل ديال شخص  
آخر والكلمة واليد ديال هاد الشخص، هادي راهها فكرة تورية وقوية كتغير كلشي  
خصوصاً في هاد الوقت اللي حنا فيه. وعكس الفكرة ديال العدم اللي مسيطرة  
على الفكر ديال البشر، هاد الحق الثوري كييعني أن كل حاجة كاينة في هاد الكون  
عندها هدف وقصد، وخصوصاً البشر. حنا ماشي نتيجة ديال شي صدفة  
عشوائية أولاً شي طفرة في الجينات وتغير في الحمض النووي ديال الحيوانات.  
حنا تخلقنا! وكل واحد فينا هو نتيجة ديال التفكير ديال الله والخطة والخدمة

دياله. وهادشي كيخلي الحياة ديال الإنسان تكون عندها معنى، وكيخلي الإنسان يكون مسؤول قدام الخالق دياه (تكوين 1: 26-28).

ماكينش شي كائن مستقل بداته، والفهم ديلنا لهاد الحقيقة هو الساروت والساس باش نفهمو الإنجيل. واخا العالم كيهدر بزاف على الحقوق والحريات، راه حنا ماشي أحرار كيما كنفكرو، حنا نخلنا وتصنعنا، هادشي علاش راه حنا ديال هاداك اللي خلقنا.

وحيت الله خلقنا، فراه هو عنده الحق باش يقول لينا كيفاش نعيشو. وهادشي علاش الله في جنة عدن قال لأدم وحواء على الشجر اللي يقدر ياكلو منهم والشجرة اللي مايقدر ياكلو منها (تكوين 2: 16-17). ماكانش الله تما غير بحال شي ولد باغي يسيطر على خوه الصغير ويديرو قوانين تعسفية باش يحگر عليه ويتحكم فيه غير باش يشوف شنو غيدير. لآ، الكتاب المقدس كيقول لينا بلي الله هو صالح. وهو كييعرف شنو اللي مزيان من أجل الشعب دياه، وهو دار قوانين قدامهم باش يحفضهم ويحافظ على السعادة ديالهم والخير ديالهم بزيد.

راه الفهم ديلنا لهاد الحق هو حاجة ضرورية إلا بغينا نفهمو البشارة ديال الإنجيل في المسيحية. راه الإنجيل هو الجواب والتعامل ديال الله مع لخبار الخيبة ديال الدنوب، والدنوب هما ملي شي واحد كيرفض الحقوق ديال الله على داك الشخص حيت الله هو اللي خلقه. هادشي علاش راه الحقيقة الأساسية ديال الوجود ديال البشر، والعين اللي كينبع منها كلشي، هي أن الله خلقنا، وهادشي علاش راه حنا دياه.

## الله المقدّس والتقي

إلا طلب منك شي واحد توصف الشخصية ديال الله بإختصار، شنو غتقول؟ هو ضريف ومزيان؟ هو كيرحم وكيفغر الدنوب؟ هادشي كلّه صحيح. مَلّي موسى طلب من الله باش يورّيه المجد دiale ويقول ليه الإسم دiale، جاوبه الله وقال:

"الرب هو إله كيرحم وحنين، ماكيغضبش بالزربة وكيبارك بزّاف وأمين. كيبارك الألوف ديال الناس، كيغفر الدنوب والمعاصي والخطية. ولكن هو ماكبيرّرش. كيتفكّر الدنوب ديال الوالدين في ولادهم وفي ولاد ولادهم في الجيل الثالث والرابع" (خروج 34: 6-7).

شحال زوين هاد الحق! مَلّي الله كيبغي يقول لينا الإسم دiale ويورّينا المجد دiale- وفي الحقيقة كيبغي يورّينا القلب دiale- شنو كيقول؟ هو مُحب ورحيم، ماكيغضبش بالزربة ومحفته كبيرة. ولكن كايّنة واحد الحاجة بزّاف ديال المرّات كندساوها في هاد الآيات، وهي حاجة صعبة شوي. واش كتعرف شنو قال الله لموسى مباشرة من بعد قال بلي هو رحيم وضريف؟

"ولكن هو ماكبيرّرش... (الآية 5).

خلّينا نشوفو في هاد الآية مرّة خرا. هاد الآية كتهدم 90 في المية من الأفكار ديال الناس على الله اليوم. الله الضريف والرحيم ماكيخلّيش المُدنب بلا عقوبة.

بزّاف ديال المرّات كندشوفو في الله بحال إلا هو كيشبه لشي واحد كيخدم في الكاميو ديال الزبل وماعنده ضمير، عوض يتعامل بالحق مع الأزيال ديال العالم- الدنوب والشر- هو غير كيخبّعهم وكيتجاهلهم وكيتمنا باش حتّى واحد

مايشوفهم. في الحقيقة كايين بزّاف ديال الناس ماغقبولوش إله يقدر يدبر عكس هاد الفكرة. هاد الناس كيقولو: "الله كَيِّدين الدنوب؟ وكيعاقبني على الخطية؟ أكيد هو ماغيديرش هادشي. هادي ماشي محبة".

من بعد غادي نشوفو الحل ديال هاد التناقض الصعب اللي كايين في خروج 34: 6-7 (إله كيغفر الدنوب والعصيان والخطية، ولكن في نفس الوقت ماكيخليش المُدنب بلا عقوبة). راه هادشي ممكن بالموت ديال يسوع المسيح على الصليب.

ولكن قبل ما نوصلو لديك النقطة، خاصنا نفهمو بلي واخا بزّاف ديال الناس كحتجّو على أي حاجة خرا مغايرة، راه المحبة ديال الله ماكتلغيش العدل دياه والتقوى دياه.

راه الكتاب المقدّس كيعلن بزّاف ديال المزّات بلي الله ديانا هو إله ديال العدل الكامل والتقوى الحقيقية. كيقول المزمور 11: 7:

"حيث راه الرب عادل وكيحب العدل. والإنسان التقي غادي يشوف وجهه"

الكاتب ديال المزمور علن بلي الله "كيحب التقوى والعدل" (مزمور 33: 5)، وفي جوج مزامير خرين كئلقاو حق عميق كتر من هادا: "العدل والحق هما الرجلين ديال الكرسي ديالك..." (مزمور 89: 14، ومزمور 97: 2). واش فهمتي شنو كيقولو لينا هاد الآيات؟ راه الحُكم ديال الله على هاد الكون، والسيادة دياه فوق الخليقة، مبني على حق أنه هو ديما وللأبد تقي وعادل بشكل كامل.

هادشي علاش الفكرة ديال تشبيهه الله بالراجل اللي كيجمع الزبل واللي ماعنده ضمير، هو تشبيهه غالط. حيث هاكدا غيكون الله ضالم وماشي تقي. الله

غبيكون في هاد الحالة غير كيخبيع الذنوب أولا هو كيتخبيع من الذنوب عوض يواجهم ويغلبهم. بحال إلا الله هو خوفاً روحياً وحاشا لله.

شكون يبغي إله بحال هكدا؟ إلا لاحضنا في الناس اللي كيبغيو يفكرو بلي الله ماغيحكمش عليهم، غنشوفو بلي ملي كيواجهو شي شر واضح وقوي، تما كيطلبو العدالة ديال الله، وكيبغيو ديك العدالة بالزربة. كيبغيو الله يتجاهل الذنوب ديالهم، ولكن في نفس الوقت مايتجاهلش الشر ديال الإرهابين، كيقولو: "سمح ليأربي، ولكن ماتسمحش لهاد الناس!" حتى واحد ماغيبني إله كيرفض يتعامل مع الشر ويواجهه. الناس بغاو إله كيرفض يواجه غير الشر ديالهم وصافي.

ولكن راه كيعلّمننا الكتاب المقدّس بلي الله عادل وتقي، وهادشي علاش هو كيتعامل مع كل الشر بقوة. كيقول النبي حبقوق:

"العينين ديالك طاهرين من يشوفو الشر. مايمكنش تشوف الذنوب وتتساهل معاهم. إذن علاش كتشوف في الشرير وهو كياكل التقي وكتسكت؟" (حبقوق 1: 13).

باش الله يقدر يدير هادشي غيخصه يسمح في الأساس ديال العرش دياله. وكتر من هادشي، غبيكون خاصه يسمح في داته، والله ماغاديش يدير هادشي.

ساهل بزاف على الناس باش يفكرو بلي الله هو إله ديال المحبة والرحمة. وحنا المؤمنين بالمسيح درنا خدمة عظيمة باش نقنعو الناس بلي الله كيحبهم. ولكن إلا بغينا نفهمو كيفاش أن الإنجيل ديال يسوع المسيح هو عظيم وكيعطي الحياة، فراه خاصنا نفهمو بلي هاد الله اللي كيحب وكيرحم، في نفس الوقت هو مقدّس وتقي، وهو ماكيتهاهلش الذنوب وماكيتهاهلش مع الذنوب. نفس الحاجة مع الذنوب ديالنا حتى حنا المؤمنين. وهادشي بلا شك هو لخبار الخايب.

### الفصل 3: الإنسان المُدنب

وقعات ليا واحد الحاجة ساهل باش نفهموها. اللي درت هو أنني خلّصت عوتاني مُخالفة حيت وقّفت طومولتي في بلاصة ممنوعة. قرّيت الورقة ديال المُخالفة وشفّت في الأخير فين مكتوب أنني "مُدنب حيت خالفت القانون وكان خاصني نخلّص واحد الغرامة"، كتبت واحد الشيك بقيمة 350 درهم وصيفته في البريد للشرطة ديال المُرور.

أنا مُدنب بالجريمة.

واخا شفّت حسب ديك المُخالفة أنني مُدنب، ولكن لشي سبب ماحسيتش بالدّنب. ماتقلّقتش حيت خالفت القانون. ماحسيتش بليّ كان خاصني نطلب المُسامحة من أي واحد، الحاجة الوحيدة اللي ماعجباتنيش هي أنني كان خاصني نخلّص مخالفة تانية زائدة بـ 100 درهم من المُخالفة اللي كانت قبل منها.

علاش ماكنحسش خايب مليّ كنخالف القانون؟ كنضن أنني مليّ كنفكر ميزان في شنو درت كنشوف أنني إلا خالفت القانون ديال الباركينك ماكنكونش درت شي حاجة خطيرة أو لاشي حاجة خايبة. كنعرف أنني في المرّة الجاية غادي نرد البال فين كنخليّ الطوموبيل دياالي، ولكن الضمير دياالي ماكيأنبنيش على الغلط اللي درت.

لاحضت بليّ الأغلبية ديال الناس مليّ كيفكرو في الدنوب دياالهم، كيفكرو فيهم بحال إلا خالفو القانون ديال الطريق. حنا كنفكرو بليّ "الدنوب في الحقيقة

هما مُخالفة للقانون ديال الله العالي. والله كي يعرف بلي كابينين مُجرمين كتر متي. وزيد على هادشي راني مآديت حتى واحد، وأنا مستعد نخلص الغرامة. وماشي ضروري نتحاسبو على حاجة صغير، ياك؟".

ماكنضنش، خصوصًا إلا كنا كنعترفو بلي الدنوب هما ملي كنخالفو القانون ديال الله. ولكن راه الكتاب المقدس كيعلّمننا بلي الدنوب هما ماشي بحال غير شي مُخالفة للقانون ديال الطريق. الدنوب هما التعدي على واحد العلاقة، هما رفض لله بنفسه- رفض للحكم ديال الله، وللعناية دياه، وللسلطان دياه، وللحق دياه باش يقود الناس الي وهب ليهم الحياة. باختصار، الدنوب هما التمرّد ديال المخلوق على الخالق دياه.

### شنو هو المُشكل الي وقع؟

ملي الله خلق البشر، كانت الرغبة دياه هي باش يعيشو تحت الحكم دياه الصالح في فرح كامل، وباش يعبدوه ويطيعوه، وهاكدا يقدرو يعيشو في علاقة دايمة معاه. وكما شفنا في الأخير ديال الفصل الثاني، راه الله خلق الرجل والمرأة على صورته، يعني أنّهم خاصهم يكونو بحاله، باش يقدرو يكونو في علاقة قريبة معاه ويعلنو المجد دياه للعالم. وزيد على هادشي راه الله عطا للبشر واحد الدور في هاد العالم. الدور دياهم هو ينوبو على الحاكم، والمُهمّة دياهم هي باش يحكمو العالم تحت القيادة ديال الله بنفسه. الله قال "عطيو الغلة في الأرض وعمروها وخليوها تخضع ليكم، وتسلطو على الحوت ديال البحر وعلى الطيور ديال السما وعلى كل حيوان كيمشي فوق الأرض" (تكوين 1: 28).

ولكن السلطة ديال الرجل والمرأة ماكانتش سُلطة مُطلقة، الله عطاهم ديك السلطة. إذًا ملي آدم وحواء مارسو السلطة دياهم على العالم، كان خاصهم

ماينساوش بلي هما خاضعين لله وللسلطان دياله. هو اللي خلقهم، هادشي  
علاش كان عنده الحق باش يحكم فوقهم.

والشجرة ديال معرفة الخير والشر اللي كانت مزروعة في وسط الجنة كانت  
تدكير قوي على هاد الحقيقة (تكوين 3: 17). ملي كان آدم وحواء كيشوفو في  
الشجرة وفي الغلة ديالها، كانوا كييعرفو بلي السلطة ديالهم كانت محدودة، وهما  
كانو مخلوقين ومازال كييعتمدو على الله في كل حياتهم. كان الدور ديالهم هو  
يحضيو الخليفة، والله هو الملك فوق كلشي.

هادشي علاش ملي آدم وحواء كلاو من الشجرة، ماشي غير كانوا خالفو بعض  
الأوامر التعسفية اللي دارها الله باش يحگر عليهم، بحال "ماتاكلوش من هاد  
الشجرة وصافي"، ولكن الحاجة اللي داروها كانت خطيرة وجدية. هما كانوا رفضو  
السلطة ديال الله عليهم وعلنو الإستقلال ديالهم منه. كان آدم وحواء بغاوا يكونو  
"بحال الله" كيما واعدهم إبليس، هادشي علاش هما غتاتمو الفرصة باش النائب  
ديال الحاكم يسرق السلطة وياخذ التاج من أجله هو. في كل الكون، كانت حاجة  
وحدة اللي ماتعطاتش لأدم- هاد الحاجة هو الله بنفسه. ولكن آدم قرّر بلي هاد  
الاتفاق ماكنش مزيان وكافي ليه، وهادشي علاش تمرّد.

الحاجة اللي خُيّب كتر هي أن آدم وحواء ملي عصاوا الوصية ديال الله، كانوا  
خداو قرار باش يرفضوه گمّلك ديالهم وهما كانوا واعيين بشنو كانوا كيديرو. كانوا  
كيعرفو العواقب ديال المعصية ديالهم، حيث كان الله ديجا علمهم بكلام واضح  
بلي إلا كلاو من ديك الشجر "راهم غادي يموتو"، يعني غادي يجزي عليهم من  
قدّامه، وغاديين يوليوا بحال عديان دياله، عوض يكونو صحابه وحابب قلبه  
(تكوين 2: 17). ولكن هما مابغاوش داكشي، والخير اللي كان عندهم مع الله  
بدلوه بالمتعة ديالهم والمجد ديالهم.

هاد المعصية ديال الإنسان ضد الوصايا ديال الله كيسمّيها الكتاب المقدّس "الذنوب" أولاً "الخطية"، سواء كان هادشي شي فكرة أولاً عمل داره الإنسان. المعنى الحرفي ديال هاد الكلمة هو مَلَى الإنسان "ماكجيبش النبلة في الهدف"، ولكن المعنى ديال هاد الكلمة حسب الكتاب المقدّس هو أعمق من هادشي. حيث ماشي بحال أن آدم وحوّاء حاولو بكل الجّهد ديا لهم باش يحفضو الوصية ديال الله، ولكن هما كانوا غير نحافرو وبعدو شوية على الهدف اللّي طلب منهم الله. لآ، الحقيقة هي أنّهم كانوا مركزين وغادين في الإتجاه المُعاكِسِ كاع! كان عندهم أهداف ورغبات ضد الرغبة ديال الله ليهم، وهاكدا طاحو في الذنوب. كان في القصد ديا لهم يخالفو الوصية ديال الله، ويتعدّاو على العلاقة اللّي كانت كتجمعهم بيه، وعلنو الرفض ديا لهم ليه بصيفته هو الرب الشرعي ديا لهم.

العواقب ديال الخطية ديال آدم وحواء كانوا كارتين عليهم وعلى ولادهم وعلى الخلق كلّه. كان تطردو من الجنة المتألية، والأرض مابقاتش كتعطيهم الغلة ديا لها والكنوز ديا لها بكل فرح وسهولة، ولكن كان خاصهم في داك الوقت يدمرو ويخدمو ويتألّموا باش ياخذو الغلّة والمأكلة من الأرض. واللّي صعب من هادشي هو أن الله حكم عليهم بالموت. كيما كنعرفو، ماماتوش في الجسد تمّا نيت، كانوا بقاو عايشين والرية ديا لهم كانت مازال كتتنقّس والقلب كيضرب والجسد عايش وكيتحرك. ولكن الحياة ديا لهم الروحية سالات في ديك اللحضة، وهادي هي الحاجة المهمة والخطيرة. تهرسات العلاقة اللّي كانت كتجمعهم مع الله، القلب ديا لهم بدا كينشف وكيكرم والعقل ديا لهم عمر بالأُنانية، وعينهم مابقاوش كيشوفو الجمال ديال الله، والروح ديا لهم حتّى هي نشفات وخوات من الحياة الروحية اللّي كان عطاهم الله في البداية، مَلَى كان كلشي مازال مزيان وزوين.

## ماشي غير هُما، ولكن حتى حنا

الكتاب المقدس كيعلّمنا بلي آدم وحواء ماشي هما المُدنيين الوحيديين. ولكن راه كلنا مُدنيين. كيقول الرسول بولس في رومية 3: 23 "عَلَّاخْقَاشْ كُلُّهُمُ دَنْبُو وَتَحَزَمُو مِنْ الْعَزْذُ اللَّهُ" وحتى كيقول في نفس الفصل الآية 10 بلي "مَا كَايُنْ حَتَّى إِنْسَانُ مُتَّاقِي اللَّهِ، وَلَا وَاحِدٌ".

راه الإنجيل ديال يسوع المسيح عامر بالعترات، وهادي هي أكبر عترة. الناس اللي كيفكرو بلي هما أصلاً تَقَيِّينَ ومزيانين، بالنسبة ليهم هاد الفكرة ديال أن الإنسان هو متمرّد ومُدنّب في الطبيعة دياه كتبان ليهم فكرة خايبة، وحتى كيكروهها.

هادشي علاش راه مهم بزّاف نفهمو الطبيعة ديالنا والعمق ديال الدنوب فينا. إلا تعاملنا مع البشارة ديال الإنجيل وحنا كنفكرو بلي الدنوب هما حاجة مختلفة وماشي شي حاجة جدية، فراه ماغنكونوش كنفهمو البشارة ديال يسوع المسيح بشكل صحيح. بغيت نعطيكم بعض الأمثلة على كيفاش الناس فهمو موضوع الدنوب والخطية بشكل غلط.

## كنخلطو بين الدنوب والآثار ديال الدنوب

في هاد الأيام، ولّا عادي أننا ملي كنشاركو البشارة ديال الإنجيل مع الناس كنفكرو بلي يسوع جا باش ينجّي البشر من الإحساس بالدنّب اللي كيتولد معنا أولا ينجينا من الفراغ والحياة بلا هدف. أكيد أن هاد الأحاسيس هما مشاكل حقيقية، وكاينين بزّاف ديال الناس كيعانيو بزّاف بسبابهم. ولكن الكتاب المقدس كيعلّمنا بلي المشكلة الرئيسية اللي كيواجهوها البشر واللي كحتاجو ننجاو منها ماشي هي الإحساس بلي حنا تالفين في حياتنا، وماشي هي الإحساس بالدنّب، هاد الأحاسيس هما غير أعراض ديال مشكلة خرا عميقة بزّاف: الخطية. وخاصنا

نفهمو بلّي راه حنا اللّي تسبّنا في المشلكة الكبيرة اللّي كناوجهوها. حنا اللّي تجاهلنا وعصينا الوصايا ديال الله. حنا غلطنا ودبنا ضدّه.

وإلا هدرنا على النجا من الإحساس ديال الناس بالضياح ملّي كيعيشو بلا هدف وبلا مانتبعو دوك الأحاسيس حتّى نوصلو للعمق والأصل ديالهم في الدنوب، فراه كنخلىو الإنسان يزيد يفكر في راسه على أنه هو الضحية وماكيفكرش بلّي هو مجرم ومُدين وكيستحق العقوبة.

### نفكرو أن الدنوب هما غير بحال علاقة متضررة

العلاقة هي حاجة مهمّة في الكتاب المقدّس، البشر تخلقو وكان الهدف هو باش يعيشو في علاقة مع الله. ولكن راه ماخصناش ننساو بلّي كاين واحد النوع ديال العلاقة اللّي كان خاص تكون عندنا مع الله- ماشي علاقة كتجمع شي أشخاص متساويين، علاقة مافيهاش قانون وعقوبة وحكم- ولكن علاقة بين واحد المليك والشعب دiale.

برّاف ديال المسيحيين كيهدرو على الدنوب بحال هما غير واحد الخلاف ومشكل صغير بين الله والإنسان، وغير خاصنا نطلبو السماحة ديال الله وصافي. ولكن هاد الفكرة بلّي الدنوب هما غير مشكل صغير بين جوج ديال الناس كيبيغيو بعضياتهم هي فكرة كتشوّه العلاقة الحقيقية اللّي كتجمعنا مع الله. هاد الفكرة كتخلينا نعتاقدو بلّي ماكانتش شي مخالفة ضد القانون، وماكانش شي تعدّو ضد العدل، وماكاينش شي غضب عادل وتقي، وماكاينش شي حكم مقدّس. هادشي علاش ماكنحتاجوش لشي واحد يعاونّا ويهز هاد الحكم في بلاصتنا.

الكتاب المقدس كيعلّمنا بليّ الذنوب هما بالحق كيهرسو العلاقة مع الله، وهاد العلاقة المهرسة كتبان مّليّ كترفضو السيادة ديال الملك اللّي هو الله. هي ماشي غير زنا روحي (واخا في الحقيقة هي زنا روحي)، ولكن راه تمرد حتّى هو. هي ماشي غير خيانة روحية وصافي، هي أعضم خيانة. وإلا قلنا بليّ الذنوب هما غير مّليّ شي واحد كيهرس العلاقة عوض نفهموهم على أنّهم تمرد وخيانة ديال الإنسان ضد الملك الصالح والتقي اللّي كيحبّه، راه هنا ماغاديش نفهمو علاش كان ضروري يموت ولد الله باش يداوينا من هاد المرض.

## نخلطو بين الذنوب والتفكير السلبي

كاين واحد سوء فهم آخر بالنسبة للذنوب، وهو الفهم اللّي كيقول بليّ الذنوب هما غير تفكير سلبي. شفنا بعض الإقتباسات في البداية ديال هاد الكتاب، كلام بحال: لوح التفكير ديالك القديم! فكّر بطريقة حسن! الله بغا يبيّن ليك بليّ هو إله صالح وزوين، وهادشي إلا بدّلتى الطريقة ديال التفكير ديالك السلبي القديم!

حتّى لدابا، هاد الرسالة مازال كتقنع الناس اللّي كياعتمدو على ريسوهم، الناس اللّي بغاو يفكرو بليّ يقدرو يغلبو الذنوب ديالهم بوحدهم. وكنضن بليّ هاد الفكرة هي اللّي عاونات الناس اللّي كيبشرو بهاد الفكرة باش يبدوا أكبر الكنائس في العالم. في الحقيقة هاد المُعادلة هي ساهلة بزّاف. إلاقلي للناس بليّ الذنوب ديالهم هما في الحقيقة غير أفكار سلبية، وبليّ هاد الأفكار السلبية هما اللّي ماكيخليوهمش تكون عندهم الصّحة ويكونو فرحانين وأغنياء. ومن بعد تقول ليهم باش يفكرو في ريسوهم بطريقة إيجابية كتر (أكيد بالمُساعدة ديال الله)، وتمّا غادي يغلبو الذنوب ديالهم ويولّيو أغنياء. بالزرية غادي تقلا كنيسة كبيرة تزرعات!

بعض المرات الهدف الّلي كيلقبو عليه الناس كيكون هو الفلوس وبعض المرات الصّحة، وكاينين أمور خرين. ولكن بغض النظر على الهدف، راه إلا قلنا بلّي يسوع المسيح مات باش ينجينا من الأفكار السلبية الّلي عندنا على نفوسنا، راه كنكونو ماشي كتابيين وغالطين. في الحقيقة، الكتاب المقدّس كيعلّمنا بلّي جزء كبير من المشكل ديالنا هو أننا كنفكرو في ريوسنا بطريقة متكبرة وماشي متواضعة. حبس هنا عفاك وفكر في هادشي واحد الدقيقة. كيفاش الشيطان غوى آدم وحوّاء؟ قال ليهم بلّي هما كانوا كيفكرو في ريوسهم بطريقة سلبية. وقال ليهم بلّي كان خاصهم يفكرو بطريقة إيجابية كتر، ويفهمو ميزان باش يوصلو للقمة ويولّيو بحال الله! بكلمة وحدة، طلب منهم الشيطان باش يفكرو بطريقة أكبر.

دابا كيفاش يقدر يكون هادشي في مصلحتهم؟

## كنخلطو بين الخطية والخطايا

كاين فرق كبير بين أننا نفهمو بلّي حنا مُدنيين حيث درنا شي دنوب بالضبط، وبين نفهمو بلّي حنا مُدنيين بسباب الخطية. الأغلبية ديال الناس ما عندهمش مشكلة باش يعترفو بلّي دارو شي خطايا أولاً شي دنوب (بالجمع)، على الأقل ما حد هما مازال كيفكرو بلّي هما غير بحال إلا دارو شي أخطاء صغار وسط حياة صالحة وتقية كيعيشوها- بحال شي مُخالفة صغيرة ديال السرعة.

الخطايا أولاً الدنوب ما كيصدموناش. حنا كنعرفو بلّي هما كاينين، وكنشوفوهم في نفوسنا وفي الناس لخرين كل نهار، وولّفناهم بزّاف. ولكن كنتصدمو ملي الله كيبيّن لنا الخطية الّلي داخله فينا وكتوصل حتى للعمق ديال أعماق القلوب ديالنا، وكيوزينا النجاسة والفساد الّلي ماكتّاش كنعرفو بلّي كاينين

فينا والي مانقدروش نغلبوهم بوحدنا. هاكدا كيهدر الكتاب المقدس على العمق ديال الخطية ديالنا والضلام ديالها) هي فينا لداخل، وماشي غير فوقنا أولا حدانا.

في الطبقة الثانية في المتحف الوطني ديال التاريخ الطبيعي في واشنطن، كيقولو بلي كايينة أكبر كرة ديال الكوارتز<sup>1</sup>، وهاد الكرة ديال الكوارتز نقية بزاف من أي مادة خرا وماكينش بحالها في كل العالم. هاد الكرة هي كبر شوية من الكرة ديال السلّة، وما فيها حتى شي خبشة ولا أثر ديال أي حاجة خرا. هي كرة متالية وكاملة. وكابنين ناس كيفكرو بلي الطبيعة ديال الإنسان هي بحال هاد الكرة ديال الكوارتز. تقدر تتشوه مرة مرة بالوسخ والتراب، ولكن غير من ل فوق، حيث من لداخل كتبقا ديما نقية، وغير خاصنا نمسحوها ونغسلوها باش ترجع زوية ونقية.

ولكن الصورة اللي كي عطينا الكتاب المقدس على الطبيعة ديال الإنسان هي ماشي صورة زوية. حسب الكتاب المقدس، الكرة ديال الطبيعة البشرية ماكتبانش نقية، والوسخ والتراب راهم ماشي غير على بزاف، بالعكس، الخطية واصله للجدور. الوسخ والفساد والنجاسة كابين في القلوب ديالنا.

كيما قال الرسول بولس، حنا كلنا "بِالطَّبِيعَةِ دِيَالِنَا كُنَّا كُنُسْتَاهَلُو الْعَضْبَ دِيَالِ اللَّهِ..." (أفسس 2: 3). حتى حنا داخلين في الخطية ديال آدم والفساد دياله بحاله (رومية 5). حتى المسيح علمنا هادشي: "عَلَاخْفَاشْ مِنْ الْقَلْبِ كُنْخْرُجْ الْأَفْكَازَ الْخَائِبَةَ: بَحَالِ الْقَتِيلَةِ، وَالْفُسَادَ دِيَالِ الْمَرْوُجِينِ وَدِيَالِ اللَّيِّ مَا مَرْوُجِينْشْ، وَالشَّرْقَةَ، وَشَهَادَةَ الرُّوزِ، وَالسَّبَانَ" (متى 15: 19). الكلام الخايب اللي كيخرج من فمنا والأفعال الشريرة اللي كنديروهم هما ماشي حوايج صغار كيوقعو مرة مرة، هما حوايج خارجين من الشر اللي كايين في قلوبنا.

<sup>1</sup> الكوارتز هو معدن شفاف ماعنده لون، كيكون عادة وسط الصخر وكي تكون من تاني أكسيد السيليكون.

كل جزء من الوجود البشري توسخ بالخطية وهو تحت السطان ديالها. الفهم ديالنا الشخصي والأحاسيس ديالنا كلهم ولّاو مستعبدين تحت الخطية، والإرادة ديالنا حتّى هي. هادشي علاش قال الرسول بولس في رومية 8: 7 "عَلَاخَقَاشُ اللَّي كَيْدِيهَا فَلَدَاتُ رَاهُ صُدُّ اللّهِ، وَمَا كَيْخُصَّعْشُنْ لِّلشَّرْعِ دِيَالِ اللّهِ، وَلَا كَيْقَدَّرُ يَدِيرُ بِيهْ". كلام صعيب وكيوخوف. هاكدا كتسيطر علينا الخطية، كتسيطر على عقولنا وعلى الفهم ديالنا وحتّى على الإرادة ديالنا لدرجة أننا نقدر ونشوفو المجد ديال الله والتقوى دياله ونهربو منه وما نبلغوهش.

ماشي كافي باش نقول بلّي يسوع جا للعالم باش ينجينا من الذنوب ديالنا، إلا كتنا كنقصدو بلّي هو جا باش ينجينا من أخطاء قلال درناهم. راه غير ملي كنفهمو بلّي الطبيعة اللّي تولدنا بيها هي بحد داتها خاطية، وحننا بالحق "ميتين بالذنوب والخطايا" (أفسس 2: 1، 5) كيما كيقول بولس، تما غادين نشوفو ونفهمو خبار الخير، البشارة، ونفرحو حيث كاين طريقة باش ننجاو.

## الحكم ديال الله على الخطية

رومية 3: 19 كتعتابر من الجمل اللّي كيخوفو بزاف في الكتاب المقدس. هاد الآية جات في الأخير ديال كلام بولس ملي قال بلّي البشر- الأمم وحتّى ليهود- هما كلهم تحت الذنوب، وبلّي كل الناس هما مُدنين قدام الله. وهاشنو قال الرسول بولس هنا: "وَحَنَّا كَنَعَزِفُو بَلِّي كَاعُ دَاكِنِّي اللَّي كَيْكُولُه الشَّرْعُ، كَيْهَضْرُ بِيهْ مَعَ هَادُوكَ اللَّي عِنْدَهُمُ الشَّرْعُ، بَاشُ حَتَّى وَاحِدُ مَا تَكُونُ عِنْدُه حُجَّةُ، وَتَوَلَّى الدُّنْيَا كُلَّهَا تَحْتُ الْحُكْمِ دِيَالِ اللّهِ".

واش تقدر تتخيّل المعنى ديال هاد الآية؟ غادي توقف قدام الله بلا مايكون عندك أي تفسير أولا عُدر أولا حجة تدافع بيهم على راسك. وشنو يعني أنك تكون تحت الحكم ديال الله؟ راه الكتاب المقدس واضح، كيما شفنا في الفصل

اللّي قبل، الله هو مقدّس وتقي، وهادشي علاش هو ماغاديش ييرئى المُدنب. ولكن بالنسبة لله شنو يعني أنه غادي يتعامل مع الدنوب، وغادي يحكم عليهم ويعاقبهم؟

كيقول الرسول بولس في رومية 6: 23: "حَيْثُ الأُجْرَة دِيالُ الدُّنُوبِ هِيَ المَوْتُ..."، يعني الموت هو التمن اللّي كنتاحقوه على الدنوب ديالنا. وهاد الموت هو ماشي غير موت ديال الجسد وصافي، ولكن حتّى موت روحي، يعني إنفصال النفوس ديالنا الخاطيين من الحضور ديال الله المقدّس والتقي. والنبي إشعياء كيوصف هاد الحق بهاد الكلام:

"ولكن دنوبكم ولّو فاصلين بينكم وبين الإله ديالكم، والخطايا ديالكم سترات وجهه عليكم باش مايسمعش" (إشعياء 59: 2).

بعض المرات الناس كيهדרو على هاد الحق بحال هو غير واحد الغياب ديال الله وسكوت دياله، ولكن راه الحقيقة هي كبر من هادشي. هو حُكم ديال الله ضد الدنوب، الكتاب المقدّس كيقول بلّي هاد الحُكم غيكون صعب بزّاف. شوف كيفاش رؤيا يوحنا كتوصف اليوم الأخير اللّي فيه الله الصالح والعدل غادي يحكم على العالم. الملائكة السبعة غادين يكتبو "عَلَى الأَرْضِ الكَيْسَانُ السَّبْعَة دِيالَ عَضْبِ الله ... وَكَاغَ فُبَائِلِ الأَرْضِ عَيْدَبُوبُ عَلَيْهِ" (رؤيا 16: 1، 1: 7). والناس غادي يغوتو على الصخور والجبال ويقولو "طِيحُو عَلَيْنَا وَحَبِّبُونَا مِنْ وَجْه هَذَاكَ اللّي كَأَلْسِنَ عَلَى العَرْشِ وَمَنْ العَضْبِ دِيالَ الخُرُوفِ، عَلَاحِقَاش جَا النَّهَارُ العَظِيمِ دِيالَ العَضْبِ دِيالَهُ، وَشُكُونُ اللّي يُقَدَّرُ يُتَحَمَّلُ؟" (رؤيا 6: 16-17). والناس غادين يشوفو يسوع المسيح، ملك الملوك ورب الأرباب، وغادي يسجدو قدامه حيث "عَيْعُفَسْ فَألمَعَصْرَة اللّي كَتَغْلِي بِالخَمَزِ دِيالَ عَضْبِ الله القَاذِرْ عَلَى كَلْبِي" (رؤيا 19: 15).

وكيعلّمنا الكتاب المقدّس بلّي المصير الأخير ديال المُدنيين اللّي ماتابوش وما  
أمنوش هي بلاصة فيها عذاب وحزن دايمين وفيه غيكونو واعيين وحيين، وهاد  
البلاصة سميتها "جهنّم". ويوحنا كيوصفها في سفر الرؤيا بلّي هي "البَحَيْرَة دُ  
العَافِيَة وَالْكَبْرِيّث" (رؤيا 20: 10)، والمسيح كيقول بلّي هي البلاصة فين كاينة  
"العَافِيَة اللّي مَا كَتُظْفَاش" (مرقس 9: 43).

وحسب الطريقة اللّي بيها الكتاب المقدّس كيهدر على جهنّم وكيفاش  
كيحدّرنا منها، أنا ماكنفهمش شنو اللّي كيخلي بعض المؤمنين بالمسيح يفسرو  
جهنّم على أنها بلاصة ماشي خايبة بزّاف ونقدرو نتحمّلوها. بما أن يوحنا في الرؤيا  
دياله قال لينا بلّي شاف المسيح كيغطي السخط ديال الله والغضب دياله، وفي  
نفس الوقت المسيح بنفسه كيهدّرنا من "العَافِيَة اللّي مَا كَتُظْفَاش ... فِيْنُ  
دُودُهُمْ مَا كِيْمُوثُنْشُ وَالْعَافِيَة مَا كَتُظْفَاش" (مرقس 9: 43، 48)، أنا كنكون حاير  
وكنتسائل: شنو يقدر يستافد أي مؤمن لإقلل من الخطورة ديال جهنّم؟ علاش  
كنبغيو نزيحو المُدنيين ديال هاد العالم بالفكرة ديال أن جهنّم ماغتكونش بلاصة  
خطيرة بزّاف.

## ماشى حنا اللّي ختارعنا هاد الفكرة

راه الصورة اللّي كيستعملها الكتاب المقدّس ملّي كيهدر على الحُكم ديال الله  
ضد الذنوب هي صورة صعبة وكتخوّف. وماشى غريب أن الناس اللّي كيقراو  
هاد الأوصاف اللّي كيستعملها الكتاب المقدّس باش يوصف جهنّم كيقولو على  
المؤمنين بلّي هما "مراض" حيث كيتيقو بهاد الكلام. ولكن راه ماشى حنا اللّي  
ختارعنا هاد الأفكار. حنا المؤمنين ماشي كنقراو على جهنّم وكنهدرو عليها حيث  
حنا كيغجبنا الحال ملّي كنفكرو فيها. لآ، حنا كنههدرو عليها حيث في الأخير راه  
حنا كنأمنو بالكتاب المقدّس وكنتيقو بيه- كنتيقو بيه ملّي كيقول لينا بلّي جهنّم

هي بلاصة حقيقية، وكنتيقو بيه وحننا في نفس الوقت حزان، حيث حبابنا  
وصحابنا في خطر حيث ممكن يكملو الحياة الدائمة ديالهم تما.

هادا هو الحُكم ديال الكتاب المقدّس اللي جاي لينا. وماكاين حتى شي واحد  
فيينا تقي، ولا واحد فيينا. وهادشي علاش حتى فم ماغيقدر يهدر ويدافع على  
مولاه، الله غادي يحاسب كل العالم...

ولكن...

## الفصل 4:

# يسوع المسيح المُنجّي

سألينا الفصل الثالث بكلمة "ولكن"، وهي كلمة قوية برّاف. وإخّا هي كلمة صغيرة، رaha قدرة تحيّد أي حاجة جات في طريقها. عادةً كتجي من بعد شي خبار خايب بحال هاد لخبار اللّي يآلاه سمعنا، وهاد الكلمة قادرة باش تهز لنا ريوسنا وتعطينا رجا كبير. هاد الكلمة قادرة تغيّر كلشي، كتر من أي كلمة خرا تقدر تخرج من الفم ديال الإنسان.

- طاحت الطيارة، ولكن حتّى واحد ماتقاس.
- نت مريض بالسرطان، ولكن ساهل يتعالج.
- ولدك دار كسيده، ولكن هو بخير ماوقع ليه والو.

للأسف كينين أوقات وأمور ماكتبانش فيهم كلمة "ولكن". بعض المرات الجملة كتسالي بلا مانسمعو خبار لخير. وكنفرحو وكنلقاو السلام غير مّلي كتبان هاد الكلمة "ولكن".

الحمد لله حيث لخبار الخايبة على الدنوب ديال الإنسان والحكم ديال الله ماشي هما النهاية ديال القصة. كون سالي الكتاب المقدّس مع الكلام ديال بولس مّلي علن بلّي العالم كلّه غادي يوقف قدام عرش الحكم ديال الله، كون ماكان عندنا رجا في المستقبل وكون كانت حالتنا ميؤوس منها. ولكن (هاهي هاد الكلمة اللّي كنهدرو عليها) شكرا لله حيث مازال كين مايتقال.

نت مُدنب والمصير ديالك هو الحُكم ديال الله. ولكن الله دار اللّي خاص  
يتدار باش ينجّي المُدنيين!

## الكلام ديال الرجا

كبيدا مرقس الشهادة دياله على حياة يسوع المسيح بهاد الكلام "هَذَا هُوَ  
الْبُدُو ذِيَالِ الْبُشَارَةِ بِيَسُوعَ الْمَسِيحِ وَلُدَّ اللَّهُ". مرقس والمسيحيين اللّولين عرفو  
من البدية بلّي المجية ديال يسوع المسيح كانت هي البشارة وخبار لخير للعالم  
اللّي دمراته الخطية. وفي وسط الدمار ديال الدنوب، كانت المجية ديال يسوع  
المسيح بحال واحد الإعلان قوي غير كلشي من بعده!

حتّى في الجنة ديال عدن، كان الله عطا لأدم وحوّاء كلام ديال الرجا- بشارة  
وخبار لخير وسط المشكل ديالهم. ماشي بكلام كثير، ولكن كانت إشارة- جملة  
قالها الله في آخر كلامه ضد اللّفة (يعني الشيطان).

"... وهو غيسحق راسك، ونتي غتسحق الكدم دياله" (تكوين 3: 15).

كان الله بغا يورّي لأدم وحوّاء اللّي عصاوه بلّي القصة مازال ماسالات. وحنّا  
كنشوفو شوية من نور البشارة، شوية من خبار لخير وسط الكارثة.

ومن بعد، الكتاب المقدّس كيعاود لينا كيفاش ديك الزريعة الصغيرة ديال  
خبار لخير كبرات ونورات. هادي ألاف السنين، الله وجد العالم من خلال الشريعة  
والنبوّات باش يهلك الشيطان، من خلال الحياة والموت والقيامة ديال يسوع.  
وملّي سالا كلشي، تغلب الدنّب اللّي داز من آدم لولاده، الموت اللّي كان علنه الله  
فوق الخليفة كان هو براسه غيموت ويسالي. الكتاب المقدّس هو القصة ديال

هجوم الله على الدنوب. هو قصة كبيرة كتورينا كيفاش حقق الله هاد الإنتصار ومازال كيققه، وكيفاش غيكتله في واحد النهار بشكل كامل وأبدي.

## إله كامل، إنسان كامل

الأنجيل بربعة كيبداو الشهادة ديالهم على يسوع المسيح وهما كيشرحو لينا كيفاش كان راجل عادي. متى ولوقا كيعادو لينا قصة الملاك اللي جا لعند واحد المرأة عذبة سميتها مريم، وقال ليها بلي غادية تحمل وتولد واحد الولد. مريم سولات الملاك: "كيفاش غيوقع هادشي وأنا ما عندي علاقة حتى نبني راجل؟"، والملاك شرح ليها وقال: "الروح القدس غينزل عليك، وقوة الله غنعطيك، على دأكتي القدوس اللي غيتولد منك غيتسمى ولد الله" (لوقا 1: 34-35).

ويوحنا كيبدا الإنجيل دياله بالجملة المشهورة: "فألبدو (هاد الكلمة كترجعا بقوة لتكوين 1: 1) كان الكلمة، والكلمة كان عند الله، والكلمة كان هو الله... والكلمة ولي بنادم وسكن بيناتنا..." (يوحنا 1: 1، 14).

الهدف من كل هادشي (يعني الولادة ديال يسوع من مرأة عذبة، ولقب "ولد الله"، والتأكيد ديال يوحنا بلي "الكلمة كان هو الله"، والإعلان دياله بلي "الكلمة ولي بنادم"، هو باش الكتاب المقدس يعلمنا على الشخص ديال يسوع المسيح، يعني شكون هو المسيح.

بكل وضوح، الكتاب المقدس كيعلمنا بلي يسوع هو إنسان كامل وحقيقي وإله كامل وحقيقي. وهاد النقطة هي مهمة بزاف وخاصنا نفهموها، حيث الإنسان الكامل، ولد الله اللي عنده طبيعة إلهية كاملة، هو الوحيد اللي يقدر يفدينا. إلا كان يسوع غير إنسان بحالنا في كلشي، يعني حتى هو طايح في الدنوب، كون ماكانش يقدر ينجيننا، بحال شي إنسان مييت مايقدرش ينجي إنسان آخر.

ولكن حيث هو ولد الله، بلا دنوب ومتساوي مع الله الأب في الكمال الإلهي دياله، راه هو قادر باش يغلب الموت وينجينا من الدنوب ديالنا. وبنفس الطريقة، راه ضروري باش يكون يسوع المسيح واحد منّا- يعني إنسان كامل باش يقدر يمتلنا بشكل صحيح قدام الله الأب. وكيفا كيشرح لنا الكاتب ديال رسالة العبرانيين في الفصل 4 الآية 15، كيقول بلي المسيح هو قادر باش: "يُشَارِكُ فَالضُّعْفُ دِيَالِنَا، وَلَكِنْ هُوَ تُجَرَّبُ فُكُلُّشِي بُحَالِنَا، وَعَمَّرُهُ مَا دُنْبٌ".

### المسيح المَلِك- هنا!

ملي بدا المسيح الخدمة دياله، علن وبشّر بواحد الرسالة زونية بزّاف: "راه جا الوقت، ومملكة الله قربات، توبو وأمنو بالإنجيل!"

الكلام ديال المسيح علن بلي مملكة الله جات، وبتاشر في البلاد كاملة. ودغيا تجمعو الناس على يسوع باش يسمعو الإنجيل، يعني البشارة اللي كان كيبشّر بيها. ولكن شنو العجيب في هاد البشارة؟

على مدّة مئات السنين، الله عطا نبوءات بالشريعة دياله والأنبياء دياله على واحد الوقت فين الله غادي يدير حد للشّر ديال العالم في مرّة، وغادي ينجي الشعب دياله من الدنوب ديالهم. وغادي يحيّد من طريقه أي واحد كيقاومه وغادي يأسس الحكم دياله، يعني "مملكته" غتكون في الأرض كلها. وزيد على هادشي، راه الله عطا وعد بلي غادي يؤسس مملكته في واحد المَلِك مختار، من النسل الملكي ديال الملك العظيم داود. وفي 2 صموئيل 7: 11 كان الله واعد داود بلي واحد من ولاده غادي يحكم فوق العرش دياله للأبد. والنبي إشعيا قال على هاد الولد هاد الكلام:

"حيث غادي يتولد ليينا واحد الولد، وغيكون السلطان فوق كتافه، وغتكون سميته عجيب، ومُشير، إله قدير، أب أبدي، الرئيس ديال السلام. سلطانه غيكبر بلا نهاية فوق العرش ديال دود وفوق مملكته، باش يتبته ويحكمها بالحق والتقوى من دابا وديما، الغيرة ديال رب الجنود كتدير هادشي" (إشعياء 9: 6-7).

هادشي علاش تقدر تتخيّل حماس اللي كان ملي المسيح علن بلي مملكة الله جات. هادشي كييعني بلي المسيح المختار من نسل داود اللي كتا كنتستأوه راه جا! الأناجيل بربعة ركزو باش يأكدو ليينا بلي الملك اللي غيجي من نسل داود هو يسوع المسيح براسه وماشي واحد آخر. ولوقا كتب ليينا كلام الملاك لمريم ملي بشرها بالولادة ديال المسيح، قال الملاك:

"وَعَادِي يُكُونُ عَظِيمٌ وَيُسَمَّى وَلَدَ اللَّهِ الْعَالِي، وَيُعْطِيهِ الرَّبُّ الْعَرْشَ دِيَالِ دَاوُدَ بَاهْ، 33 وَيُمْلِكُ عَلَي دَا زَ يَعْقُوبَ عَلَي الدَّوَامِ، وَعُمُرُ الْمُلْكِ دِيَالِهِ مَا يُسَالِي!" (لوقا 1: 32-33)

متى بدا الإنجيل ديواله بنسب طويل كيتبع الأصل ديال المسيح مباشرة من إبراهيم لداود للمسيح. واللي عجيب هنا هو أن متى قسّم هاد السلسلة ديال النسل على ثلاثة ديال الأجيال، كل جيل كئلقاو فيه ربععاشر إسم. واليهود كييعرفو مزيان بلي الرقم ربعطاش هو النتيجة اللي غئلقاو إلا جمعنا القيمة العددية ديال الثلاثة ديال الحروف اللي كيشكلو إسم داود (بالعبرية إسم داود فيه ثلاثة ديال الحروف: دَوُد، الدال هو الحرف الرابع، والواو هو الحرف السادس، وهاكدا كئشوفو بلي 4+6+4=14). هاكدا كئشوفو أن متى من البدية ديال شهادته على يسوع المسيح كان كيعلن بقوة بلي المسيح هو الملك.

## بشارة ماكناش متوقعينها -إلا قبلي تاخذها

إدن راه العهد الجديد كيروي لينا القصّة ديال تدشين الملك يسوع للمملكة دياله هنا على الأرض، وحتّى كنشوفو في هاد القصة كيفاش بدات اللعنة ديال الدنوب كتخسر. وهاد المملكة الّلي أسّسها يسوع ماكانتش كتشبه للمملكة الّلي كانو بغاو ليهود والّلي كانو كيتسناوها، حيث هما كانو بغاو المسيح الّلي غادي يؤسس مملكة أرضية سياسية قادرة تغلب الإمبراطورية الرومانية، ديك الإمبراطورية القوية الّلي كانت حاكماهم في داك الوقت، وكانو بغاو مملكة الله تاخذ بلاصة ديك الإمبراطورية. ولكن يسوع المسيح ماكانش كيقلّب على تاج أرضي، هو كان مرّكز على التبشير والتعليم، وكان كيشفي الناس لمراض وكيفغر الدنوب ويرجع الموتى للحياة وهو كان بكل وضوح علن للحاكم الروماني وقال ليه "مملكتي ماشي من هاد العالم" (يوحنا 18: 36).

وهادشي ماكيينش أن مملكة المسيح ماعمرها تكون من هاد العالم. حيث هو قال هادشي حيث كان هدر مع رئيس رجال الدين وقال "أنا هُو! وَعَشُوفُو وُلْدُ الْإِنْسَانِ كَأَلْسِنِ عَلِي لِيْمَنْ دِيَالِ اللَّهِ الْقَادِرْ عَلِي كُلُّشِي، وَجَائِي فُسْحَابِ السَّمَاءِ!" (مرقس 14: 62)، وفي رؤيا يوحنا في الفصل 21 كنلقاو بلّي المسيح ملك فوق السما الجديد والأرض الجديد، وهو حرّر كلشي من العبودية ديال الدنوب.

ماكينش شك بلّي هاد الحق هو خبار كيفرح إلا فهمناه بشكل صحيح. ولكن بعدما كنهمو هادشي كنجعو للمشكلة ديال الدنوب ديالنا، ياك؟ إلا ماوقعاتش شي حاجة تقدر تحيدّ الدنوب ديالنا والتمرد ديالنا ضد الله، راه حنا غادين نبقاو منفاصلين عليه وماغيكونش المصير ديالنا هو الفرح في السما الجديدة والأرض الجديدة، ولكن غادين نلقاو ريوسنا في العقوبة الدائمة في جهنّم.

وهنا كنتتحقق البشارة الّلي كتفتح في المسيحية. كنشوفو يسوع الملك جاي ماشي غير باش يدشن مملكة الله، ولكن حتّى باش يقرب المُدنيين منّه، وهادشي ممكن من خلال الموت دياله في بلاصتهم باش يخلص التمن الغالي ديال الدنوب ديالهم، وهاكدا كيكون خدا العقوبة ديالهم وضمن ليهم الغفران، وكيكون خلاهم يكونو تقيين وپاهرين في نضر الله، ومن بعد هادشي كيعاونهم باش يكونو مشاركين في الورت ديال المملكة (كولوسي 1: 12).

### ملك كيتآلم؟

"ها هُو خُرُوفُ الله الّلي غَيَّهْرُ الدُّنُوبُ دِيَالِ الدُّنْيَا"، هادشي الّلي قال يوحنا المعمدان، النبي الّلي كان كيلبس الحوايج من جلد الجمل وكياكل الجراد، قال هادشي مَلّي شاف يسوع المسيح جاي لعنده (يوحنا 1: 29). شنو كيعني هاد الكلام؟ خروف الله؟ غيهز الدنوب ديال الدنيا؟ كل اليهود ديال القرن اللؤل ميلادي فهمو بالزربة شنو كان النبي كيعني مَلّي قال "خُرُوفُ الله الّلي غَيَّهْرُ الدُّنُوبُ دِيَالِ الدُّنْيَا"، هو كان كيشير لعيد الفصح اليهودي، وهو إحتفال عطاها الله للشعب باش يفكرو كيفاش الله حرّر بني إسرائيل من العبودية في مصر قبل ما قال النبي داك الكلام بشي ألف وخمسية عام تقريبا.

الله حكم على أرض مصر بعشرة ديال الضريات، ومن بعد كل ضرية كان القلب ديال فرعون كيزيد يقساح وماغاش يخلي شعب بني إسرائيل يمشيو بحالهم. والضرية الأخيرة كانت هي الّلي صعبة وقوية كتر من لخرين. كان الله هدر مع بني إسرائيل وقال ليهم بلي ملاك الموت كان غادي يدور في كل الأرض في واحد الليلة، وكان غيقتل كل ولد بكر عند البشر والحيوان في البلاد كاملة. داك الحُكم الصعيب كان على بني إسرائيل حتّى هما، إلا ماطاعوش الوصايا ديال الله. قال ليهم الله: خاص كل عائلة توجّد واحد الخروف مايكون فيه حتّى شي عيب أولا شي مرض ويدبحوه في النهار الّلي قال ليهم. وكان خاصهم ياخذو الدم ديال

الخروف ويرشوّه على العتبة وعلى جنب الباب بواحد النبتة سميتها الزوفا. والله واعدهم بلّي ملّي ملاك الموت غيدوز ويشوف الدم، غادي يتخطّ ديك الدار بلا مايدخل ليها وحتىّ واحد من ديك العائلة ماغيموت.

وهاكدا ولّي عيد الفصح، وخصوصًا الخروف ديال الفصح رمز قوي للحق اللّي كيقول أن عقوبة الموت اللّي ضد واحد الشخص يقدر ياخذها ويخلصها شخص آخر في بلاصته. في الحقيقة راه الفكرة ديال "البديل في العقاب" كانت هي الأساس ديال نضام الدبائح في العهد القديم كله. في عيد الكفارة كل عام، كان رئيس رجال الدين كيدخل لواحد البلاصة في بيت الله سميتها قدس الأقداس، وكان كيدبح حيوان متالي مافيه حتىّ عيب باش يكون تمن كيخلص على الذنوب ديال الشعب. هادشي كان كيتدار كل عام، وفي كل عام كانت العقوبة كتتاّجل عام آخر من خلال الدم ديال داك الخروف.

هادشي خدا وقت طويل، ولكن في الأخير، الأتباع ديال المسيح فهمو بلّي الهدف دياله ماكانش غير يأسس مملكة الله، ولكن حتىّ جا باش يموت في بلاصة الشعب دياله. فهمو بلّي المسيح ماكانش غير ملك، ولكن كان ملك جا باش يتألم.

والمسيح بنفسه عرف من البداية بلّي المهمة دياله كانت هي باش يموت على ود الذنوب ديال الشعب دياله. الملاك ديال الله من البداية علن بلّي المسيح "هُو اللّي عَيْنَجِي الشَّعْبُ دِيَالَهُ مِنْ دُنُوهُمْ" (متّى 1: 21)، ولوقا قال لينا بلّي "مَلِي وَصَلَ الْوَقْتُ بَاشْ يَتْرَفَعْ يَسُوعُ لِلسَّمَآ، قَرَّرَ بَاشْ يُمَشِي لِأُورُشَلِيمَ" (لوقا 9: 51). المسيح تنبأ بالموت دياله بزّاف ديال المرّات في الأناجيل، ومَلِي بطرس عتارض على هاد الحق، هدر معاه المسيح بشكل قاسح وقال ليه "بَعْدُ مَنِي آ هَادُ الشَّيْطَانُ! نَت رَاكُ سَبَابُ عَثْرَةٍ لِي، غَلَاخْقَاشْ كَنَفَكْرُ فَاْمُورُ النَّاسِ مَايْتِي فَاْمُورُ اللّهِ" (متّى 16: 23). كانت الوجهة ديال يسوع هي أورشليم، كان مصمّم يمشي ليها باش يموت تمّا.

المسيح عرف الأهمية ديال الموت دياله والهدف مته. هو قال في مرقس 10: 45: "حَيْثُ حَتَّى وُلِدَ الْإِنْسَانُ مَا جَاشَ بَاشٌ يُخَدِّمُو عَلَيْهِ النَّاسَ، وَلَكِنْ جَا بَاشٌ يُخَدِّمُ وَيُقَدِّمُ بَرَافُ ذُ النَّاسِ بِحَيَاتِهِ". وفي متى 26: 28 مَلِيَ كَانَ الْمَسِيحُ كَيْتَعَسَا الْعِشَا الْأَخِيرَ مَعَ تَلَامِدِهِ قَالَ لِيهِمْ: "هَادَا هُوَ الدَّمُ دِيَالِي، الدَّمُ دِيَالِ الْعَهْدِ اللَّيْ عَيْسِيلِ عَلَى وَدُ بَرَافُ ذُ النَّاسِ بَاشٌ يَتَّعَفَرُو الدُّنُوبُ". وفي بلاصة خرا قال: "وَأَنَا كَنُوهَبُ حَيَاتِي عَلَى قَبْلِ خُرْفَانِي... حَتَّى شِي وَاحِدُ مَا كَيَاخُذَهَا مِنِّي، وَلَكِنْ كَنُوهَبَهَا (حَيَاتِهِ) بِخَاطِرِي... (يوحنا 10: 15، 18). المسيح عرف السبب علاش كان خاصه يموت. وحيث كان كيحب الشعب دياله، هو كان واجد باش يعطي حياته بخاطره، بحال خروف الله اللي كيتدبح باش شعبه ياخذ الغفران.

المسيحيين اللولين بالمعونة ديال الروح القدس فهمو شنو دار المسيح في الصليب. الرسول بولس قال: "وَالْمَسِيحُ حَزْرَانًا مِنْ اللَّعْنَةِ ذُ الشَّرْعِ" (غلاطية 3: 13-14). وفي بلاصة خرا قال: "حَيْثُ هَادَاكَ اللَّيْ عَمْرُهُ مَا دَارَ شِي دَنْبُ، خَلَاةُ اللَّهِ يَهْرُ الدُّنُوبُ عَلَى وَدُنَا، بَاشٌ بِيهْ نَكُونُو مُقْبُولِينَ عِنْدَ اللَّهِ" (2 كورنتوس 5: 21). والرسول بطرس كتب وقال: "عَلَاخْقَاشُ حَتَّى الْمَسِيحُ تَعُدْبُ مَرَّةً وَحَدَةَ عَلَى وَدُ دُنُوبِ النَّاسِ، هُوَ الْبَارِي مَاتَ عَلَى وَدُ الْمُدْنِيِّينَ بَاشٌ يُجِيبِنَا لِلَّهِ" (1 بطرس 3: 18)، وقال: "رَاهُ فَالِدَاتُ دِيَالَهُ هَزُ دُنُوبِنَا فُوقَ الصُّلْبِ، بَاشٌ نُمُوتُو حَتَا عَلَى دُنُوبِنَا وَنَحْيَاوُ لِلتَّقْوَى. وَبِالْجِرَاحِ دِيَالَهُ تُشَافِينُو" (1 بطرس 2: 24).

واش فهمتي شنو كانو كيقولو المسيحيين اللولين على الأهمية ديال موت المسيح؟ كانو كيقولو بلي الموت ديال يسوع ماكانش عقاب على الذنوب دياله، وكان خاصه يصبر ويتحملة (هو ماكان عنده حتى شي دنب). هاد العقوبة كانت على الذنوب ديال الشعب دياله. وملي كان المسيح فوق الصليب، هو هز كل التقل ديال الذنوب ديال شعب الله، كل العصيان ديالهم والتمرّد ديالهم، وهو هز كل الذنوب ديالهم فوق الكتاف دياله. وهاكدا اللعنة اللي علنها الله في جنة عدن، اللعنة اللي هي الموت، تضريات بضرية قوية. وهادشي علاش غوت يسوع

مَلِي تَأَلَّم وقال: "إِيلِي، إِيلِي، لِمَا شَبَقْتَنِي؟" يعني "إِلَهِي، إِلَهِي، غَلَّاشْ سَمَحْتِي فِي؟" (متى 27: 46). اللهُ المَقْدَسُ والتَّيُّ اللَّيُّ هُوَ بَاهُ، وَاللِّي مَايَمَكْنَشْ يَسْمَحْ بِالشَّرْقَدَامْ عَيْنِيهِ، تَخَلَّأَ عَلَيْهِ فِي دِيكَ الْوَقِيْتَةِ، وَكَبْ كُلُّ الْغَضَبِ دِيالَهُ عَلَى وَلَدِهِ. مَتَّى قَالَ بَلِي الضَّلَامْ غَطَّى الْأَرْضَ تَقْرِيْبًا ثَلَاثَةَ دِيَالِ السَّاعَاتِ مَلِي كَانَ الْمَسِيحُ مَعْلَقٌ فِي الصَّلِيبِ. كَانَ دَاكُ الضَّلَامِ هُوَ الضَّلَامُ دِيَالِ الْحُكْمِ دِيَالِ اللَّهِ ضِدَّ الدُّنُوبِ، وَدِيَالِ غَضَبِ اللَّهِ اللَّيِّ حَظَّهُ عَلَى الْمَسِيحِ فِي دِيكَ اللَّحْضَةِ مَلِي هَزَّ الدُّنُوبُ دِيَالِ الشَّعْبِ دِيالَهُ وَمَاتَ مِنْ أَجْلِهِمْ.

النبي إشعياء تنبأ بهاد الشي سبعة ديال القرون قبل:

"ولكن هو هز الأحران ديانا، وتحمل الألام ديانا، وحنا حسبناه مضروب ومدلول من الله. وهو مجروح على ود المعاصي ديانا، مسحوق على ود الدنوب ديانا. العقاب اللي عطانا السلام هو اللي خداه، وبالجروح دياه تشفيننا" (إشعياء 53: 4-5).

واش فهمتي الأهمية ديال هادشي اللي وقع؟ في الأخير، هادشي كييعني بلي أنا اللي كان خاصني نموت، ماشي المسيح. أنا اللي كان خاصني نتعاقب وماشي يسوع. ولكن هو خدا بلاصتي، ومات في بلاصتي باش أنا نعيش.

الدنوب كانو دياولي، ولكن الجروح كانو دياوله. المعاصي كانو دياولي، ولكن العقوبة خداها هو. الخطايا كانو دياولي، ولكن بالحزن هو اللي هزهم. وبالعقوبة اللي خدا هو، أنا خديت السلام. بالضرب اللي تضرب أنا تشفيت، بالحزن اللي خدا هو، أنا ربحت الفرح. وبالموت دياه أنا خديت الحياة!

## القلب ديال البشارة ديال الإنجيل

كنضن بلي عقيدة الموت البديلي هي أكبر جزء في البشارة المسيحية كيكرها العالم للأسف. الناس ماكتعجبهم الفكرة ديال أن المسيح تعاقب على ود الدنوب ديال شخص آخر. بعض الكُتّاب قالو بلي هادشي هو بحال "تعدّي وضملم إلهي". ولكن راه إلا حيدنا هاد الحق ديال الكفارة البديلة ورفضناه راه كنكونو ضربنا القلب ديال البشارة ديال الإنجيل والجوهر ديالها وحيدناها غاع. أكيد راه كاينين صور خرين في الكتاب المقدس كيوضحو المعنى والعُمق ديال المسيح ملي مات، بحال المصالحة والإننتصار متلاً. ولكن تحت كل هادشي كاينة الحقيقة اللي كتورينا أن كل هاد الصور هما رمز للصورة الكبيرة: البديل اللي خدا العقاب ديالنا. بكل بساطة مانقدروش نسمحو في ديك الحقيقة، ومانقدروش نقللو من الأهمية ديالها باش تكون في نفس المستوى مع الصور الأخرى، وإلا غنتصارعو مع أسئلة مهمة في الكتاب المقدس بلا مانلقاو أجوبة. علاش الشعب كان كيقدم الدبايح؟ شنو الهدف من الدم؟ كيفاش ممكن تتحقق الرحمة ديال الله مع الناس المدينين بلا ماتقاس العدالة ديال الله؟ شنو يعني الكلام اللي كاين في خروج 34: 7 "كيغفر الدنوب والمعاصي والخطية. ولكن هو ماكيبّررش...". كيفاش يقدر الله العادل والتقي يبرّر المدينين (رومية 4: 5)؟

راه كاين الجواب على كل سؤال من هاد الأسئلة في الصليب في الجلجثة (الجليل فين التصلب المسيح)- ملي مات المسيح في بلاصتنا. راه الله العادل والتقي يقدر يبرّر ويغفر للإنسان المدين، حيث ملي مات المسيح تمّا تصالحنا مع الله بالعدل والرحمة. وتمّا المسيح كمل القانون والعقوبة ديال اللعنة، وحنّا خدينا النجا من خلال الرحمة.

## راه تبعت من الموت

بلا شك هادشي كله حق- وهو خبر كيفرح- غير حيت يسوع المسيح المَلِك مابقاش ميّت في القبر ديهاله. هو ناض من القبر، هو تبعت من الموت. وكل داك الشك اللي خوّف التلامد مليّ المسيح مات، مشا وتلاشا مليّ قال الملاك للدوك العيالات اللي كانوا واقفين عند باب القبر: "عَلَّاشْ كُنْقَلْبُو عَلَيّ الْحَيِّ بَيْنَ الْمُتَيِّينِ؟ رَاهْ مَا كَايْنَشْ هُنَا، عَلَّاحَقَّاشْ نَاضْ مِنْ الْقَبْرِ" (لوقا 24: 5-6).

كون كان المسيح بقا ميّت في القبر بحال أي "مُعَلَم" أولا "نبي" آخر، كون ماكانش عند الموت ديهاله معنى، كان غيكون موت عادي كيما كيموت أي إنسان. حيت في ديك الحالة كان غيكونو الأمواج ديال الموت غرقوه وسدّو عليه بحال أي إنسان آخر مات، وكل حاجة كان قالها المسيح ماكنتش تكون حق، وكون كانو البشر باقيين بلا رجا وماقادرينش ينجاو من الدنوب. ولكن مليّ تبعت من الموت وخرج من القبر، تمّا تأكد كل داكشي اللي قاله المسيح بلا أي شك.

الرسول بولس في رومية الفصل 8 هدر على القيامة ديال المسيح من الموت والمعنى ديال هاد الحق في حياة المؤمن، قال:

"شْكُونُ اللَّيِّ يُقَدَّرُ يَتَّهَمُ هَادُوكُ اللَّيِّ خُتَارُهُمُ اللَّهُ؟ رَاهُ اللَّهُ هُوَ اللَّيِّ رَدُّهُمْ مُتَّافِيينِ. شْكُونُ اللَّيِّ يُقَدَّرُ يُحْكَمُ عَلَيْهِمْ؟ رَاهُ الْمَسِيحُ يَسُوعُ هُوَ اللَّيِّ مَاتَ، وَكَثْرَ مِنْ هَادَسِّي تَبَعْتُ مِنْ بَيْنِ الْمَوْتَى، وَهُوَ اللَّيِّ عَلَيّ لِيَمُنْ دِيَالِ اللَّهِ كَيْشْفَعْ لِينَا" (رومية 8: 33-34)

شحال زوين هاد الحق- يسوع الإنسان دابا غالس في العز على ليمن ديال الله، وهو كيستحق يكون مَلِك الكون! وماشي غير هادشي، ولكن دابا هو كيشفع للشعب ديهاله، في الوقت اللي حنا كنتستاو الرجوع ديهاله النهائي في المجد. وكل هادشي كيخلينا نسولو سؤال آخر، شكون هما الشعب ديهاله؟

## الفصل 5:

### الإستجابة ديالنا- الإيمان والتوبة

بديت كنهحاول نعلّم ولدي السباحة وهو مازال صغير. مَلّي كان عمره عام، حتّى مَلّي الما كيقيس وجهه في الدوش ماكانش كيغجه الحال، تخيل معايا رد الفعل دياله في المسبح الكبير فين كُنا كمنشيو. في البداية، "الدرس ديال السباحة" كان كيبيغيني نخلّيه يقيس شوية ديال الما في جنب لاپيسين ونخلّيه يدخّل فمّه شوية في الما باش يدير الفُقاعات إلا تشجّع باش يدخل في الما.

في الأخير قنعتو باش يدخل معايا شوي لداخل في لاپيسين، ومَلّي دخلنا كان بيديّه الصغار كيشد في عنقي وماكيطلقش حتّى كيخنقني. وشوي بشوي بدا كيدخل بلا مايخاف وكان كينقز في الما بوحده. وديما كنت كنشجعو وكنت كقول له "يالاه نقز!".

كنضن بلّي ولدي في البداية كان كيفكر أنني حمق. كان كيشوف فيّا وكخاف، ومن بعد كان كيرفض يدخل للمعايا، وكيتقلق معايا وكان كيقول ليّا: "أنا بغيت نمشي نشوف ماما". ولكن أنا كنت أمين مع المسؤوليّة ديالي كأب، ورفضت نستسلم، وتبعته وقنعته في الأخير باش يرجع ويدخل في لاپيسين.

كنت كنعطيه يدّي، وهو كيبدا يكس ويوقف وهو لابس ليكوش دياله بحال أي ولد صغير في السن دياله مَلّي كيبيغي ينقز، ولكن كان كيبان أنه مابغاش أولا خايف ينقز. وذاك النهار قلت له: "يالاه نقز! تيق بيّا، كنواعدك غادي نشدك". شاف فيّا، كان مازال خايف ومتردد، ولكن نقز في لاپيسين، واخا بان بحال إلا غير طاح وماشي نقز.

شديته، وهاكدا بدينا وكان صعب نوقفو هاد العملية. كان كيقول ليّا: "بابا، عوتاني عافاك، عوتاني عفاك". نص ساعة وهو غير كينقز ويعاود يخرج وينقز مرّة خرا وأنا كنت كنشده كل مرّة وكنعاود نحطو برّا باش يعاود ينقز.

ومن بعد تعلّم، بديت أنا ومراتي كنخافو شوية، فكّرنا بلّي ربّما هو ولفّ الما دابا كتر كان خاصّه. ودابا إلّا شي نهار خرج بوحدّه بلا مانشوفوه ومشا للايسين ونقز في الما؟

ومن بعد أيام كتنا كنمشيو للايسين، كتنا كلاحظو التصرفات دياله وهو حدا الما، ورتاحينا برّاف. حيت شفنا بلّي ولدنا مافكرش غاع ينقز في الما ولا يقرب ليه- على الأقلّ ملّي ماكنكونش أنا في الما وواجد باش نشده. هو كينقز غير ملّي كنكون أنا في الما وعاطيه يديّ وكنطلب منه ينقز.

فهمتي شنو وقع هنا؟ واخّا كان عارف كيفاش ينقز وبان بلّي كان تعلّم مزبان، الثقة دياله ماكانتش في القدرة دياله على أنه قادر يتعامل مع الما، ولكن التيقّة دياله كانت مبنية في الأب دياله، يعني في الوعد ديال باه بلّي غادي يشدّو، ملّي قال "أجي أ ولدي، نقز، كنواعدك غادي نشدك".

## التقديم ديال الإيمان والتوبة

مرقس قال في الإنجيل دياله بلّي المسيح بدا المهمة دياله وهو كيبشّر بهاد الكلام "ها الوقت كملّ ومملكّة الله قرّبات، إيوا توبو وأمّو بالبشارة" (مرقس 1: 15). المسيح علّمنا ووضّانا باش نتوبو ونأمنو، وراه هادشي هو اللّي كيطلب منا الله كجواب ديالنا للبشارة اللّي كيقدّمها المسيح.

وهادشي اللّي كانو الرّسل كيطلبو من الشعب باش يديروه في العهد الجديد كامل. المسيح طلب من الناس اللّي كانو كيسمعوه باش يتوبو ويأمنو بالبشارة.

وبطرس قال للشعب مَلِي قَرَب يَكْمَل الوَعَض دِيَالِه فِي يَوْم الخَمْسِين فِي أَعْمَال الرسل 2: 38: "تُوبُوا، وَخَاصُّ كُلِّ وَاحِدٍ مِّنْكُمْ يَتَّعَمَدُ بِاسْمِ يَسُوعَ الْمَسِيحِ بَاشْ تُغْفَرُ لِيَكُمْ دُنُوبُكُمْ، وَغَادِي نِنَعَمُ عَلَيْكُمْ اللهُ بِالرُّوحِ الْقُدُسِ"<sup>1</sup>. وبولس شرح الخدمة دِيَالِه وَالْمَهْمَةُ الَّتِي عَطَاهُ اللهُ فِي أَعْمَال الرسل 20: 21 مَلِي قَالَ: "وُطْلَبَتْ مِنْ لِيَهُودَ وَالْيُونَانِيِّينَ بَاشْ يَتُوبُوا وَيَرْجِعُوا لِلَّهِ وَيَأْمَنُوا بِرَبَّنَا يَسُوعَ"، وَفِي أَعْمَال الرسل 26: 18 هُوَ شَرَحَ لِينَا كَيْفَاشَ يَسُوعَ بَرَأَسَهُ صَيْفَطَهُ وَكَلَّفَهُ بِالْمَهْمَةِ دِيَالِه:

"بَاشْ تُحَلُّ لِيَهُمْ عَيْنِيهِمْ وَيَرْجِعُوا مِنْ الصَّلَامِ لِلنُّورِ، وَمَنْ السُّلْطَةُ دِيَالِ الشَّيْطَانِ يُرْجِعُوا لِلَّهِ. وَمَلِي يَأْمَنُوا بِيَّ يَتَغْفَرُوا لِيَهُمْ دُنُوبُهُمْ، وَيُورَثُوا مَعَ النَّاسِ الْمُقَدَّسِينَ"

الإيمان والتوبة. هادشي هُوَ الَّتِي كَيْمَيْزُ الشَّعْبِ دِيَالِ الْمَسِيحِ، أَوْلَا الْمَسِيحِيِّينَ. يَعْنِي أَنَّ الشَّخْصَ الْمَسِيحِيَّ هُوَ الْإِنْسَانَ الَّتِي كَيْبَعِدُ مِنَ الدُّنُوبِ دِيَالِه وَكَيْتِيقُ بِالرَّبِّ يَسُوعَ الْمَسِيحِ بُوْحِدِه بَاشْ يَنْجِيَه مِنْ دُنُوبِهِ وَمِنْ الْحُكْمِ دِيَالِ اللهِ الَّتِي جَاي.

## الإيمان هُوَ التَّقَّةُ وَالْإِتِّكَالُ

كَلِمَةُ إِيمَانٍ هِيَ كَلِمَةٌ مِنْ بَيْنِ الْكَلِمَاتِ الَّتِي النَّاسُ فَهَمُوهُمْ غَلَطَ لِمَدَّةٍ طَوِيلَةٍ، لِدَرَجَةٍ أَنَّ بَرَّافِ دِيَالِ النَّاسِ مَا كَيْعَرَفُوشَ الْمَعْنَى دِيَالِهَا الْحَقِيقِيَّ. سَوَّلَ شَيْ شَخْصٍ فِي الشَّارِعِ وَطَلَبَ مِنْهُ يَوْصِفُ لِيكَ الْإِيمَانَ، وَآخَا هَادِ الشَّخْصِ يَقْدِرُ يَهْدِرُ عَلَى الْإِيمَانِ بِكَلَامِ زَوِينِ، رَاهِ فِي الْآخِيرِ النَّاسِ كَيْضَتُوا بَلِيَّ الْإِيمَانِ هُوَ أَنَّنَا نَأْمَنُ بِأُمُورٍ سَخِيْفَةٍ حَيْثُ كَايْنِينَ أَدَلَّةً.

<sup>1</sup>المعمودية باسم يسوع المسيح هي تعبير على الإيمان بيه

واحد العام كنت كنتفّرّج مع ولدي الكبير في التلفزة في واحد البرنامج سميته "إستعراض عيد الشكر ديال ماسي". كان الموضوع ديال داك العام هو "آمن!" وكانت النقطة الرئيسية اللّي كتبوها بحروف كبار فوق المنصة هي "الميزان ديال الإيمان". وفي كل مرّة كانت كتدوز شي طموبيل أولا كروسة مزوقة في الإستعراض، أولا شي فرقة كانت كتعزف شي موسيقى، أولا كتكون شي رقصة بلباس تقليدي، كان العبار ديال الإيمان كيطلع شوية في الميزان. وأكيد العبار ديال الإيمان وصل لأعلى مستوى ملّي وصل بابا نويل. ومع كل ديك الموسيقى والرقص والحلويات والغوات ديال الكبار والصغار، أي واحد دايز من ديك البلاصة غيفكر بلّي بالحق هاد الناس كيأمنو بهادشي.

ولدي الكبير اللّي كان في عمره ست سنين في داك الوقت كان فكّر بلّي داكشي مُضحك وسخيف. ولكن راه هادي هي الفكرة ديال العالم على الإيمان دابا. هو بحال شي لعبة ممتعة وزوية، الناس كيشاركو فيها بحرية إلا بغا، وَاخَا هادشي ما عنده علاقة بالحياة الواقعية ديالهم. الدراري الصغار كيأمنو بالوجود بابا نويل وبالجنّي اللّي كيحقق الأمنيات. والناس اللّي كيتبعو التّصوّف كيأمنو بلّي بعض الأحجار الكريمة فيهم قوّة. والمسيحيين كيأمنو بيسوع.

ملّي كنقراو الكتاب المقدّس، كنلقاوا أن الإيمان ما كيعنيش هادشي غاع. الإيمان هو ماشي غير نفكّر بلّي واحد الحاجة غريبة على هاد العالم هي موجودة في الحقيقة وَاخَا ما كينش شي دليل، هادشي اللّي كيفكر العالم على الإيمان. ولكن حسب الكتاب المقدّس الإيمان هو الثقة والإتكال. الإيمان هو الثقة اللّي ثابتة بحال شي حجرة كبيرة، ثقة متجدرة ومبنية على الوعد في أن يسوع المسيح اللّي تّبعت من الموت غادي ينجّيك من الدنوب.

الرسول بولس علّمنا شنو هو الإيمان في رومية الفصل 4 ملّي كان كيهدر على سيدنا إبراهيم. وهاكدا الرسول وصف الإيمان ديال سيدنا إبراهيم:

"وَوَاحًا مَا كَانَتْ الرَّجَا، رَأَى إِبْرَاهِيمَ آمِنٌ وَكَانَ عِنْدَهُ الرَّجَا بَلِيَّ عَيْوَلِي  
 الْبُؤْسِ ذِيَالٌ بَرَّافٌ ذُ الشُّعُوبِ، عَلَى حُسَابِ دَاكْسِي اللَّيِّ كَالِ لِيهِ اللَّهُ:  
 «هَكَأَ عَتُّوُنُ التَّرِيكَةِ ذِيَالُكَ». وَالْإِيمَانُ ذِيَالَهُ مَا ضَعَّافُنْ وَاحًا كَانَ  
 فَعَمْرُهُ مِيَهُ عَامٌ تُفْرِيبًا، وَكَانَ عَارَفٌ بَلِيَّ الدَّاتِ ذِيَالَهُ بِحَالٍ إِلَّا مِيَتَّةً،  
 وَمِرَاتُهُ سَارَةٌ مَا قَادَرَاشْ تُؤَلَّدُ. وَمَا شُكَّشْ فِدَاكْسِي اللَّيِّ وَاعْدُهُ بِيَهُ  
 اللَّهُ، وَلَكِنْ بِالْإِيمَانِ وَلِيَّ قُوِيٍّ وَعُطِيَ الْعَرْ لَلَّهِ. وَكَانَ مُثَبِّقُنْ بَلِيَّ اللَّهُ  
 قَادِرٌ يُدِيرُ دَاكْسِي اللَّيِّ وَاعْدُهُ بِيَهُ" (رومية 4: 18-21)

واخًا الأمور كانوا غادية عكس الوعد ديال الله- خصوصًا العمر ديال إبراهيم  
 وديال سارة مراته اللي كانت عاكرة، إبراهيم آمن بالكلام ديال الله. تاق بالله بلا  
 ما يتردد وتاكل عليه باش يكمل الوعود دياله. الإيمان ديال إبراهيم ماكانش إيمان  
 متالي وكامل، والولادة ديال ولده إسماعيل من سارة كتبرهن على أن إبراهيم في  
 البداية كان تاكل على الأعمال دياله باش يحقق الوعد ديال الله. ولكن في الأخير  
 تاب من الذنوب دياله، وحط الإيمان دياله بالله بوحده. وتمًا تاكل عليه كيما  
 كيقول لنا الرسول بولس "وَكَانَ مُثَبِّقُنْ بَلِيَّ اللَّهُ قَادِرٌ يُدِيرُ دَاكْسِي اللَّيِّ وَاعْدُهُ  
 بِيَهُ".

الإنجيل ديال يسوع المسيح كيطلب منّا باش نديرو بحال براهيم، يعني  
 كيطلب منّا باش نحطو الإيمان ديالنا في يسوع، ونتاكلو عليه، ونتيقو بلي هو  
 غيكمل الوعد دياله.

### الإيمان باش يصدر الحُكم ديال التبرير

ولكن علاش خاصنا نتوكلو على المسيح ونعتامدو عليه؟ بكل بساطة،  
 خاصنا نتاكلو عليه باش نربحو الحُكم بالتبرير ديالنا من الله القاضي عوض يحكم  
 علينا بلي حنا مُدنين .

بغيت نوضّح هادشي كتر. راه الكتاب المقدّس كيعلّمنا بلّي أعظم إحتياج عند الإنسان هو باش يكون مبرّر وتقي في نضر الله عوض يتدان ويتحكم عليه على أنه شرير وماصالحش. نهار يصدر الحُكم، حنا محتاجين باش نسمعو الحُكم ديال الله على أننا "متبررين" أولا "أبرياء" وماشي "مُدنيين" أولا "مُجرمين". حسب الكتاب المقدّس، باش نكونو متبررين يعني أنّ الله خاصّه يعلن بلّي حنا تقيين ومتبررين قدام عينيه وماشي مُدنيين.

وكيفاش نقدر وناخدو هاد الحُكم بالتبرير؟ الكتاب المقدّس كيعلّمنا بوضوح أننا ماغاديش نقدر وناخدو التبرير إلا طلبنا من الله باش يشوف في حياتنا والأعمال ديالنا. لآ، هادشي ماغينفعنا في الو. إلا كان الله غيعلن التبرير ديالنا، فراه هادشي ممكن غير إلا الله دار شي حاجة خرا من غير يشوف في حياتنا والأعمال ديالنا اللي عامرين بالدنوب. غيخص يقَلب في الحياة والأعمال ديال شي شخص آخر- شي شخص قادر يوقف في بلاصتنا وينوب علينا. هنا كاينة الأهمية ديال الإيمان بالمسيح. ملي كنأمنو ببسوع، حنا كنتأكلو وكنعتمدو عليه باش يوقف في بلاصتنا قدام الله، بحياته المِثالية وبالموت دياله من أجلنا فوق الصليب باش يخلّص التمن ديال الدنوب ديالنا. يعني خاصنا نتيقو بلّي الله غيبدل الكتاب ديال الأعمال ديالنا بالكتاب ديال أعمال المسيح، وهاكدا غادي يعلن التبرير ديالنا (رومية 3: 22).

نقدرو نفكرو في هادشي بهاد الطريقة: ملي كنديرو الثقة ديالنا في يسوع باش ينجينا، كنولّيو متآحدين معاه، وهنا كيوقع التبادل. كل الدنوب ديالنا والعصيان ديالنا والشر ديالنا كيْتَحسب عليه أولا كيْتَحط التقل والتمن ديالهم فوقه، وهادشي علاش هو واجه الموت (1 بطرس 3: 18). وفي نفس الوقت، الحياة ديال المسيح الكاملة والمِثالية كتحسب بحال لكنت هي الحياة ديالنا، وهاكدا الله كيعلن أننا أبرار ومتبررين. الله في ديك اللحظة ملي كيشوف فينا، هو كيكون كيشوف في الحقيقة في التقوى ديال المسيح عوض يشوف الدنوب ديالنا.

هادشي اللي بغا يقول لينا الرسول بولس في رسالة رومية الفصل 4، ملي قال بلي الله "حسبه متاتي" واحا الأعمال دياله ناقصين، وبلي "تسترو ذنوبهم" (الآية 5 والآية 7). والأهم من كل هادشي هو الحق اللي علنه الرسول في الآية 5 ملي قال بلي الله "كيعفر للمدنب"، وهادا حق عجيب بزاف! الله ماكيلنش التبرير ديالنا حيث لقا فينا شي تقوى أولا عمل صالح. حنا كنشكرو الله حيث هاد الحق هو واقعي وحقيقي، حيث حتى واحد فينا مايقدر يوصل للمعيار ديال الله. ولكن راه الله هو اللي علن أننا متبررين، حيث حنا بالإيمان لبسنا الحياة النقية ديال المسيح. الله كينجينا بالنعمة دياله، ماشي على أساس شي عمل درناه، ولكن غير على أساس شنو دار المسيح من أجلنا.

النبي زكريا كيشرح لينا هاد النقطة من خلال واحد الصورة زوينة على كيفاش واحد رئيس راجل الدين سميته يهوشع كان تعطاه حوايج جداد. هاشنو كتب النبي زكريا:

"الله يلعنك يا شيطان، الله اللي ختار أورشليم هو يلعنك. واش هاد الرجل هو ماشي عود شاعل خارج من العافية؟" وكان يهوشع لابس لباس موسى وواقف قدام الملاك. والملاك قال لهادوك اللي كانوا واقفين قدامه: "حيّدو ليه اللباس الموسخ"، ومن بعد قال ليهوشع: "شوف. راني حيّدت منك الذنوب ديالك ولبستك لباس نقي وزوين". وقلت: "حظو فوق راسه عمامة نقية". وحظو فوق راسه عمامة نقية ولبسوه اللباس والملاك كان واقف قدامه. (زكريا 3: 1-5)

داك اللباس الجديد والنقي ماكانش ديال يهوشع، وحتى ديك العمامة النقية ماكانتش دياله. ملي كان واقف قدام ملاك الله كان لابس لباس اخر موسى،

اللباس اللّي كان الشيطان كيضحك عليه بسبابه. راه التبرير اللّي خداه النبي يهوشع قدام الله ماكانش التبرير دياله، ولكن شخص أحر عطاءه داك التبرير.

نفس الحاجة معنا حنا المؤمنين بالمسيح. حنا متبررين قدام الله بسباب التقوى والتبرير ديال يسوع المسيح اللّي تعطا لينا، وماشي التقوى والتبرير دياولنا. الله كيشوف في ولده وكيشوف الذنوب ديالنا، ومن بعد كيشوف فينا وكيشوف فينا التبرير والتقوى ديالو المسيح. كايئة ترنيمة كتقول:

"الله العادل هو رضا عليّا حيت كيشوف في المسيح وكيعفر ليّا"<sup>2</sup>

## الإيمان بوحده

ملي نفهمو علاش خاصنا نعتامدو على المسيح باش ناخذو النجا - الموت دياله على الذنوب ديالنا، والحياة دياله على ود التبرير ديالنا- غادي نفهمو بلي الكتاب المقدّس كياكّد على النجا والخلاص بالإيمان بالمسيح بوحده. ماكياش شي طريق خرا، وماكينش شي مُنّجي أحر. مانقدرو لا نتاكلو ولا نعتامدو على حتّى شي حاجة خرا أولا شخص أحر في العالم باش ينجينا، مانقدروش نعتامدو حتّى على المجهود ديالنا الشخصي.

كل الأديان الأخرى في التاريخ البشري كيرفضو فكرة أننا نقدر ننتبررو بالإيمان بوحده. وهاد الأديان كيعلمو بلي النجا ممكنة غير بالمجهودات الأخلاقية والأعمال الصالحة باش الميزان ديال الحسنات والسيئات يكون متوازن. وهادي حاجة ماكتفاجئناش، راه البشر كيميلاو باش يفكرو بلي نقدر حتّى حنا نساهمو في النجا ديالنا.

<sup>2</sup> "قدام عرش الله العالّي"، شاريتي إل. بانكروفت، 1863.

حنا ناس كي عجبنا نعامدو على نفوسنا بزّاف، ياك؟ حنا مقتانعين بلّي نقدرو نحققو الإكتفاء الداتي، وما كترتأحوش مع أي فكرة تقدر تقول بلّي أي نجاح في حياتنا هو بسباب شي شخص آخر. فكّر في كيفاش غتحمس إلاقال ليك شي واحد على شي حاجة مهمة في حياتك "راك ماشي نت اللّي حَقَّقْتِي هاد الحاجة، شي واحد آخر عطاها ليك". نفس الحاجة كتوقع مَلّي كنوقفو قدام النجا ديالنا. الله عطانا نعمة وهدية، ومادرنا حتّى شي حاجة باش نستأحقّوها- ما بزّرناش نفوسنا، وما خلّصناش التمن ديال الدنوب ديالنا، وأكيد مادرناش أعمال صالحة كافية باش الميزان ديالنا يكون متوازن (غلاطية 2: 16).

باش تحط الإيمان ديالك في المسيح يعني أنّك تسمح كليّاً في أي أمل آخر على أنّك تقدر تكون بار قدام الله. واش تقدر تتيق في الأعمال الصالحة ديالك؟ الإيمان هو تعترف بلّي الأعمال ديالك الحسنة ما كافيينش غاغ، وتتيق بالمسيح بوحده. بكلام آخر، الإيمان هو أنّك تنقّز من الحافة وتقول: "يا يسوع، أنا غنتهلك إلا انت ماشدّيتيني، ما عنديش رجاء آخر، وما عنديش مُنْجِي آخر. نجّيني يا يسوع، وإلا راني غنموت".

هادا هو الإيمان.

## التوبة هي وجه آخر ديال الإيمان

الرسالة ديال المسيح للناس اللّي كيسمعوه حسب مرقس 1: 15 هي: "ها الوَقْتُ كَمَلُّ وَمَمْلَكَةُ اللَّهِ قَرَّبَاتْ، إِيوَا تُوبُو وَأَمْنُو بِالْبَشَارَةِ (الإنجيل)". إلا كان الإيمان هو نمشيو لعند المسيح ونتأكلو عليه باش ينجينا، راه التوبة هي الوجه لآخر ديال هاد الإيمان. التوبة هي نبعدو من الدنوب ونرفضوهم، ونقرّرو نخلّيوهم من خلال الإتكال ديالنا على القوة ديال الله، وفي نفس الوقت نتوجهو لعند الله بالإيمان. هادشي علاش قال بطرس للناس: "إِيوَا تُوبُو وَرْجَعُو لِلَّهِ بِأَشْ"

تُمْحَا دُنُوبَكُمْ" (أعمال الرسل 3: 19). والرسول بولس حتّى هو قال: "وُخَبِّرْتُ ... كَأَنَّ الشُّعُوبَ الَّتِي مَا كُنَّا مَنُوشَ بِاللَّهِ، بَلِي خَاصَّهُمْ يَتُوبُوا وَيُرْجَعُوا لَطَرِيقِ اللَّهِ، وَيُؤَيِّدُوا الْخَوَائِجَ الْمُزَيَّاتِينَ الَّتِي كَتَبْتُنَا التُّوبَةَ دِيَالَهُمْ" (أعمال الرسل 26: 20).

التوبة هي ماشي غير حاجة إختيارية في الحياة المسيحية، ولكن هي جزء مهم بزاف في الإيمان ديالنا. التوبة هي العلامة الّتي كتميّز بين الناس الّتي نجاهم الله وبين الناس الّتي مازال مانجاوش.

عرفت بزاف ديال الناس الّتي كيقولوا: "أه أنا قبلت يسوع المسيح كمخلص ديالي، على هادشي أنا مسيحي. ولكن أنا مازال ماشي واجد باش نقبله كرب ديالي. باقي خاصني ندير بعض الحوايج". يعني هاد الناس كيضنّو بلي يقدرُوا يأمنُوا بالمسيح وينجاوا، بلا مايتوبوا من الذنوب ديالهم.

إلا فهمنا الذنوب بالمعنى ديالهم الصحيح، راه غاديين نشوفو بلي الفكرة ديال قبول المسيح غير كمنجّي وبلا مايكون رب ديالنا هي فكرة ماخدا ماش. من واحد الجهة، هي ماشي تطبيق لداكشي الّتي كيعلّمنا الكتاب المقدّس على التوبة وعلى علاقتها بالنجا. متلاً، الرب يسوع عطانا هاد التحدير: "زَاهْ إِلا مَا تَبْتُوشْ، كَلُّكُمْ غَادِي تَهْلُكُو" (لوقا 13: 3). ملي الرُّسُل سمعو من بطرس بلي كورنيليوس آمن وتجدّد، وسبحو الله وقالوا: "حَتَّى النَّاسُ الَّتِي مَا شِي يَهُودٌ نَعْمَ عَلَيْهِمُ اللَّهُ مِنْ عِنْدِهِ بِالتُّوبَةِ الَّتِي كَتَبْتُنَا لِلْحَيَاةِ!" (أعمال الرسل 11: 18)، والرسول بولس في 2 كورنتوس 7: 10 قال "... التُّوبَةُ الَّتِي كَتَبْتُنَا لِلنَّجَا...".

وزيد على هادشي راه الإيمان بالمسيح في القلب دياله هو نتيقو في الكلام ديال المسيح براسه- يعني هو المَلِك الّتي تصلب، وتبعث من الموت وطلع للسما، ونتاصر على الموت والذنوب، وهو الّتي عنده القوة باش ينجينا. كيفاش يقدر شي واحد يأمن بهادشي، ويتيق بالمسيح ويتاكل عليه، ولكن في نفس الوقت

يقول "مانقدرش نعتابر المسيح هو مَلِك فوق حياتي"؟ هاد الهدرة مايمكنش تكون. راه الإيمان بالمسيح كيحي مع رفض للدنوب- الدنوب اللّي غلبهم يسوع المسيح المَلِك. ومليّ ماكيكوشن رفض للدنوب، فراه ماكينش تما إيمان حقيقي بذاك الشخص اللّي غلب الدنوب.

وكيما قال يسوع في متى 6: 24: "حَتَّى وَاحِدَ مَا يُقَدَّرُ يَكُونُ عَبْدًا لَجُوجِ سَيَادَ، غَلَاخَقَاشِ إِمَّا عَيْكِرَهَ وَاحِدَ فِيهِمْ وَغَيْبِي لِأَحْرَ، وَلَا عَيْكُونُ مُخْلِصَ لُوَاحِدَ فِيهِمْ وَغَيْطِيحُ مِنْ شَانِ لِأَحْرَ. وَهَكَأ حَتَّى نُنَّمَّ مَا تُقَدَّرُوشْ تُكُونُو عَيْبِدَ ذِيَالِ اللّهِ وَالْفُلُوسْ". الإيمان بيسوع المَلِك كييعني أننا نرفضو ونبعدو من العديان دياله.

### التوبة ماشي هي الكمال ولكن هي نختارو معامن حنا

بعد كل هادشي اللّي قلنا، كنعرفو أن المؤمن بالمسيح مايقدرش يعيش هاد الحياة بلا دنوب غاع. التوبة ماكتعنيش بالضرورة أننا ماعمرنا مازال ندنوبو - أكيد راه هادشي مايمكنش يوقع من أي ناحية. المؤمن بالمسيح مازال مُدنين وساقطين واحّا يكون عطانا الله حياة روحية جديدة، وراه مازال غنزيديو نكونو في حرب ضد الدنوب حتى نهار يرجع المسيح ويمجدنا (قرا غلاطية 5: 17، و1 يوحنا 2: 1). ولكن واحّا التوبة ماكتعنيش أننا ماغنبقاوش نديرو الدنوب، راها كتعني أننا مابقناش غنعيشو في سلام ومرتاحين مع الدنوب ديالنا. غادي نوّضو الحرب على الدنوب اللّي فينا، وغاديين نرگزو باش نقاوموهم بالقوة ديال الله في كل جبهة في حياتنا.

بزّاف ديال المؤمنين كيتدابزو مع هاد الفكرة ديال التوبة، حيث كيفگزو أنهم إلا تابو توبة حقيقية وصادقة، راه كل الدنوب ديالهم غيختافيو ويمشيو في مرّة وماغيبقاوش يواجهو الإغراء ديال هاد الدنوب. ومليّ ماكيوقعش هادشي، كيفشلو وكيشكو في الإيمان ديالهم بالمسيح. صحيح أنه مليّ الله كييعطينا حياة

جديدة، فراه كيعطينا القوة باش نحاريو الدنوب ونغلبوهم (1 كورينثوس 10: 13). ولكن راه حنا غادين نستمزو في الحرب ديالنا ضد الدنوب حتى لنهار يرجع المسيح ويمجدنا معاه، هادشي علاش راه خاصنا مانساوش أن التوبة الحقيقية هي الموقف ديال القلب ديالي تجاه الدنوب كتر من أنها هي تغيير في السلوك. واش حنا كنكرهو الدنوب وكنحاربوهم، أولا كنفتاحرو بيهم وكندافعو عليهم؟

واحد الكاتب (ويليام أرنوت) شرح هاد الحقيقة الرائعة بواحد الطريقة زونية:

"الفرق بين الإنسان اللي ماشي مؤمن والإنسان المؤمن بالمسيح ماشي هو أن واحد فيهم كيدير الدنوب ولاخر ماكيديرهمش. ولكن الفرق هو أن الإنسان اللي ماشي مؤمن كيوقف بجانب الدنوب دياله اللي هو كيبيغيهم بزاف وكيوواجه الله العالي، أما الشخص الثاني فراه كيوقف بجانب الله اللي نجاه وكيوواجه الدنوب اللي دابا كيكرههم."<sup>3</sup>

شمن جيهة ختاريتي؟ الدنوب ديالك أولا الله؟

### تغيير حقيقي، غلة حقيقية

الكتاب المقدس كيعلّمنا بلي ملي كيتوب شي شخص توبة صادقة وكيامن بالمسيح، راه تما كياخد حياة روحية جديدة. الرسول بولس كيقول: "وَأَنْتُمْ كُنْتُمْ مُيْتِبِينَ بِالذُّنُوبِ وَالْمَعْصِيَّاتِ ذِيَالِكُمْ... وَلَكِنْ الرَّحْمَةُ ذِيَالِ اللَّهِ كَثِيرَةٌ، وَبَسَبَابِ الْمُحَبَّةِ ذِيَالِهِ الْكُبْرَى اللَّيْ بُعَانَا بِيهَا، وَحَتَّى مَلِي كُنَّا مُيْتِبِينَ فَالذُّنُوبِ ذِيَالْنَا، حَيَانَا مَعَ الْمَسِيحِ، وَهَكَأ بِالنَّعْمَةِ ذِيَالِ اللَّهِ نُحْيَتُو" (أفسس 2: 1، 4-5). ملي كيوقع

<sup>3</sup> ويليام أرنوت، قوانين من السما من أجل الحياة في الأرض (لندن: تي. نيلسون وولاده، 1884)، 311.

هادشي، حياتنا كتتغير، ماشي في ديك اللحضة، وماشى بالزربة، وماشى بطريقة متواصلة ودايمة- ولكن حياتنا كتبدا تتغير وكتبدا تعطي الغلة ديالها.

الكتاب المقدس كيقول أن المؤمنين خاصهم يتميزو بنفس المحبة والرحمة والتقوى اللي كيتميز بيهم المسيح. الرسول بولس كيقول بلي المؤمنين الحقيقيين خاصهم "يديزو الحوايج المزانيين اللي كيبينو التوبة ذيا لهم" (أعمال الرسل 26: 20). وقال يسوع: "كل شجرة كتعرف من غلتها، حيث الناس ما كيجنيوش الكرموس من الشوك، وما كيجنيوش العنب من السدرة" (لوقا 6: 44). يعني ملي الإنسان كياخد حياة روحية جديدة، راه كيبدا يدير ديك الأعمال اللي كان المسيح كيدير، وهاكدا كيعيش حياة كتشبه للحياة اللي عاشها يسوع وكيعطي غلة مزبانية.

الحاجة الوحيدة اللي خاصنا ديما نردو البال معاها هي باش مانفكروش بلي الغلة ديال أعمالنا هما السبب في النجا ديالنا. ديما كاين واحد الخطر ملي كنبداو نشوفو الغلة الروحية في حياتنا، وهاد الخطر هو أننا نقدرو نبداو نتاكلو ونعتامدو على هاد الغلة من أجل النجا، عوض نتاكلو على المسيح. كمؤمنين خاصنا نردو البال من هاد التجربة، وخاصنا نفهمو أن الغلة الروحية هي الغلة ديال ديك الشجرة المزبانية اللي غرساتها النعمة ديال الله من خلال المسيح. راه الإتكال على الغلة الروحية ديالك باش تضمن الرضا ديال الله هو بحال تحيد الإيمان ديالك من المسيح وتحظو على راسك. وراه هادي ماشي نجاة.

## علامن غادي تهدر؟

كنفكر في شنو نت ناوي تقوله أولا تديره ملي توقف قدام الله في يوم الحساب باش تقنعه باش يحسبك تقي ومتبرر ويخليك تدخل لمملكته وتاخذ كل البركات دياله؟ شنو هو العمل الصالح أولا الموقف التقي اللي غتخرج من

الجيب ديالك باش تريح الرضا ديال الله والإعجاب دياله؟ واش غادي تورّيه شحال من مرّة مشيتي للكنيسة؟ غتورّيه حياتك العائلية؟ الأفكار ديالك الزوينين؟ غتورّيه أنك مادرتي حتى عمل شرير في رأيك؟ ماعرفتش شنو غتورّي لله وتقول ليه: "يا رب، علن البراءة ديالي حيت عندي هادشي".

خلّيني نقول ليك شنو غيديرو كل المؤمنين اللّي حطّو إيمانهم غير في المسيح بنعمة الله وصافي. غاديين يورّيو بيديهم ويشيرو للمسيح بكل بساطة وهدوء. وغيقولو: "يا رب، ماتشوف في حياتي، شوف في ولدك. عتابرني متبرّر ماشي على حساب شي حاجة فيّا أولاً شي حاجة درتها، ولكن على حساب هو. هو عاش الحياة اللّي كان خاصني أنا نعيشها، ومات الموت اللّي أنا كنتاحقه. أنا سمحت في كل حاجة، وتعلّقت بيه غير هو بوحده. يا رب، برّرنى بسباب يسوع المسيح".

## الفصل 6:

### المملكة

في الدخلة ديال الباركينج ديال كينستي، كينة واحد البلاكة مكتوب عليها كلام زوين بالزاف ديال دجيم إليوت: " ماشي حمق الإنسان اللي كيتخلى على الحوايج اللي مايقدرش يحتافض بيهم، باش يربح الحوايج اللي ماعمره يقدر يخسرهم". كيعجبني هاد الكلام حيث كيوري مزيان وبوضوح شنو يعني أنك تكون مؤمن بالمسيح، وكيفكرني بالمكافئة اللي كتستأنا.

أكيد راه الإيمان بالمسيح هو حاجة غالية بزاف (لوقا 14: 28). ولكن راه ضروري يكونو حتى المكافآت اللي كتأخذهم بصيفتك مؤمن بالمسيح عندهم قيمة كبيرة ومانقدروش نتصوروهم: الغفران ديال الدنوب، التبني ديال الله لينا باش نوليو ولاده، علاقتنا مع المسيح، الكادو ديال الروح القدس، الحرية من الطغيان ديال الدنوب، الحياة مع الكنيسة، القيامة في اليوم الأخير بجسد مُمَجَّد، الدخول في مملكة الله، والسما الجديدة والأرض الجديدة، الحياة الدائمة مع الله والقدرة باش نشوفو وجهه- هادشي كله واعدنا بيه المسيح. وهادشي علاش الرسول بولس عاود كزر لينا الكلام ديال النبي إشعياء في 1 كورنتوس 2: 9:

"اللي ما شافُّته عين، و ما سمعَّته وذن، و ما جا على بال حتى شي  
إنسان، هو اللي وجدَّه الله لهاذوك اللي كينغيوة"

راه الحياة المسيحية هي ماشي غير أننا نحاولو نبعُدو من الغضب ديال الله، لا هي كتر من هادشي. هي أننا تكون عندنا علاقة صحيحة مع الله، وفي الأخير

نقدرو تمتعو بيه للأبد. وهادشي كييعني أننا شوية بشوية كيكون عندنا داكشي اللي مايمكنش نخسروه- أننا نكونو مواطنين في مملكة الله الأبدية.

من اللحظة اللي فيها كيامن الإنسان بيسوع المسيح، كيتغير كلشي في حياته وللأبد. أنا عارف بلي هادشي ماشي ديما كيكون واضح. ماكنشوفوش شي حفلة كبيرة أولا موسيقي، ولا ملائكة كيرنمو (على الأقل ماكنسمعوهمش)، واخا هكداك راه هادشي حقيقي، راه كلشي كيتغير. كيقول الرسول بولس بلي راه الله "هُوَ الَّذِي عَثَقْنَا مِنَ السُّلْطَةِ دِيَالِ الصَّلَامِ، وَجَابَنَا لِمَمْلَكَةِ وَلَدِهِ الْحَبِيبِ" (كولوسي 1: 13).

### شنو كتعني مملكة الله؟

موضوع مملكة الله هو موضوع مهم في العهد الجديد. راه يسوع بنفسه وعض وعلم عليه بزاف، وقال: "توبو حيث راه قربات مملكة الله". في هاد السياق، الشاهد في أعمال الرسل 28: 31 كيلخص لينا الخدمة ديال بولس بهاد الكلام: "كَيَخْبُرُ النَّاسُ بِمَمْلَكَةِ اللَّهِ وَكَيَعْلَمَهُمْ عَلَى الرَّبِّ يَسُوعَ الْمَسِيحِ بَلَا مَا يَخَافُ، وَبَلَا مَا يَمْنَعُهُ حَتَّى حَدًّا". والكاتب ديال الرسالة ديال عبرانيين كيفرح بحقيقة أننا كمؤمنين بالمسيح "وَلَا تْ عِنْدُنَا مَمْلَكَةٌ تَابِتَةٌ وَمَا كَتَّرْ عَزْغَشْ" (عبرانيين 12: 28). وبطرس كيشجع المؤمنين بالحق ديال أن الله كيرحب بينا بحرارة لملكوت الله بهاد الكلام: " حَيْثُ هَكَأَ عَيْتَحَلُّ لِيَكُمُ الْبَابُ كَامَلُ بَاشْ تَدْخُلُو لِمَمْلَكَةِ الدَّائِمَةِ دِيَالِ رَبِّنَا وَمُنَجِّينَا يَسُوعَ الْمَسِيحِ" (2 بطرس 1: 11). في رؤيا يوحنا، كل الملائكة اللي في السما كيسبحو وكيقولو "هَادَا هُوَ وَقْتُ النِّجَا وَالْقُوَّةِ وَالْمُلْكِ دِيَالِ الْإِلَهَاتَا، وَالسُّلْطَةِ دُ الْمَسِيحِ دِيَالَهُ، عَلَاقَشْ تَرْجِي لِلْأَرْضِ هَادَاكُ الَّذِي كَانَ كَيْتَّهَمُ حُوتُنَا قُدَامَ الْإِلَهِ دِيَالِنَا لَيْلٍ وَنَهَارٍ" (رؤيا 12: 10).

ولكن شنو هي هاد المملكة بالضبط؟ واش هي شي منطقة فين الله عنده سلطة كاملة؟ أولا هي الكنيسة؟

واش المملكة كاينة هنا ودابا؟ أولا هي حاجة مازال كنتسناوها تجي؟ وشكون بالضبط غيكون في مملكة الله؟ واش الله ماكيملكش على كلشي، سواء شخص مؤمن أولا ماشي مؤمن بالمسيح؟ واش ماشي كلنا في مملكة الله؟ واش مايمكنش نعاونو في التأسيس ديال المملكة، سواء كئنا مؤمنين بالمسيح أولا لا؟

خليونا نحاولو نفهمو بعض هاد الأسئلة من خلال أننا نلاحظو في بعض الأمور اللي كيعلّمننا الكتاب المقدّس على مملكة الله.

## المُلك ديال الله الفدائي

أولاً، مملكة الله هي مُلك الله الفدائي على الشعب دياله. وكلمة مملكة هي من أقوى الكلمات اللي فيها دلالات قوية، وفي هاد الحالة، هاد الدلالات تقدر تشوّشنا شوية. ملي عادةً كنفكرو في المملكة، كنفكرو في واحد الأرض معيّنة عندها حدود مضبوطين مزيان، المملكة بالنسبة لبرّاف مئا هي كلمة عندها علاقة بالجغرافيا. ولكن راه ماشي هو هادا المعنى في الكتاب المقدّس. حسب الكتاب المقدّس، أحسن طريقة باش نفهمو المملكة هي أننا نعتابروها "خُضوع للحُكم ديال المَلِك" كتر من كونها في الحقيقة "مملكة" بالمعنى اللي عادةً كنتستعملوها فيه. هادشي علاش راه المملكة ديال الله هي حُكم ديال الله والسيادة دياله والسلطة دياله (مزمو 145: 11، 13).

ولكن كاينة كلمة خرا مهمة حتى هي وخاصنا نزيدوها في التعريف ديالنا للمملكة. الكتاب المقدّس كيعلّمننا بلي المملكة ديال الله هي ماشي غير الحُكم دياله والسيادة دياله، هي الحُكم والسيادة دياوله اللي كيفديو، هي السيادة والحُكم اللي عامرين بالمحبة اللي كيعطيهها الله للشعب دياله.

في الحقيقة، راه ماكين حتى شبر في هاد الكون، وماكين ولو شخص واحد مستقل وبعيد من الحُكم ديال الله أولا خارج من السطلة دياه بشي طريقة. الله هو اللي خلق كلشي، وهو اللي متسلط على كلشي، وهو اللي غيحكم على كلشي في الأخير. ولكن ملي كنقروا كلمة "مملكة الله" في الكتاب المقدس، فراه كتكون كتشير بالضبط للملك والحُكم ديال الله على الشعب دياه، والسيادة دياه على الناس اللي هو نجاهم من خلال المسيح. وهادشي علاش هدر لينا الرسول بولس على الحقيقة ديال أن المؤمنين بالمسيح كيدوزو من سلطان الضلام لمملكة المسيح (كولوسي 1: 12-13)، والرسول أكد لينا بوضوح على أن الأشرار ماغاديينش يورتو مملكة الله (1 كورنتوس 6: 9).

إذن بكل بساطة، مملكة الله هي الملك ديال الله الفِدائي، والسيادة دياه والسلطان دياه على الناس اللي فداهم يسوع.

## المملكة جاية

تانياً، مملكة الله هي كايئة هنا. ملي بدّا المسيح الخدمة دياه هنا على الأرض، كان كيبشّر بواحد الرسالة عجيبة: "توبو، زاه الوقت ديال مملكة السماوات قُرب" (متى 3: 2). في الحقيقة نقدر نترجمو هاد الكلام بهاد الطريقة: "توبو، حيث مملكة الله جات!". اليهود تستاو قرون وهما كيترجاو وكيصليو لله باش تبان مملكة الله، وباش يجي النهار اللي فيه الله غادي يأسس الملك دياه على الأرض ويبرر الشعب دياه في النهاية. ودابا المسيح -النجار اللي ولى معلّم ديال الشريعة- كيقول ليهم بلي هاد اليوم اللي كانوا كيتستاوه راه جا.

وماشي غير هادشي، راه هو قال ليهم بلي مملكة الله بدات بيه هو! في متى 12: 28 ملي الفريسيين تاهمو المسيح بلي كان كيخرج الشياطين باسم الشيطان، المسيح خاسم عليهم وعلن واحد الحق عجيب وقال: "وَلَكِنْ إِنْ كُنْتُ أَنَا بَرُّوحِ

اللَّهُ كَنُخْرُجُ الْجُنُونِ، رَأَهُ مَمْلَكَةُ اللَّهِ جِائَتْ فَوَسَطَ مِنْكُمْ"، فهمتي كلام المسيح هنا؟ واضح أن يسوع كان كيخرَج الشياطين من الناس، وكان كيدير هادشي بالروح ديال الله، وببهاد الأعمال هو كان كيورينا أن الوعد ديال الله لينا بالنجا راه بدا كيتحقق. المملكة راها جات.

شحال عجيب هاد الحق! التجسد ديال المسيح ماكانش غير باش يكون بحال زيارة إلهية قصيرة وخفيفة. ولكن كان هو البداية ديال الهجوم المضاد والأخير والكامل ديال الله ضد كل حاجة دخلات للعالم من بعد سقوط آدم، حوايج بحال الدنوب، والموت والدِّمار.

تقدر تشوف الحرب اللي ضايرة في القصة كلها ديال يسوع المسيح في العهد الجديد. يسوع المَلِك مشا بوحده باش يواجه الشيطان في الصحراء، نفس الشيطان اللي غوى آدم ودخل الفساد للعالم- والمسيح غلب هاد العدو. المسيح لمس العينين ديال الراجل اللي تولد عمى وهاد الراجل شاف التور أول مرة. المسيحوقف قدام الضلام ديال القبر فين كان ليعازر مدفون وغوت وقال "ليعازر خرج!" وهاكدا كانشوفو بلي القوة ديال الموت بدات كتضعاف ملي هاد الراجل الميت قام من الموت وخرج!

وأكيد فوق كل هادشي كنعرفو أن المسيح غلب الخطية براسها ملي غوت من فوق الصليب وقال "كمل!"، والقوة ديال الموت ضعافت ملي الملاك قال "علاش كتنقلبو على الحَيِّ بين الميتين؟ رَاهَ مَا كَانِيْش هُنَا، عَلَاحِقَاش نَاضُ مِنْ الْقُبْرِ" (لوقا 24: 5-6). وهاكدا خطوة بخطوة، وضرية مورا ضرية، كان المسيح كيغلب اللعنات اللي جاو بسباب الخطية ديال الإنسان. المَلِك الشرعي جا لهاد العالم، وكل عائق أولا كل حاجة كانت واقفة قدام المملكة دياله تهرسات وتغلبات- الدنوب والموت والشيطان.

هادشي كيعني أننا نقدر وناخدو بركات هاد المملكة. هادشي علاش المسيح قال لتلامده بلي غادي يصيفط ليهم "مُعزّي آخر"، اللي هو الروح القدس، اللي كان غادي يكوّدهم ويوبّخهم على كل دنب وغازي يقدرسههم. والمؤمنين اليوم كيعرفو شنو يعني تكون الولد اللي تبناه الله في العائلة ديه وشنو يعني نكونو مصالحين مع الله. حتى الرسول بولس كيقول أننا في نضر الله تبعتنا مع المسيح وحننا كالمسين معاه (أفسس 2: 6).

هاد الحق كيشجعنا بزاف. ولكن كايه حاجة خرا خاصنا نفهموها، وهاد الحاجة حتى هي مهمة بزاف بحال هاد الحق.

### المملكة مازال ماكملاتش

تالتاً، راه المملكة ديال الله مازال ماكملات، وماغتكمش حتى لنهار يرجع الملك يسوع مرّة خرا. واهّا المسيح غلب القوى ديال الشر، راه مازال ما أسس الحكم ديال الله على الأرض بشكل كامل ونهائي. المسيح غلب الشر ولكن مازال مامسحوش من العالم. والمملكة ديال الله تدشنات ولكن مازال ماكملات بشكل كامل ونهائي.

المسيح قال بلي الملكوت غادي يكمل في واحد النهار في المستقبل. قال بلي في داك النهار "غادي يصيفط وولد الإنسان الملائكة دياه، وغازي يجتمعو من مملكته كاع الأمور اللي كتسبب فالدنوب وكاع هادوك اللي كيدنبو ... ولكن اللي كيطيعو الله غيصوبو بحال الشمس فمملكة باهم" (متى 13: 41-43). المسيح متشوق يوصل النهار اللي فيه غاديين نتعشاو معاه، النهار اللي فيه غاديين نشرو عوتاني من العصير ديال العنب معاه: "ونكول ليكم: من اليوم ما عنعاوند نشرب من هاد عصير العنب حتى يجي النهار اللي غنشره معاكم جديد فالمملكة ديال با" (متى 26: 29).

الرسول بولس حتى هو متشوق للنهار اللي فيه غادي يتبعو الناس من الموت ويدخلو في الحياة الأبدية (1 كورنتوس 15)، والرسول قال للمؤمنين في مدينة أفسس بلي هما مختومين بالروح القدس اللي هو "العزبون ذالوزت ذياتنا، حتى يُفدي الله الشعب ذياته باش نُسبحوه على العز ذياته" (أفسس 1: 14). ومن بعد قال بلي الله نجانا "باش يبين فالزمان اللي جاي، النعمة ذياته الكبيرة بزاف باللفظ ذياته لينا فالمسيح يسوع" (أفسس 2: 8). والرسول بطرس حتى هو هدر لينا على "النجا اللي موجود باش يبان فاللخر ذيال الزمان" (1 بطرس 5: 1).

وكنقروا في عبرانيين بلي المؤمنين "هم بزانيين وضياف فهاذ الأرض" (عبرانيين 11: 13)، وخاصهم يطلبو ويقلبو على "المدينة اللي عندها الساس، واللي الله خطط ليها وبنها" (عبرانيين 11: 10).

النهار اللي فيه المليك ديالنا غادي يشق السما ويرجع باش يكمل المملكة دياله للأبد، هو الرجا العظيم اللي عندنا حنا المؤمنين، والحاجة اللي كلنا مشتاقين ليها وكتعطينا التشجيع والقوة. في ديك اللحضة السعيدة كل العالم غادي يتصلح ويتصاوب، تما غادي تتحقق العدالة أخيراً، والشر غادي يتغلب للأبد، والبر والتقوى غاديين يتبتو ديما. الله واعدنا وقال:

"حيث هاني غادي نخلق سما جديدة وأرض جديدة، والأرض والسما اللولين ماغيبقاو يخطرو على بال. ولكن فرحو وسعدو ديما حيث هاني غنخلي أورشليم تعمم بالبهجة وناسها غيرحو. وأنا غنفرح بأورشليم وغنفرح بالشعب ديالي وماعمر مازال يكون وسطهم لا بكا ولا غوات" (إشعيا 65: 17-19).

والنبي كيقول بلي في داك النهار:

"الناس ماغاديينش يفسدو ويدنبو في الجبل ديال القُدس دياي حيت  
الأرض غتعمر بالمعرفة ديال الرب كيما البحر عامر بالما" (إشعيا 11:  
9).

مَلِّي كنت صغير فكّرت بَلِّي المصير ديال المؤمن هو يعيش الحياة الأبدية  
وهو في واحد الاجتماع روحي -بلا جسد-، بحال شي اجتماع أبدي ديال كنيسة.  
ديك الفكرة كتخوّف، وحتّى خاطئة. الله بغا يخلق للشعب دياه عالم جديد  
مافيهش الذنوب والموت والأمراض. الحرب ماغتبقاش، والضُّلم ماغيبقاش،  
والله غيسكن مع الشعب دياه للأبد. وحتّى واحد من شعب الله ماغيدوز من  
الموت عوتاني، والدموع ماعمرهم مازال ينزلو من عينينا. ماغنتوحشوش بلادنا  
مازال. حيت كيما كيقول لينا يوحنا في الرؤيا دياه، الله براسه غادي يمسح كل  
دمعة من عيوننا، وغاديين نشوفو وجهه أخيرًا!

شنو رأيك في كل هادشي اللّي سمعته؟ كنضن بَلِّي مستحيل ماتقولش: أجي  
دغية يا ربي يسوع! ديما كنتعجب مَلِّي كنشوف ناس كيهدر على هاد الوعود-  
السما الجديدة والأرض الجديدة، المدينة السماوية اللّي ماعمر يدخل ليها الشّر،  
العالم اللّي ماغيكونش فيه الموت والحرب والضُّلم، شعب الله غيعيشو فرحانين  
قدّام الله ديما- ومن بعد هاد الناس كيقبلو في هاد الوعود وكيقولو: "واخّ، خاصنا  
نخدمو باش نحققو هادشي!"

في الحقيقة راه حنا البشر ماعمرنا غنقدرو نأسسو أولا نكملو المملكة ديال  
الله. واخا نديرو مجهودات صادقين ومزيانين بان يكون العالم ديانا حسن، راه  
المملكة ديال الله اللّي واعدنا بيها غتجي غير مَلِّي يرجع المسيح الملك براسه  
باش يحقّق هاد الوعود.

خاصنا ديما نتفكرو هاد الحاجة المهمة بسباب جوج أمور على الأقل: أولاً، هاد الحق كيحمينا من التفاؤل الخاطئ والمُخادع ديال أننا نقدرود نديرو أمور مزيانة من أجل العالم اللي غادي للهلاك. أكيد أن المؤمنين غيقدرود يأترو في العالم ويحققو بعض التغييرات في المجتمع، وراه هادشي ديجا وقع في التاريخ، وماعنديش أي شك بلي هادشي مازال كيوقع حتى في هاد العصر ديالنا، كيما مازال غيوقع في المستقبل. المؤمنين هما قادرين يديرو التغيير ودارو تغييرات مزيانين في العالم- تغيير كيرجع المجد لله وليسوع المسيح قدام العالم.

ولكن كنضن بلي وحننا كنعقروا القصة ديال الكتاب المقدس، مانقدروش مانعترافوش بلي الانتصارات ديالنا الاجتماعية والثقافية كييقاود ديما ضعاف وماكيدوموش، وهادشي غيبقى حق حتى نهار يرجع المسيح. المؤمنين ماغيقدرود يكملو ويأسسو مملكة الله، الله بوحدته اللي قادر باش يحقق ويكمل المملكة دياله. أورشليم السماوية غتنزل من السماء، وماغاديش تبنا من الو.

تانياً، الحاجة اللي مهمة كتر من هادشي، هي أننا ملي كنفهمو بلي مملكة الله غادي تكمل غير ملي يرجع المسيح، هادشي كيخلينا نبنو الرجاء ديالنا والأحاسيس ديالنا على يسوع براسه. عوض نقلبو على القوة والأنشطة البشرية أولاً على السلطة البشرية أولاً حتى على مجهودنا باش نصلحو كلشي في هاد العالم، خاصنا نشوفو في السما ونطلبو من الله كيما دار الرسول يوحنا ونقلو معاه: "آمين، أجي الرب يسوع"، هاكدا غنكونو مشتاقين كتر باش يرجع المسيح، والحماس ديال صلواتنا غيزيد، ومحبتنا ليه غتكبر. بكل إختصار، الرغبات ديالنا والرجاء ديالنا غيكونو تابطين ومبنيين بشكل صحيح على الملك ديال المملكة، وماشي على المملكة بنفسها.

## الإستجابة ديالنا للملِك

رابعاً، الدخول ديالنا لمملكة الله كيعتماد على الجواب والإستجابة ديال الإنسان للملِك. ويسوع كان واضح بزّاف في هاد النقطة. ديما كان كيعتابر الجواب والإستجابة ديال الشخص للدعوة والرسالة دياله هو الحاجة الرئيسية اللي كتورّي واش هاد الشخص دخل في مملكة الله أولاً. متلاً في قصة الشاب الغني اللي سؤل يسوع وقال: "أشئو اللي يمكّن لي نديز باش نُورث الحياة الدائمة؟" وفي الأخير المسيح جاوبه وقال ليه: "تُبغني"، بالنسبة لداك الشاب هادشي كان كيعني بلي خاصّه مايقاش يتيق في التروة دياله، وكان خاصّه يأمن بالمسيح (مرقس 10: 17، 21).

ديما المسيح كان كيقول بلي الله غادي يدير خط كيفصل بين الناس- خط كيفرق بين الناس اللي نجاو والناس اللي ماخداوش النجا. والحاجة الوحيدة اللي غادي تدير الفرق بين هاد الجوج مجموعات هي كيفاش هما غادي يتجاوبو مع يسوع الملِك. هادا هو الهدف من القصة ديال الخرفان والمعيز في متى 25. في النهاية، راه الفرق بين "أجيو" و "بعديو متي" هي كيفاش كيستاجب كل شخص للدعوة ديال المسيح ملي كيسمع الرسالة ديال الإنجيل من "خوته"، يعني الشعب دياله.

وأكيد راه الحاجة اللّولى اللي كتخلّينا نكونو جزء من شعب يسوع، هو الموت دياله على الصليب من أجلنا. وهادي هي الحاجة العجيبة في يسوع، وماشي غير أنه هو ملِك وهو اللي أسس المملكة ديال المحبة والرحمة. بالحق هادي هي الحاجة العجيبة، كل يهودي عارف الكتاب كان كيعرف بلي هادشي كان غيوقع شي نهار، ولكن الحاجة العجيبة في البشارة ديال يسوع هي أن الملِك مات باش ينجي الشعب دياله، والمسيح ولى هو المسيح المصلوب.

لمدة قرون كانوا اليهود كيتستأو وكيترجأو المجيء ديال المَلِك المسيح باش  
ينجّيهم. وكانو كيتستأو يجي عبد الرب اللّي غيتألّم (اللّي تنبأ بيه النبي إشعياء)،  
وحقّي كانوا عندهم توقّعات غامضين على "ولد الإنسان" الإلهي اللّي غيبان في  
النهاية ديال الزمان (كيما علّم النبي دانيال). ولكن الحاجة اللّي مافهموهاش  
مزيان هي أنّ هاد الثلاثة ديال الشخصيات هما في الحقيقة ديال شخص واحد!  
حتّى إنسان ماكان قادر يجمع هاد الشخصيات فيه بوحده، حتّى نهار جا يسوع  
المسيح.

ولكن يسوع علن على نفسه ماشي غير أنه هو اللّي غادي يحقّق الرجا ديال  
شعب إسرائيل بالمجي دياه بصيفته المسيح (يعني المَلِك)، ولكن هو علن بزّاف  
ديال المرّات على أنه هو "ولد الإنسان" الإلهي اللّي هدر عليه النبي دانيال في  
كتاب دانيال الفصل 7. وزيد على هادشي راه يسوع براسه هدر على ولد الإنسان  
اللّي جا باش "يُخَدَمُ وَيُقَدِّمُ بُرْأَفَ ذُ النَّاسِ بُحَيَاتُهُ" (مرقس 10: 45). وهادشي  
كيوزينا بلا أي شك بلّي المسيح هو عبد الرب اللّي غيتعدّب واللّي هدر عليه النبي  
إشعياء في النبوءة دياه في إشعياء 53: 10.

فهمتي شنو بغا المسيح يعلن لينا بهاد الكلام؟ كان كيقول بلّي هو براسه اللّي  
حقّق كل هاد الأدوار في نفس الوقت: المسيح اللّي كان غيجي من العائلة ديال  
داوود، وعبد الرب المتألّم اللّي تنبأ بيه النبي إشعياء، و ولد الإنسان اللّي تنبأ بيه  
النبي دانيال. يسوع خدا الطبيعة الإلهية ديال ولد الإنسان وزاها على الألام ديال  
العبد اللّي هز على كتافه من أجل البشر، وفي الأخير جمع كلشي مع الصفة دياه  
كالمسيح اللّي كينجّي. ومع الوقت، المسيح جمع كل الرجا ديال الشعب  
اليهودي، وكان هاد المَلِك هو كتر من غير واحد المَلِك أرضي كان جاي باش يدير  
شي تورة سياسية كيما كانوا بغاوا اليهود. هو كان مَلِك وخادم إلهي، جا باش يتعدّب  
ويموت من أجل الشعب دياه باش ينجّيهم، ويخلّيهم يكونو متبرزين قدام الأب  
دياله، وباش يجيبهم للمملكة دياه في المجد.

ماشي غريب أن المسيح خلى الدخول للمملكة دياه يكون كيعتمد غير على أساس التوبة ديال الشخص من الذنوب دياه، والتيقية ديال هاد الشخص بالمسيح والعمل اللي دار باش يكفر على دنوبنا بالموت دياه فوق الصليب. ملي هدر لينا المسيح على "إنجيل المملكة" ماكانش الهدف هو يقول لينا بلي المملكة جاية قريب، ولكن باش يعلن لينا بلي المملكة جات وتقدرو تدخلو فيها إلا تآحدثو معايا، أنا هو المَلِك، إلا أمنتى بلي أنا بوحدى اللي نقدر ننجيك من دنوبك تقدر تدخل معايا.

هادشي علاش أنك تكون في المملكة ديال المسيح، هي ماشي غير أنك "تعيش حياة المملكة" أولا أنك "تتبع المِثال ديال المسيح" أولا أنك "تعيش كيما عاش المسيح". في الحقيقة، أي شخص يقدر يقول بلي هو "كيتبع المسيح" أولا "كيعيش حياة المملكة" وفي نفس الوقت هو خارج المملكة. تقدر تعيش الحياة اللي عاشها المسيح، ولكن إلا ماجيتيش لعند المَلِك المصلوب بالتوبة والإيمان، وتتوكل عليه وتعتمد عليه بوحدو وتعتابره هو الدبيحة الكاملة من أجل الذنوب ديالك، وهو الرجاء ديالك الوحيد باش تنجا، فراك ماغاديش تكون مؤمن حقيقي وماغتكونش مواطن في المملكة دياه.

الطريقة اللي من خلالها نقدرودخلو في المملكة ديال المسيح هي أننا نجيو لعند المَلِك، ماشي غير على أساس أنه قُدوة عظيمة كيعلّمنا كيفاش نعيشو بطريقة أحسن، ولكن باش نجيو لعنده بتواضع وحنًا تايقين بلي هو الرب المصلوب اللي تبعت من الموت واللي بوحدو يقدر يحزّرنّا من العقوبة ديال الموت. في النهاية، راه الطريق الوحيد باش ندخلو للمملكة هو الدم ديال المَلِك.

## دعوة باش نعيشو حياة من أجل المَلِك

خامسًا، باش تكون في المملكة، يعني أنك مدعو باش تعيش الحياة حسب المملكة. في رسالة رومية الفصل 6، الرسول بولس كيطلب من المؤمنين باش يعترفو بلي هما نجاو من السلطان ديال الدنوب ودخلو في مملكة الله.

"وَبِالْمَعْمُودِيَّةِ تَدْفَنَّا مَعَهُ وَشَارَكْنَاهُ فَأَلْمُوتَ ذِيَالَهُ، بَاشْ كَمَا تَبْعَتْ  
الْمَسِيحُ مِنَ الْمَوْتِ بِالْعَزْزِ ذِيَالِ الْآبِ، هَكَأ نَحْيَاوُ حَتَّى حَنَا حَيَاةً  
جَدِيدَةً. كُولُوسِي حَيْثُ إِلَّا كُنَّا مُتَّاحِدِينَ مَعَهُ فَأَلْمُوتَ اللَّيِّ كَدَشْبَهُ  
لِلْمَوْتِ ذِيَالَهُ، رَاهُ هَكَأ عَنُوتُوكُنَّا مُتَّاحِدِينَ مَعَهُ حَتَّى فَالْبَعَثَ ذِيَالَهُ. وَحَنَا  
كَنُتَعَرَّفُو بِلِّي الطَّبِيعَةَ الْقَدِيمَةَ اللَّيِّ فِينَا تَصَلَبَاتٌ مَعَ الْمَسِيحِ، بَاشْ تُحَيِّدُ  
سُلْطَةَ الدُّنُوبِ اللَّيِّ فَالْدَّاتِ ذِيَالِنَا وَمَا نُبْقَاوْشْ عَبِيدَ لِيهَا. حَيْثُ اللَّيِّ  
مَاتَ رَاهُ تُحَرَّرْ مِنْ الدُّنُوبِ. وَإِلَّا مِثْنًا مَعَ الْمَسِيحِ رَاهُ كُنَّا مُتَّاحِدِينَ مَعَ نَحْيَاوُ  
مَعَهُ. وَحَنَا عَارَفِينْ بِلِّي الْمَسِيحِ تَبْعَتْ مِنْ بَيْنِ الْمَوْتَى وَمَا عَادِيشْ يَمُوتُ  
مَرَّةً خُرَى، وَمَا عَنُوتُوكُنَّا عِنْدَ الْمَوْتِ قُوَّةً عَلَيْهِ مِنْ بَعْدِ. حَيْثُ مَلِّي  
مَاتَ، مَاتَ مَرَّةً وَحَدَّةً عَلَى وَدِّ الدُّنُوبِ، وَلَكِنْ ذَابَا هُوَ حَيٌّ، وَالْحَيَاةُ اللَّيِّ  
كَيَعِيشُهَا، كَيَعِيشُهَا لِلَّهِ. وَهَكَأ حَتَّى نُنْتَمِ، حَسْبُو رَاسِكُمْ مِثْتِينْ مِنْ جِهَةِ  
الدُّنُوبِ، وَلَكِنْ حَيِّينْ لِلَّهِ فَالْمَسِيحِ يَسُوعُ" (رومية 6: 4-11)

ملِّي كندخلو في مملكة الله بالإيمان، الروح القدس كيعطينا حياة جديدة.  
كنوتليو مواطنين ديال مملكة جديدة، ورعايا وأتباع ديال مَلِك جديد. وهاكدا  
كيوآي عندنا إلزام ومسؤولية جديدة باش نطيعو داك المَلِك، وباش نعيشو  
بطريقة كتمجده وكتشرفه. هادشي علاش كيقول الرسول بولس:

"وَمَا نَحْلِيوْشِ الدُّنُوبِ يُتَحَكَّمُو فَالْدَّاتِ ذِيَالِكُمْ الْفَانِيَّةِ وَتُبْعُوهَا  
فَالشَّهَوَاتِ ذِيَالِهَا. وَمَا تَقْدُمُوشِ الدَّاتِ ذِيَالِكُمْ لِلدُّنُوبِ بَاشْ نُدِيرُ الْإِتْمَ،

وَلَكِنْ قَدُمُوا الدَّاتِ دَيَالِكُمْ لِلَّهِ بَاشْ تَدِيرِ اللَّيْ كِيرِضِيهْ، حَيْثُ رَاكُمُ حَيِّيْنِ  
وَتُبْعَتُو مِنْ بَيْنِ الْمُؤْتَى " (رومية 6: 12-13)

وراه حنا الشعب ديال الله غاديين نبقاو عايشين في هاد العالم العامر  
بالدنوب حتى لنهار يرجع المسيح. والمسيح المَلِكِ ديانا بغانا نعيشو حياة كتليق  
بالممكة اللِّي دعانا ليها. "وُنْصَحْنَاكُم، وَشَجَعْنَاكُم، وَرَعَبْنَاكُم بَاشْ تُعِيشُوا كَيْفَ  
كَيْبِييِ اللّٰهُ اللّٰهُ اللّٰهُ عَيْطُ لِيكُم بَاشْ تُشَارِكُوا فَمَمْلَكْتَهُ وَالْعَزُّ دَيَالَهُ " (1 تسالونيكي 2:  
12). "بَاشْ تُكُونُوا بَلَا لَوْمَ وَنُقَيِّينِ. وَتُكُونُوا وِلَادَ اللّٰهُ، مَا فِيكُم حَتَّى عَيْبَ فَوْسَطِ  
جِيلِ حَيَاتِهِ فَاسَدَةَ، وَتُصَوِّبُوا وَسَطَ النَّاسِ بُحَالِ الصُّوِّ فَالِدُنْيَا" (فيلبي 2: 15).  
واخا الإنسان يعيش حياة كتليق بالمملكة، هادشي ماكيعينش أنه دخل في  
المملكة وخدا النجا، ولكن بالإيمان بالمَلِكِ نقدرو ندخلو في هاد المملكة، وتما  
كيكون عندنا مولانا جديد، وشريعة جديدة، وعهد جديد وحياة جديدة- وهادشي  
هو اللِّي غيخلىنا نعيشو الحياة حسب المملكة ديال الله.

الكتاب المقدس كيقول لينا بلِّي حياة المملكة كتتحقق في الأوّل في الكنيسة.  
واش فكّرتي في هادشي قبل؟ الكنيسة هي البلاصة فين كتبان المملكة ديال الله  
بشكل واضح في هاد العالم. كنعقرو في أفسس 3: 10-11:

"وَهَادِشِي بَاشْ بِالْكَنِيْسَةِ تُعْرِفْ دَابَا حُكْمَةَ اللّٰهُ الْمُتَنَوَّعَةَ عِنْدَ الرُّوسَا  
وَالْفَوَاتِ اللَّيْ فَالْسَمَا، عَلَى حَسَابِ الْقُصْدِ الدَّائِمِ اللَّيْ حَقَّقَهُ اللّٰهُ  
فَالْمَسِيحُ يَسُوعَ رَبَّنَا"

راه الكنيسة هي البلاصة اللِّي ختارها الله في كل العالم باش بيين الحكمة ديانه  
والعز أولا المجد ديال الإنجيل. وكيفا قالو بزّاف ديال الناس قبل: الكنيسة هي  
المركز ديال مملكة الله في هاد العالم. راه ماشي صحيح نقولو بلِّي الكنيسة هي

مملكة الله. كيما شفنا قبل، مملكة الله هي كتر من هادشي. ولكن صحيح وحق باش نقولو بلّي الكنيسة هي البلاصة اللّي فيها كنشوفو مملكة الله في هاد العالم.

واش بغيتي تشوف كيفاش دايرة المملكة ديال الله على الأقل قبل ماتكمل؟ واش بغيتي تشوف كيفاش يقدر الإنسان يعيش حياة المملكة في هاد الزمان؟ شوف في الكنيسة. راه فيها كتبان الحكمة ديال الله، هي البلاصة فين الناس اللّي كانوا قبل معزولين ومنفّيين، دابا ولّو متصالحين ومتّاحدين مع الله بسباب المسيح. وتمّا الروح القدس كيخدم باش يعاود يخلق الحياة ديال الإنسان وينيهها. هي البلاصة فين الناس كيتعلّمو يحبّو بعضياتهم، ويصبرو مع بعضياتهم، ويعزّيو بعضياتهم، ويبكيو مع بعضياتهم وحتى يفرحو مع بعضياتهم، ويحاسبو بعضياتهم بمحبة من أجل الخير ديالهم. بلا شك راه الكنيسة ماشي كاملة ومِتالية، ولكن راه هي البلاصة فين نقدر نعيشو حياة المملكة باش هاد المملكة تبان في عالم محتاج للنجا ديال الله بقوة.

## نزيدو لقدام وسط الضلام

راه إحتياج العالم القوي للنجا هو اللّي كيخلي العيش ديالنا كمواطنين ديال مملكة الله في هاد العالم يكون صعب. العالم كيشوف أن المؤمنين بالمسيح هما تهديد ليهم، وهادي حاجة قديمة ومازال كيانه. كان الإعلان ديال أن "يسوع هو الرب" كيحرّض على الفتنة والتجديف ورفض للسلطان ديال الإمبراطور، وبزّاف ديال المسيحيين تقتلو حيث علنو وعتارفو بهاد الحق. أما اليوم فراه هاد الإعلان ديال "يسوع هو الرب" كيتعتبر تعصّب وعنصرية ضد الإختلاف والتعدّد، والعالم كياعرنا بسباب هادشي.

الكتاب المقدّس ماكيقولش لينا بلّي الحياة ديال المملكة – يعني نعيشو ديما مُخلصين للملك- غتكون حاجة ساهلة. المسيح علن للتلامد دياله بلّي العالم

غادي يضطاهدهم، والناس غادي يلعنوهم ويعايروهم، وحتى غادين يتقتلو. ولكن وسط كل هادشي، حنا المؤمنين غادي نستمر ونزيدو لقدام حيت حنا كنعرفو بلي قدام الله عندنا ورت مانقدروش نتخيلوه.

في الكتاب الأخير من السلسلة ديال كُتِب "السيد ديال الخواتم" اللي كتبهم چاي. أر. أر. تولكين (J. R. R. Tolkien)، الكاتب هدر على كيفاش الأبطال ديال القصة وصلو لأصعب جزء من الرحلة ديالهم. سافرو مسافة طويلة وأخيرًا وصلو للأرض ديال الشر اللي كانت هي الوجهة ديالهم. ولكن كلشي كان خارج على السيطرة حيت بزاف ديال الحوايج وقعو. ولكن في ديك اللحضة الصعبة، واحد من الأبطال سميته سام شاف في السما اللي كانت مضلمة وكحلة. والكاتب كتب هاد الكلام:

"تمًا بعيد فوق الجبال في الغرب. مازال السما ديال الليل مضلمة وكحلة. تمًا، وسط الغمام وفق واحد الجبل عالي ومضلم وسط الجبال، سام شاف نجمة بيضة ضوآت شوية ديال الوقت. وهو كان كيتمّي يخرج من ديك الأرض الخربة، الجمال ديال ديك النجمة ختارق قلبه ورجع الرجا ليه. وبحال النبلة، واحد الفكرة واضحة ختارقات عقله: كايئة واحد الحاجة صغيرة في النهاية ديال الشر- كان واحد النور دايم زوين وعجيب مايمكنش نتخيلوه".

كانت هاد اللحضة من اللحضات المفضلين ديالي في هاد الرواية. في هاد اللحضة الكاتب اللي كان أمن بالمسيح، وجه التركيز ديالنا للبلاصة اللي عطت للأبطال الشجاعة باش يزيدو يكملو وسط الضلام. من هنا كيحي الرجا ديالنا: منين كنعرفو أن الألام ديال هاد الزمان هما غير دايزين وضعاف. وكيفا قال الرسول بولس، راه هاد الألام هما حتى حاجة إلا قارتاهم مع المجد اللي الله غيعطينا نهار يرجع الملك ديالنا.

## الفصل 7:

# نخليو الإنجيل في المركز

في الكتاب ديال "سياحة المسيحي" اللي كيهدر على رحلة الإيمان ديال المؤمن المسيحي، هاد الكتاب كتبو چون بانيان (John Bunyan)، وفيه كنشوفو أن بطل القصة اللي هو المسيحي (Christian)، في واحد المرحلة لقا راسه كيهدر مع جوج ديال الناس غامضين، واحد سميته "المضاهِر" ولاخر سميته "المُنافِق". وهاد الأشخاص بجوج كانوا متأكدين بلي كانوا غادين للمدينة السماوية، وكانو واتقين بلي غادي يوصلو حيت بزّاف ديال الناس من الدوّار ديالهم دازو من ديك الطريق قبل منّهم.

بلا شك راه السميات ديال هاد جوج أشخاص "المضاهِر" و "المُنافِق" كيوريو لينا بلي هما ماغادينش يوصلو للمدينة السماوية.

في المرّة اللّولى ملي شاف المسيحي هاد الجوج، كانوا كينقزو من فوق السور اللي ضاير بالطريق المضيق اللي كان غادي فيه. وتمّا شاف بلي كين شي مُشكل، حيت كان عارف بلي الطريقة الشرعية الوحيدة باش واحد الإنسان يدخل في داك الطريق المضيق هو أنه يدخل من الباب الصغير، واللي في ديك القصة الباب كيرمز للتوبة والإيمان بالمسيح المصلوب.

المسيحي ماكانش خايف يدخل في الموضوع بطريقة مباشرة، وهدر معاهم نيشان وقال: "علاش مادخلتوش من الباب؟" ودغية بداو كيشرحو ليه بجوج

كيفاش أن الناس ديال الدوّار دياهم كان كيفكرو بليّ الباب بعيد بزّاف، وهادشي علاش قرّرو هادي مدة طويلة باش "يمشيو في الطريق المختصرة". وقالو ليه:

"علاش مهمة الطريقة اللي وصلنا بيها لهنّا مادمنّا وصلنا؟ المهم هو أنّنا وصلنا. نت هنا في الطريق، ووصلتي لهنّا حيت دخلتي من الباب، وحنّا هنا في الطريق حيت نقّرّنا الصوّر باش نوصلو. علاش كتفكّر أنّك حسن منّا؟"

وتّمّا المسيحي حدّرهّم بجوج بليّ مول المدينة عطا أمر كيفقول بليّ الطريق الوحيد باش نوصلو للمدينة هو أنّنا ندخلو للطريق المضيق من الباب. وورّاهم واحد الورقة مطوية كان خداها مليّ دخل من الباب، وخاصه يورّي ديك الورقة مليّ يوصل للباب ديال المدينة باش يدخل. وقال ليهّم المسيحي: "كنضن ما عندكمش هاد الورقة، حيت مادخلتوش من الباب".

الكاتب بغا يبيّن بليّ الطريق الوحيد للنجاة هو أنّنا ندخلو من الباب الصغير- الليّ هو التوبة والإيمان. ماشي كافي أنّنا غير نقّرّو ونحاولو ندخلو من خلال الطريق ديال الحياة المسيحية الصالحة. إلا مادخلش الشخص من خلال داك الباب ديال التوبة والإيمان، فراه ماشي مسيحي حقيقي.

## بشارة إنجيل كبيرة وكتواملنا كتر؟

القصة الليّ حاول جون بانيان (John Bunyan) يأكّد عليها هي قصّة قديمة وفكرة قديمة. من القديم البشر حاولو يوصلو لله وياخدو النجا بطرّق كتبان منطقيّة ليهّم، عوض يسمعو لله ويطيعوه. الناس حاولو يكتاشفو كيفاش يوصلو لعند الله وينجاو، وكيفاش يعيشو البشارة ديال الإنجيل ولكن بطريقة مختلفة

وماشي من خلال الدخول من الباب الصغير، يعني بعيد من الصليب ديال يسوع المسيح.

ونفس الحاجة في هاد العصر ديالنا. أنا كنضن بلّي واحد من أخطر الأمور الّلي كوايجها الجسد ديال المسيح (المؤمنين في الكنيسة) اليوم هو أن المؤمن يقدر يغزو العالم باش يعاود يفكر في البشارة ديال الإنجيل ويعاود يبنيها بطريقة ممكن تخلي هاد البشارة مركزة على شي حاجة خرا عوض تكون مركزة على الموت ديال المسيح فوق الصليب في بلاصة المُدنيين.

كاين ضغط كبير على المؤمنين اليوم باش يديرو هادشي، وهاد الضغط كييجي من كل جبهة. ولكن المصدر الرئيسي ديال هاد الضغط هو واحد الفكرة الّلي غادية وكتنتشر والّلي كتقول أن البشارة ديال عُفران الذنوب بالموت ديال المسيح ماشي كافية، هاد البشارة ماكتعالجش مواضيع كبيرة بحال الحرب والإضطهاد والفقر والضلم، وهي ماشي مهمة لهاد الدرجة ملي كنهذرو على المشاكل الواقعية في هاد العالم.

كنضن بلّي هاد التهمة ماشي صحيحة. كل هاد المشاكل هما جاتين من الجدر الّلي هو الذنوب. وماشي صحيح نفكرو بلّي نقدر نعالجها هاد المشاكل إلا جتاهدنا كتر وركزنا كتر باش نعيشو بحال الحياة الّلي عاشها المسيح. لآ، راه الصليب بوحده هو الّلي يقدر يواجه الذنوب ويغلبهم للأبد، وغير بالصليب بوحده البشر يقدرود يدخلو للمملكة الكاملة ديال الله.

وواخا هاكداك، كيبان بلّي الضغط باش الناس يلقاو إنجيل "أكبر" و "كافي" سيطر على بزاف ديال الناس. بزاف ديال المرات، وفي كتاب مورا كتاب ولينا كنشوفو شرح للبشارة ديال الإنجيل فين الصليب هو حاجة ثانوية. وفي بلاصته كنعلقو إعلانات كيبينو أن المركز ديال البشارة ديال الإنجيل هو أن الله كيغيّر

العالم، وأنه كيواعدنا بلّي المملكة غتصلح كل الأمور، أولا أن الله بغا متّا باش نديرو يدينا في يده ونخدمو حتى حنا معاه باش نغيرو الثقافة ديالنا. واخا يتغيرو التفاصيل شوية، راه النتيجة غتبقا ديما هي أن الناس كيبدوو يهمشو الموت ديال المسيح في بلاصة المُدنيين، أولا كيبدوو يعتابروه غير شي فرضية أولا حتى كيتجاهلوه.

## تلاتة ديال البشارات ختارعهم العالم

كيبان أن الإنحراف والخروج من المركزية ديال الصليب كيوقع بين المؤمنين الإنجيليين بطريقة ماشي ديما ساهل نشوفوها، بطرق مختلفة. مؤخرًا بانو بعض البشارات اللي الناس كيفكرو أنهم "كبر وحسن"، وكيبان بلّي بزّاف ديال الناس كيتبعو هاد البشارات أولا الأناجيل اللي ماشي حقيقية. ولكن مادام هاد البشارات "الكبار" كيحظو في القلب ديالهم حاجة خرا من غير الصليب، فراه أكيد هما ماشي بشارة ديال الإنجيل كاع. نعطيكم تلاتة ديال الأمثلة على هاد البشارات.

## الإعلان أن "يسوع المسيح هو الرب" ماشي بشارة ديال الإنجيل

أشهر هاد البشارات، هي البشارة أولا الإنجيل اللي غير كيقول أن "المسيح هو الرب". وبحال البرّاح ديال الملك ملي كيدخل للمدينة وكيعلن بلّي "القيصر هو الحاكم"، هاكدا خاص المسيحيين يبرحو ويعلنو البشارة ويعلنو أن المسيح هو الحاكم، وهو خدام باش يصلح العالم مع نفسه، ويخلي هاد العالم تحت الحكم دياله.

بلا شك راه هاد الإعلان هو صحيح وحق زوين بزّاف. وهو حاجة أساسية ورئيسية في الرسالة ديال الإنجيل. هادشي علاش قال بولس في رومية 10: 9 بلّي أي واحد كييعتارف بلّي "يسوع هو الرب" غادي ينجا، وكيفا كيقول عوتاني

الرسول في 1 كورنتوس 12: 3 "ما كائش شي حد يُقدَر يُكول: يَسوعُ هُوَ رَبِّ، مَنْ غَيْرُ بِالرُّوحِ الْقُدُسِّ".

الحاجة الّتي ماشي صحيحة في هاد الحالة هي إلاقنا بلي الإعلان ديال أنّ "المسيح هو الرب"، هو المضمون والمركز ديال البشارة ديال المسيح. شفنا قبل كيفاش أنّ المسيحيين اللّولين هدرّو على أمور خرا مهمة كل مرّة علنو البشارة ديال الإنجيل. بالصّح كنشوفو بلي في أعمال الرسل في الفصل الثاني، كان الرسول بطرس وعض وقال: "خَاصُّ كَأَعِ شَعْبِ إِسْرَائِيلَ يُعَزِّفُو وَيُثَبِّتُونُو بَلِي اللّهُ دَارَ يَسوعُ هَادَا اللّهُ نُنْتَمِ صَلْبَتُونُو، رَبِّ وَمَسِيحِ" (الآية 36). ولكن قبل هاد الكلام وحتّى من بعده كنعلموا وتوضيح وشرح كامل على شنو يعني أنّ المسيح هو فوق كلشي. هاد الحق كييعني أنّ الرب المسيح تصلب وتدفن وتبعث من الموت وحتّى كييعني أنّ الموت ديواله والقيامة ديواله في المقام اللّول حَقَّقُو وجابو "المغفرة ديال الدنوب" من أجل الناس الّتي غيتوبو ويأمنو. الرسول بطرس ماوقفش عند الحق ديال أنّ المسيح هو الرب وكتافا بهاد الكلام، ولكن حتّى علن أنّ هاد الرب دار واحد الخدمة مهمة عوض الشعب ديواله باش ينجيهم من الغضب ديال الله ضد الدنوب ديوالهم.

دابا خاص يكون واضح لينا بلي الإعلان الّتي كيقول أنّ "يسوع هو الرب" بوحده هو ماشي البشارة الكاملة، إلا ماوضّحناش بلي راه المسيح هو الرب وحتّى المُنجّي، راه كتكون البشارة ناقصة. السيادة أولا صفة الرّب كتعني الحق في إصدار الأحكام، وسبق لينا شفنا أنّ الله غادي يدين الشر ويحكم عليه. هادشي علاش راه الإعلان بأن يسوع المسيح هو الرب، هو إعلان كيتعتابر قوي وكيوخوف المُدنيين المتمردين على الله والمسيح ديواله، حيث هادشي كييعني أنّ العدو ديوالك هو غالس على الكرسي ديال الحُكم، وغادي يحكم على التمرّد ديوالك.

باش يكون الخبر مُفرح ومُبشّر وماشي كيخلع، خاص يكون فيه إعلان على الطريقة اللي بيها الله غيغفر الذنوب ديالك، الطريقة اللي بيها غادي تتصالح مع الرب والإله ديال الكون. وراه هادشي بالضبط هو اللي كنشوفوه في العهد الجديد- ماشي غير إعلان على أن يسوع هو الرب، ولكن حتى أن هاد الرب تصلب باش المُدنيين الخُطاة ياخذو العُفران ويكون عندهم الفرح والدخول للمملكة اللي جاية قريب. بلا هاد الحق، راه إلا كان عندنا غير الإعلان بلي "يسوع هو الرب" بوحده، كون كان هادا حُكم بالموت على كل الناس.

### "الخلق- الذنوب- الفداء- الإكمال" ماشي بشارة ديال الإنجيل

بَرّاف ديال المؤمنين كيختاصرو القصة ديال الكتاب المقدّس في ربعة ديال الكلمات: الخلق، الذنوب، الفداء، الإكمال.

في الحقيقة، هاد الكلام هو طريقة مزيانة باش نلخصو القصة الرئيسية ديال الكتاب المقدّس. الله خلق العالم، الإنسان طاح في الذنوب، الله فدا الشعب دياله بيسوع المسيح، وفي الأخير كيسالي التاريخ بالإكمال النهائي ديال مملكة الله. من التكوين حتى لرؤيا يوحنا، هادي طريقة مزيانة باش نتفكرو القصة الرئيسية ديال الكتاب المقدّس. في الحقيقة راه إلا فهمتي هاد النُقط مزيان وعبرتي عليهم بطريقة صحيحة، راه غادي تلقا أن الخلق والذنوب والفداء والإكمال ديال المملكة هما الشرح والتفسير الأمين للبشارة ديال الإنجيل اللي كيعلّمنّا الكتاب المقدّس. ولكن المشكلة هي أن بعض الناس كيستعملو هاد النُقط بطريقة غلط، وكيويّي التركيز ديال البشارة على وعد الله بواحد العالم جديد، وماشي على الصليب. بَرّاف ديال المَرّات كنشوفو البشارة اللي كتعتمد على هاد النُقط على هاد الشكل:

في البداية الله خلق العالم وكل حاجة فيه، وكان كلشي في اللؤلؤ مزيان ونقي، ولكن الإنسان تمرد على الحكم ديال الله، وهادشي خلى الفوضى تدخل للعالم. وتما تقطعات العلاقة بين البشر والله، وحتى العلاقات بين البشر وعلاقتهم مع العالم ديالهم تهرسو كلهم. ولكن من بعد الإنسان طاح في الدنوب، الله واعد بلّي غادي يصيفط واحد المليك اللّي غادي يفدي الشعب دياله ويصالح الله والإنسان عوتاني. وهاد الوعد بدا كيتحقق بالمجي اللؤلؤ ديال المسيح، ولكن غادي يكمل كلشي ملّي يعاود يرجع المليك.

بلا شك راه كل شي في هاد الكلام هو حق. ولكن ماشي هو البشارة الكاملة ديال الإنجيل. كيما أن الإعلان ديال "يسوع هو الرب" ماشي بشارة إلا ماكانتش في هاد الحق طريقة باش ناخذو العُفران على التمرّد ديالنا. راه حتى الحق ديال أن الله غيدير عالم جديد هو ماشي بشارة ديال الإنجيل إلا ماكانتش شي طريقة باش تقدر تدخل لهاد العالم الجديد.

بالحق راه مزيان نستعملو هاد الطريقة ديال "الخلق، الدنوب، الفداء، والإكتمال ديال المملكة" باش نوضحو ونشرحو البشارة ديال الإنجيل. في الحقيقة الحق ديال "الخلق" و"الدنوب" هما كيتماشوا مع "الله" و"الإنسان". وواخا هكداك مازال كتجي من بعد كلمة "الفداء". باش نعلنو البشارة بطريقة صحيحة، راه خاصنا نشرحو بالتفصيل الموت ديال يسوع والقيامة دياله، وخاصنا نهדרو على الجواب أولا الإستجابة اللّي بغا الله من المُدّنين. إلا قلنا بلّي الله كيفدي الناس وكيجدّد العالم، وبلا مانهدرو على كيفاش الله كيدير هادشي (يعني بالموت والقيامة ديال يسوع)، وبلا مانهدرو على كيفاش يقدر ياخذ الإنسان داك الفداء (يعني يقدر ياخذه بالتوبة من الدنوب وبالإيمان بيسوع)، فراه في هاد الحالة حنا ماعلناش خبار الخير، ماقدّمناش البشارة للناس اللّي

كيسمعونا، تمّا كنكونو غير كنعادو القصبة العامة ديال الكتاب المقدّس،  
وكنخليو الناس المُدنيين يبقاو حارين ومازال كيقلبو على الحل.

## "التحوّل الثقافي" ماشي بشارة ديال الإنجيل

كيبان بلّي الفكرة ديال أننا نشوفو تحوّل في الثقافة من خلال عمل المؤمنين  
هي فكرة سيطرات على العقول ديال بزّاف د الإنجيليين. كنضن أن هادا هدف  
مزيان، ولكن حتّى كنضن بلّي هاد الجهد اللّي كنديره باش نقاومو الشر، سواء  
بشكل فردي أولاً بشكل جماعي، هو هدف جاي من القلب ديال الكتاب  
المقدّس. الرسول بولس كيقول لينا بلّي خاصنا "نُذِيرُو الْخَيْرُ مَعَ النَّاسِ كَامْلِينَ  
وَبِالْخُصُوصِ مَعَ الْخُوثِ الْمُؤْمِنِينَ" (غلاطية 6: 10). وحتّى كيقول لينا المسيح  
بلّي خاصنا نخدمو ونتهلّو في الناس اللّي قراب منّا وحتّى بالناس اللّي ماكنعرفوش  
(لوقا 10: 25-37). وحتّى كيقول لينا في متى 5: 16 "حَلِيوُ النُّورِ ذِيَالِكُمْ يُضَوِّي  
قُدَامَ النَّاسِ، بَاشْ يُشَوِّفُوا الْأَعْمَالَ ذِيَالِكُمْ الْمُرَيَانَةَ وَيُعْطِيُوا الْعُرَى لِبَابِكُمْ اللَّي  
فَالسَّمَاوَاتِ".

ولكن بزّاف ديال الناس اللّي كيحاولو يغيّرو الثقافة اللّي متناشرة، هما كيديرو  
كتر من هادشي. هاد الناس كيتلقاهم كيحاولو يلقاو شي بلاصة في الكتاب  
المقدّس فين الله طلب منّا "نبدّلو الثقافة". متلاً كيقولو بلّي إلاك الله كيحاول  
يعاود يصاوب العالم ويجدّده، فراه حتّى حنا عندنا مسؤولية باش نخدمو معاه  
ونشاركوه في هاد المهمة. خاصنا حتّى حنا نجمعو الياجور والسيمة باش نبنو  
المملكة، وخاصنا نخدمو باش يتحقّق الحُكم دياله في الأحياء ديالنا وفي المُدن  
ديالنا وكل العالم. هاد الناس كيقولو: "خاصنا نديرو داكشي اللّي الله كيدير".

بغيت نزيد نوضّح الأفكار ديالي واحد الشوي. عندي بعض التحفّضات  
الكتابية واللاهوتية على نموذج التحوّل الثقافي. أنا ماكنضنش أن الكتاب المقدّس

كيعطي أولوية للتحوّل الثقافي كما يقولو الناس اللّي كيتبعو هاد المبدأ، وهادشي راجع لبزّاف ديال الأسباب. من واحد الجهة، أنا ماكنضنش أن الوصية الثقافية في التكوين تعطات لشعب الله بوحده، ولكن هي وصية لكل البشر. وحتى ماكنضنش بلّي الإتجاه العام ديال الثقافة البشرية سواء في الكتاب المقدّس أولا في التاريخ هو إتجاه كيديّ لله، ولكن بشكل عام كنشوف أن الإتجاه هو يوم الحساب (قرا رؤيا 17-19). وهاكدا كنشوفو أن التفاؤل ديال الناس اللّي بغاو يبدلو الثقافة ديال العالم هو تفائل غالط، وغادي يفشلو هاد الناس ويعياو في الأخير.

ولكن هاد الحاجة مازال خاضعة لنقاش لاهوتي كبير، وماشي هادا هو التركيز ديال دابا. ولكن كنشوف بلّي بالحق الإنسان المؤمن يقدر يلتزم بتغيير الثقافة ديال العالم، وفي نفس الوقت يلتزم باش يحافظ على الصليب ويخلّيه يبقا في القلب ديال القصة ديال الكتاب المقدّس وديال بشارة الإنجيل. في الأخير، راه الله غادي يستعمل الشعب دياله اللّي فداهم واللّي خداو الغفران باش يديرو هاد التغيير، وهاد الغفران والفداء هما كاينين غير بالصليب ديال المسيح بوحده.

الحاجة الأساسية اللّي شاغلاني، واللّي كنتمّي يتافقو معايا فيها أصدقائي الإنجيليين اللّي كيتبعو فكرة تغيير ثقافة العالم، هي الناس اللّي كيتبعو هاد الفكرة غالباً ماكيعتابروش تغيير الثقافة هو الوعد العظيم والهدف ديال الإنجيل- وأكيد سواء قصدو هادشي أولا لآ، راه هنا الصليب كيخرج من الصورة. نقدرو نشوفو هادشي في بزّاف ديال التعاليم والكُتب، بزّاف منهم كيطلبو من المؤمنين يركزو على تغيير الثقافة ديال العالم. والحاجة اللّي كتشجع هاد الناس هي الفرح والوعد بتقافة مصلوحة عوض العمل اللّي داره المسيح على الصليب. وهاكدا التركيز كيكون هو باش الناس ينضمّو لله في عملية التغيير ديال الثقافة، عوض نشجعو الناس على التوبة والإيمان بالمسيح. راه قصة الكتاب المقدّس كترتكز على موت المسيح في بلاصة البشرية وماشي تجديد العالم والثقافة دياله.

في هاد العملية، النعمة والإيمان ماكيكونوش في الإيمان المسيحي، والدين والتدين السطحي هو اللي كيكون الدين اللي كيقول: "عيش بهاد الطريقة، وراك غادي تغير العالم". هادي ماشي هي المسيحية، هادا غير واحد الإلتزام بالأخلاق والأعمال الصالحة.

## عتره وجهل

في الأخير، ماعرفتش واش الدافع اللي كيخلي الناس يخرجو الصليب من القلب ديال الإنجيل هو حقيقة أن الناس ديال العالم ماكيعجبهمش الصليب. في أحسن حالة، ممكن تلقا ناس كيفكرو أن الصليب هو قصة من الخيال، وفي أسوء حالة، تقدر تلقا الناس كيفكرو أن الصليب هو كدبة متوحشة. هادشي ماخصوش يفاجئنا، راه الرسول بولس سبق ليه هدر لينا على هادشي. هو قال بلي الرسالة ديال الصليب هي بحال شي حجرة كتعتر بزاف ديال الناس وكتكون حماق بالنسبة ليهم.

وزيد على هادشي، حنا بالحق بغينا العالم ينجذب للبشارة ديال الإنجيل، وهادشي كيخلق ضغط على المؤمنين حيث في هاد الحالة المؤمنين كيقلبو على شي طريقة باش يتجنبو الهدرة على "الديانة ديال الصليب اللي عامرة بالدم". حيث بغينا العالم يقبل البشارة ديال الإنجيل وماشي يضحك عليها، أولاً؟

ولكن في الحقيقة راه حنا خاصنا نواجهو هاد المشكل. الرسال ديال الصليب غتبان بحال غير شي كلام حاوي بالنسبة للناس. وغتخلي المؤمنين يبانو بحال هما حماق، وأكد هادشي غيخلي الناس ديال العالم يبعدو من المؤمنين، وغيكوون صعيب باش الناس يشوفو أننا ناس ديال السلام والمحبة. المؤمنين ديما يقدرو يقنعو العالم بلي هما ناس ضريفين ومزيانين، ولكن كيتبدل هادشي ملي كيوصلو للحق ديال أن النجا ممكنة غير بالمسيح المصلوب.

وواخًا هاكداك، راه الكتاب المقدّس كيوضح أنّ الصليب خاصّه يبقا في المركز ديال البشارة وفي القلب ديالها. ومانقدروش نحيدوه من تمّا، ومانقدروش نبدلوه بأيّ حقيقة خرا كيف ماكانت. إلا درنا هادشي فراه حنا غاديين نعطيو للعالم حاجة ماتقدرش تنجّيهم، وهاكدا ديك البشارة ماغتكونش في الحقيقة بشارة ديال الخير عليهم.

الكتاب المقدّس بكل وضوح كيعلّمنا كيفاش خاصنا نتعاملو مع الضغوط اللّي تقدر تخليّ الصليب ديال المسيح يبعّد من البشارة ديال الإنجيل، وكيعلّمنا الكتاب كيفاش نقاومو ونغلبو هاد الضغوط. شوف شنو قال الرسول بولس على هادشي في رسالة كورنتوس اللّولى. هو عرف أنّ الرسالة ديال الصليب في أحسن الأحوال تقدر تبان للناس بحال شي فكرة حمقة، وهو كان كييعرف أنّ الناس غاديين يرفضو البشارة ديال الإنجيل بسباب الحق ديال الصليب، والناس ماغيبغوش يسمعوها، ولكن واخًا كل هادشي، الرسول قال "وَلَكِنْ حَنَا كُنْخَبْرُو بِالْمَسِيحِ اللِّي تُصَلِّبْ... " (1 كورنتوس 1: 23). الرسول بولس كان مركز على حاجة وحدة: "حَيْثُ قَزُرْتُ بَاشْ مَا نُعْرِفْ حَتَّى شَيْ حَاجَةَ بَيْنَاتُكُمْ، مَنْ غَيْرِ يَسُوعَ الْمَسِيحِ اللِّي تُصَلِّبْ " (1 كورنتوس 2: 2). وهو شرح هادشي في الأخير ديال الرسالة ديواله، قال بلّي حقيقة أنّ "المسيح مات على ود الدنوب ديانا حسب الكُتُب" هي ماشي غير شي حقيقة مهمة، ولكن هي الحق كامل.

ولكن شنو نديرو إلا هادشي خلىّ العالم يضحك علينا؟ شنو نديرو إلا الناس تفاعلو مع الإنجيل اللّي مركز على تغيير العالم كتر من الإنجيل اللّي كيركز على موت المسيح على الصليب في بلاصة المُدنيين؟ وشنو نديرو إلا العالم ضحك وستهزئ من الإنجيل اللّي كيعلّم الحق ديال موت المسيح على الصليب؟ قال الرسول بولس: أنا غادي نبشّر بالصليب ديال المسيح ديما حيث أنا عارف بلّي "الْحَمَاقُ دِيَالِ اللّهِ رَاهُ حُكْمَةٌ كَثْرَ مِنْ حُكْمَةِ النَّاسِ" (1 كورنتوس 1: 25).

الرسول بولس جتاهد باش يخلّي الصليب في مركز الإنجيل اللّي كان كيبشّر  
بيه، وحتّى حنا خاصنا نديرو نفس الحاجة. إلا خلّينا أي حاجة خرا تاخذ المركز  
ديال البشارة، راه بحال إلا قلنا: "خلّيني نعاونك تنقّز على داك السور، تيقق بيا.  
ماغادي يوقع ليك والو".

## الفصل 8:

# قوة البشارة ديال الإنجيل

قبل التخرّج ديالي من الكلية، واحد النهار قررت أنا وجوج صحابي عزاز باش نديرو واحد الرحلة من مدينتنا في شرق ولاية تكساس لمنتره ييلووستون الوطني. كانت رحلة زوينة بزّاف، وكانت هاد الرحلة كتعبّر على التغيير اللّي كان كيوقع في الحياة ديالنا وحنا دايزين لمرحلة البلوغ.

تقدرو تتخيلو معايا هادشي. في الرحلة شفنا بزّاف ديال المناظر كلهم جبال وعيون طبيعة ديال لما السخون، وشفنا بزّاف ديال الحيوانات. وواحد النهار في الصباح، قرّنا ندوّزو النهار كلّه كنتمشّاو على رجلينا. وكلنا تآفقنا باش ماناخدوش معانا الخريطة باش نتستمتعو بالمغامرة. بغينا نشوفو فين غادي تاخذنا الطريق. هادشي علاش هزّينا معانا شي مأكلة والتيليفونات ديالنا ودرنا الصيكان على ضهورنا وشدّينا الطريق.

كان الطريق طويل. ومن بعد مدة وحنا كنمشيو بدينا كنضحكو مع بعضياتنا وكنقولو: ها حنا في المنتره ديال ييلووستون، وهو بحال الغابات ديال شرق ولاية تكساس فين كبرنا. الشجر الكبار ديال البلوط كانوا دايرين بينا من كل جهة، ومرة مرة كان كيخصنا تقزو على شي واد صغير في طريقنا. ولكن من بعد ولّينا شوية متوترين، حيث ماكنّا كنشوفو والو تقريبًا.

وفي واحد اللحضة بلا مانالاحضو بلّي شي حاجة تغيّرات، مابقاتش الغابة ولقينا ريوسنا واقفين على الحافة ديال واحد الجرف عميق وكبير: جرف غراند

كانيون. كان تحت ممّا واحد الجرف زوين بزّاف وكبير. ولتحت كان واحد الواد صغير مضوّي بالأشعة ديال الشمس اللّي كانت ضاربة فيه. والطيور كيطيرو تحتنا. والغمام غاديين كيجريو من حدانا تابعين الريح اللّي كان كيضرب في داك الجرف.

في ديك اللّحضة، وأنا ككنشوف في داك المنظر تحت ممّي وكنشوف في السما، حسّيت وستوعبت شحال أنا صغير في الحقيقة. ولأول مرّة في داك النهار سكتنا حنا بتلاتة، وواحد من صحابي بدا كيرنّم:

"رّبّي وسيدي، شحال عضيمة الخليفة ديالك،  
وشحال عضيمة كل حاجة كتخلقها يدك"<sup>1</sup>

واخّا الصوت ديال صاحبي ماكانش زوين بزّاف، ولكن القلب دياله كان صداق. بقينا ممّا مدّة واقفين على الحافة ديال الجرف وكنرتمو وكنسبحو الخالق اللّي خلق ديك التحفة.

### علاش كنغفلو على هاد الحق؟

كنضن أن البشارة ديال الإنجيل غيكون عندها نفس التأثير فينا إلا بالحق وقفنا وفكرنا فيها. فوقاش كانت آخر مرّة وقفتي باش تشوف لفوق وبعيد من التفاصيل ديال الحياة الأرضية، وتتأمل في شنو دار الله من أجلنا من خلال الإنجيل- النعمة دياله الكبيرة اللّي بانّت في الغفران دياله للبشر اللّي تمردو عليه، باش يأسس العرش ديال المسيح في مملكة التقوى الكاملة، وباش يجيب

<sup>1</sup> "شحال نت عظيم"، ستيوارت ك. هاین، 1949؛ مبنية من قصيدة "ياربّي"، كارل ج. بويرج، 1886.

المؤمنين اللّٰي نجاو وتفدّاو بالدم للسمّا الجديدة والأرض الجديدة فين ماكابين  
لا دنوب ولا شر ديمّا وللأبد؟ فوقاش أّخر مزة تأمّلتّي في العضمّة ديال هاد الحق؟

علاش خلّيت الجمال والقوة ديال الإنجيل يبعديو على العقل ديايلى مّدّة  
طويلة؟ علاش الأمور التافهة والخواوية هما اللّٰي كيشغلو الأفكار والأحاسيس  
دياولي، أمور ما عندها أهمية بحال نغسل طموبيلتي أولاً البرامج ديال التلفزة، أولاً  
شنو كايّن في لغدا ليوم، علاش عقلي كيخمّم في هادشي وماشي في العمق ديال  
الإنجيل؟ علاش عادةً كتّصّم حياتي وكنفكر فيها بعينين مغمضين على الحق،  
عوض نشوف في حياتي من خلال النور ديال الحياة الأبدية؟ علاش البشارة ديال  
الإنجيل ما كتدخلش للعمق ديايلى وتبقا تمّا ديمّا؟ علاش ما كتوصلش وتأتّر في  
علاقتي مع مراتي ومع ولادي ومع صحابي في الخدمة والخوت في الكنيسة ديايلى؟

أنا عارف السبب الحقيقي علاش هادشي كيوقع: أنا مُدنب، والأمور ديال  
هاد الدّنيا غيبقاو مسيطرين على قلبي وغيبقاو كيجاربوني حتّى لنهار يرجع  
المسيح. ولكن حتّى يوصل داك النهار، أنا غادي نزيد نحاربهم. وبغيت نحارب  
الكسل الروحي، وهاد العالم اللّٰي ديمّا كيجاول يجذبني ليه، وبغيت نأخذ البشارة  
ديال الإنجيل بجديّة وبغيت نخلّيها تآتّر على كلشي في حياتي، في أفعالي  
وأحاسيسي وفي رغباتي وأفكاري.

كنتمّمّا تكون عندك نفس الرغبة، وكنتمّمّي يكون هاد الكتاب عاونك ولو  
شوي باش تقدر تشوف العضمّة ديال شنو دار الله من أجلنا من خلال يسوع  
المسيح. ولكن شنو المعمول دابا؟ واخّا، بغيت نهدر شوي على بعض الأمور  
اللّٰي عندهم علاقة مع البشارة اللّٰي خاص تآتّر في حياتنا.

## تُوب وأمن

أولاً، في حالة ماكنتيش مؤمن بالمسيح، بغيت نشكرك حيث قريتي هاد الكتاب. كنتمنا تكون ستغلّيتي هاد الفرصة وفكرتي في البشارة ديال الإنجيل اللّي المسيح هو القلب ديالها، وكنصليّ باش يكون هاد الحق ختارق العقل ديالك. كنضن أن الجواب ديال السؤال "شنو المعمول دابا؟" هو جواب سهل بزّاف عليك. ماخصّكش تدير بزّاف ديال الأمور، لآ، خاصّك تدير غير حاجة وحدة. توب من الذنوب ديالك وأمن بالمسيح. وهادشي كييعني بلّي خاصّك تعلن الإفلاس الروحي ديالك، وتعارف بلّي نت عاجز تنجّي نفسك، وهاكدا تقدر تجي لعند المسيح بصيفته هو الرجا الوحيد ديالك باش تاخذ الغفران ديال الله وباش تقدر يكون عندك الحق باش توقف قدّامه.

ماشي صعيب تولّي مسيحي. ماخصّكش تدير خدمة كبيرة حيث المسيح ديجا دار الخدمة في بلاصتك. الإنجيل دابا كيطلب منك حاجة وحدة هي تبعد قلبك من الذنوب وبالإيمان تحطّه قدّام المسيح- يعني خاصّك تيق بيه وتعتامد عليه. هو كيطلب منا باش تجي لعنده وتقول: "آيسوع، أنا عارف بلّي أنا مانقدرش ننجّي نفسي، هادشي علاش أنا كناؤمن بلّي نت بوحدك اللّي قادر تنجّيني".

وهاكدا البيبان ديال العالم غادي يتفتحو قدّامك. ولكن راه كلشي كيبدأ بالتوبة من الذنوب والإيمان بيسوع المسيح باش ينجّيك.

## رتاح وفرح

إلا كنتي مؤمن بالمسيح، راه الإنجيل كيطلب منك باش ترتاح في المسيح يسوع وباش تفرح بالنجا اللّي عطاك. بسباب يسوع وحيث أنا قادر نتأحد معاه بالإيمان، أنا نقدر نقاوم الفكرة اللّي كتقول بلّي النجا ديالي مازال ضعيفة

وهشيشة أولا هي ماتابناش. وسط العاصفة ديال الأسئلة اللي كيدورو في عقلي، أنا عارف في قلبي أنني ديال يسوع وحتى واحد مايقدر يخطفني من يده. وهادشي ممكن حيث الإنجيل كيعلن لنا وكيقول لنا بلّي الوقوف ديلنا قدام الله بالتقوى ديال المسيح ماكيتمادش على قائمة ديال الطلبات قبل ما ندخلو لمحضر الله، بحال إلا خاص يكون عندنا في اللؤل غلة ديال الروح أولا خاصنا في اللؤل نحفضو آيات من الكتاب أولا أي عمل آخر. اليوم أنا خديت النجا بعمل المسيح على الصليب.

حسب شنو كيعلّمنا الإنجيل على يسوع، راه هاد الفكرة ديال شي قائمة ديال الأعمال الدينية الصالحة هي فكرة غلط. كنشكر الله أن علاقتي بيه ماشي مبنية على الإرادة دياي أولا القدرة دياي باش نعيش بالتقوى، حيث نقدر نكون مزبان اليوم ولكن غدا ماشي مضمون. الله سبق ليه علن الحكم دياه عليا، وهاد الحكم هو الهدية ديال "الغفران"، ومن فوق هادشي، راه هاد الحكم ماعمره غيتغير حيث هو ديما وللأبد مبني وتابت على المسيح بوحدته - على الموت دياه في بلاصتي على الصليب والشفاعة دياه من أجلي ديما قدام العرش ديال الله.

إلا كنتي مؤمن بالمسيح، فراه الصليب ديال المسيح واقف في حياتك بحال شي جبل قوي، هو كيشهد ديما على المحبة ديال الله ليك وكيفاش غادي يجيبك تعيش قدامه للأبد. كيما قال الرسول بولس "إيوا أشنو غنكولو من بعد هادشي كله؟ إلا كان الله معنا شكون اللي غيكون ضدنا؟ الله اللي ما عزش فينا الولد دياه، ولكن وهبه على وذننا كاملين، كيفاش ما يعطيناش معاه كلشي؟" (رومية 8: 31-32).

## خاصك تحب شعب الله

كمؤمن بالمسيح، راه خاص الإنجيل يخليك تحب شعب الله بطريقة عميقة وقوية- يعني الكنيسة. حنا المؤمنين بالمسيح ماريحناش الورت من الله بالأعمال ديالنا، حنا ماشي ولاد ديال المملكة بالشجاعة ديالنا، ولكن الله هو اللي دخلنا في الوجود دياله من خلال المسيح اللي نجانا، وحنا متآحين معاه بالإيمان.

وهنا كاينة واحد المفاجئة ممكن ماغتجبكش، واش كتعرف بلي هاد الحق كينطبق حتى على خوك في الإيمان اللي كيبرزطك في الكنيسة؟ هو كيأمن بنفس المسيح اللي نت كتحبّه وكتأمن بيه، وزيد على هادشي راه الرب اللي نجاك وغفر ليك هو نفس الرب اللي نجاه وغفر ليه حتى هو. فكر في داك الأخ اللي مابغيتيش تدور معاه الوقت وتتعرف عليه، غير حيت ماكترتاحش معاه. فكر في الشخص اللي قطعتي علاقتك معاه ومابغيتيش تتصالح معاه. وماتنساش بلي حتى هو كيجب نفس الله اللي نت كتحبّه وكتأمن بيه. ماتنساش بلي المسيح اللي مات على ودك، راه مات حتى على ودّه هو.

ماعرفتش واش الفهم ديالك للإنجيل ديال يسوع المسيح- خبار لخير اللي كتقول بلي المسيح نجاك وأخا نت ماكتستحقش هادشي- هو فهم عميق بشكل كافي باش تتحمل الإنتقادات ديال خوتك في المسيح ليك. وماعرفتش واش الفهم ديالك للإنجيل عميق كافي باش تنسا المشاكل اللي ممكن هما سببهم في حياتك، وأخا يكون جرحوك. وماعرفتش واش عاد الفهم ديالك عميق كافي باش يخليك تسامحهم وتحبهم كيما دار المسيح معاك ومعاهم.

ماعرفتش واش المحبة ديالك للناس تزداد وتقوّات بسباب المحبة ديال الله ليك.

## علن البشارة لكل العالم

وماشي غير هادشي وصافي، ولكن في نفس الوقت ماعرفتش واش النعمة ديال الله خلاتك تحب الناس ديال العالم كتر، وواش خلاتك تبغي تشوف الناس كيحيو لعند المسيح وكيامنو بيه. إلا فهمنا النعمة ديال الله كيما هو وزاها لينا، راه قلوبنا غادي يفيقو وغادي يبغيو يوريو ديك النعمة للناس لخرين حتى هما.

المسيح بان للتلامد دياله وقال ليهم: "هَادْشِي اللَّيْ مَكْتُوبْ فُكْتَابِ اللّٰهِ بَلِّي الْمَسِيحْ غَادِي يُتْعَدَّبْ وَفَالْتَهَازِ التَّالْتِ يُتْبَعْتْ مِنْ الْمُوْتْ، وَبِالْإِسْمِ دِيَالِهْ غَادِي يُبْرَحُو النَّاسُ بِالتَّوْبَةِ وَمَغْفِرَةِ الدُّنُوبِ لِّلشُّعُوبِ كُلِّهْمْ، وَغَادِي يُبْدَاوْ مِنْ أُورُشَلِيمْ. وَنْتُمْ شَاهِدِينَ عَلَى هَادْشِي" (لوقا 24: 46-48). تخيل معايا الوجه ديال تلامد المسيح ملي سمعو هاد الكلام. الرغبة ديال الله هي باش الفداء والنجا يوصلو لكل العالم، والمسيح بكلامه هنا كان كيوريهم الطريقة اللي بيها غيحقق هادشي.

ماكنعرفش كيفاش كتحمس ملي كتسمع هاد الكلام. أنا شخصيا كنحس براسي ناقص وماكنستحقش. الله بغا يكمل المشيئة دياله في العالم من خالنا؟ هادي حاجة عجيبة! ولكن إلا كنتي كتحمس براسك ناقص وماكتستحقش، راني بغيت نشجعك. نت بالحق راك ناقص وماكتستحقش باش تدير هاد الخدمة! فين التشجيع في هاد الكلام؟ فكّر شوي فينا حنا البشر- حنا ضعاف ومازال كنتدابزو مع الدنوب كل نهار في حياتنا. ولكن المسيح كييقول بلي حنا غاديين "نكونو ليه شهود"، وهادشي من خلال التبشير بالإنجيل- يا من خلال الوعظ أولا من خلال التعليم أولا من خلال حواراتنا مع صحابنا وحبابنا، وهاد البشارة هي اللي كتأكد أنّ الله قرّر باش ينجي البشر من الدنوب ديالهم.

واش تسألتي شي نهار علاش الملاك اللي هدر مع كورنيليوس في أعمال الرسل 10 ما بشروش بالإنجيل؟ علاش طلب منته باش يمشي يشوف بطرس اللي

بعيد عليه في مدينة خرا؟ أكيد أن الملاك كان قادر يقول ليه كلشي مادام هو كان قادر يتواصل معاه. ولكن الله ماكانش باغي يدير هادشي، حيث كان باغي يعلن الإنجيل للعالم من خلال الصوت ديال الشعب دياله- يعني من خلال الصوت ديال دوك الناس اللي بكل فرح قبلو الإنجيل والخدمة اللي دارها المسيح على الصليب وخداو الغفران ديال الدنوب.

إلا كنتي مؤمن بالمسيح، خاصك تفهم بلي عندك بين يديك الرسالة الوحيدة الحقيقية ديال النجا اللي العالم محتاج يسمعها. ماكيناش شي بشارة خرا أولا خبار مزيانة حسن من هادي، وماكيناش طريقة خرا من خلالها يقدر الإنسان ينجا من الدنوب دياله. إلا شي نهار شي واحد من عائلتك أولا صحابك أمن بالمسيح، راه غيكون سمع البشارة ديال الإنجيل من شي واحد. هادشي علاش المسيح وصالنا باش نمشيو للعالم كله، ونبشرو ونعلمو الإنجيل لكل الناس. وهادشي اللي كيقول لينا الرسول بولس حتى هو في رومية 10 ملي قال: "وَلَكِنْ كَيْفَاشْ غَيَطْلَبُوهُ وَهُمْ مَا آمَنُوشْ بِيَهْ؟ وَكَيْفَاشْ غَيَأْمَنُوشْ بِيَهْ وَهُمْ مَا سَمْعُوشْ بِيَهْ؟ وَكَيْفَاشْ غَيَسَمْعُو بِيَهْ بَلَا مَا يَبْشَرُهُمْ حَتَّى وَاحِدْ؟" (رومية 10: 14). كينين بزاف ديال الحوايج مزيانين نقدرود نديروهم، ولكن في الواقع كينين ناس ماشي مؤمنين بالمسيح وكيديرو نفس الحوايج. إلا حنا المؤمنين فشلنا في خدمتنا باش نبشرو بالإنجيل، شكون غادي يدير هاد الخدمة؟ حتى واحد.

إدن خلّي الحق ديال الإنجيل يختارق قلبك ويخلّي يكون رطب من جبهة الناس اللي مازال ماكيعرفوش المسيح. ففكر في النهار اللي فيه صحابك وعائلتك غادين يوقفو قدام الله اللي غيحكم على كل البشر. ففكر في شنو دارت النعمة ديال الله في حياتك، وتخيّل شنو تقدر تدير في الحياة ديال الناس لخرين. ومن بعد خود نفس عميق، وصلّي باش يخدم فيك الروح القدس وباش يفتح فمك باش تهدر!

## كون متشوق باش تشوفو

وفي الأخير، بسباب الإنجيل خاص قلوبنا يكونو مشتاقين للنهار اللي فيه غادي يرجع الملك ديالنا يسوع باش يكمل مملكته وبتبتها. وهاد الشوق ماخا صوش يكون غير شوق باش نكونو في المملكة وصافي، حنا ماشي مشتاقين للرجوع ديال المسيح غير باش نعيشو في عالم فيه العدل وما فيهش الشر.

هاد الوعود هما مزيانين، ولكن ماشي هما الهدف. لآ، إلا فهمنا البشارة ديال الإنجيل بطريقة صحيحة راه ماغادي نيش نكونو مشتاقين غير باش نكونو في المملكة، ولكن غادي نكون مشتاقين كتر للملك. من خلال الإنجيل حنا عرفنا وحيننا ملكنا، وهادشي علاش حنا مشتاقين باش نكونو معاه. قال يسوع: "آ الأب، بُغيت هادو اللي عطيتهم لي يَكُونُو مَعَايَ فِي نِ عَنكُونُ أَنَا" (يوحنا 17: 24). وحتي بغينا نكونو معاه، وبغينا نعبدوه مع الملايين ديال الناس.

رؤيا يوحنا كتعطينا صورة عجيبة على شنو الله موجد لينا حنا اللي كنبهوه. يوحنا غير عطانا صورة صغيرة، ولكن هاد الصورة هي قادرة باش تعطينا الإحساس بالانتصار والفرح والراحة.

"وَمَنْ بَعْدَ هَآذِئِي، شُفْتُ وَبَانْتُ لِي وَآخِذِ الْجَمَاعَةَ كَبِيرَةَ ذِ النَّاسِ، حَتَّى وَآخِذِ مَا قَدَرُ يُحْسِنُهُمْ، مِنْ كُلِّ أُمَّةٍ وَمِنْ كُلِّ قَبِيلَةٍ وَمِنْ كُلِّ شَعْبٍ وَمِنْ كُلِّ لُغَةٍ، وَأَقِفِينَ قُدَّامَ الْعَرْشِ وَقُدَّامَ الْخُرُوفِ، وَلَا بَسِينَ حَوَائِجَ بِيضِينَ وَهَارِينَ فَيُدِّيَهُمُ الْجَرِيدَ ذِ النَّحْلِ. وَكَيَعُوْتُو بُصُوتَ عَالِي وَكَيَكُونُو: «النَّجَا مَنْ عِنْدَ الْإِلَآةِ ذِيَالْنَا اللَّي كَأَسْ عَلَى الْعَرْشِ وَمَنْ عِنْدَ الْخُرُوفِ»" (يوحنا 7: 9-10).

هادا هو النهار اللي الإنجيل بغانا نكونو مشتاقين ليه. وآحًا نكونو كندوزو في صعوبات وتجارب صعب وإضطهاد وإغراءات والعياء في هاد العالم، راه الإنجيل

بغانا نحظّو عينينا في المسيح في السما- المسيح الّلي هو خروف الله الّلي تّصلب على ودنا وتبعّت من الموت ودابا كيشفع لينا. وماشي غير هادشي وصافي، ولكن حتّى بعا الله مّنا باش نكونو مشتاقين لداك النهار فين السما غتعمّر بالأصوات ديال الملايين ديال الناس الّلي تغفرو ليهم دنوبهم، وغيكونو كيسبّحو المسيح حيث هو المُنجّي ديالهم والمَلِك الّلي غلب الموت.

## شكر خاص

بحال أي مشروع كِتَاب آخر، في هاد الكتاب كايْن عدد كبير ديال النَّاس اللَّي أَنَا شاكر ليهم بزّاف، راه الإنسان ماكيْتعلمش أولا ماكيْفكْرش في فراغ بوحدو، ونقدر ندوّز نهار كامل وَأنا غير كنسَمي الخوت والخواتات اللَّي كنت كنتكَلّم وكنفكّر معاهم فالإنجيل هادي كتر من عشر سنين. ولكن، كايْن شي ناس بغيت نقول ليهم نقدّم ليهم "شُكر" خاص.

أولاً، للفريق الرائع فخدمة "كروسواي"، شكرا حيت غامرتو مع كاتب مامعروفش. إلا كان الله بغا يستعمل هاد الكتاب باش يبني كنيسة، غادي يكون من خلال كل الخدمة اللَّي كتديرو.

وشكرا حتّى للفريق خِدْمَة 9Marks على التشجيع دياهم باش نكتب هاد الكتاب، وعلى المجهودات دياهم باش هاد الكتاب يخرج للوجود. الرؤية والحماس ديال الأخ مات شماكر على الصحة ديال الكنيسة السليمة في كل أنحاء العالم هما تشجيع كبير، وَأنا متشرف باش نعرفو ونخدم معاه. جوناتان ليमान عاوِي بزاف فالكتابة ديال هاد الكتاب. من خلال الحوارات، الإيميلات، والتحرير، هاد الكتاب هو حسن بشكل كبير. وشكرا حتّى للأخ بوبي جاميسون، اللي گلّس معاي وشرينا قوة بلا حساب وديما كنتكلمو على مملكة. أَنَا فرحان بزّاف باش نكون في هاد الفريق!

وبالنسبة للأخ مارك ديفر، خويا العزيز، شكرا على التشجيع دياك ليا باش نكتب الكتاب اللؤلؤ دياي. كل الفضل راجع ليك بشكل ما نقدرش نعبّر عليه. أَنَا فخور باش تكون المرشد الروحي دياي، وَأنا فرحات بزاف حيت الرب ديالنا فاجأنا

بجوج مَلِّي رَجَّعني لواشنطن دي. سي. لواحد الشوية ديال الوقت. النعمة ديالو  
كبيرة بزاف باش يعطينا هاد الوقت مع بعضياتنا.

وف الأخير، شكرا لمراتي القوية والزوينة، مُورَيَا، اللِّي كتحبني وكتهتم بيَّا  
بزاف، واللِّي كتصبر بزاف مع شحال ديال المرات العقل كيغبر مَلِّي كنعكون خدام  
على شي موضوع لاهوتي معقد. كنبغيك بزاف آحبيبيتي.

# IX 9Marks

## واش كنيستك صحية؟

خدمة "تسعود ديال العلامات" (9Marks) موجودة باش تجهز القادة ديال الكنايس برؤية كتابية وموارد عمّلية باش يضهر مجد الله للأمم من خلال كنائس صحية.

على هاد الغرض، بغينا نعاونو الكنائس يكبرو فتسعود ديال العلامات ديال الصّحة الّلي غالباً ما كنتجاهلوهم:

1. الوعض التفسيري.
2. عقيدة الإنجيل.
3. فهم كتابي للإيمان والتبشير.
4. العضوية الكتابية في الكنسية.
5. التأديب الكتابي في الكنيسة.
6. اهتمام كتابي بالتلمذة والنمو.
7. قيادة كتابية في الكنسية.
8. فهم كتابي لممارسة الصلاة.
9. فهم وممارسة كتابية للإرساليات.

خدمة "تسعود ديال العلامات" كنكتبو مقالات وكتوب ومراجعات ديال الكتوب وفي مجلة على الأنترنت. كنضمنو مؤتمرات وكنسجلو مقابلات وكنتنجو موارد خرين كيعوانو في تجهيز الكنايس باش مجد الله بيان.

زور موقعنا على الأنترنت وغلقتي المحتوى بكثر من 40 لغة وتسجل باش توصلك مجلتنا على الإنترنت فابور. غادي تلقا القائمة الكاملة ديال مواقعنا لخرين باللغات الأجنبية هنا: <https://www.9marks.org/international>

9Marks.org



"هاد الكتاب كيقدم شرح أمين وكتابي للإنجيل وكيجّهز المسيحيين باش يتعرفو على شنو ماكينش في هاد الرسالة المجيدة. كنتمّي لو نقدر ندير هاد الكتاب في يد كل راعي كنيسة وكل عضو فيها."

— سي. جاي ماهاني، خدمات "النعمة السامية"

"هاد الكتاب الصغير على الإنجيل هو من أوضح وأهم الكتب اللي قرّيتهم في هاد السنين الأخيرة."

— **مارك ديفر**، الراعي الرئيسي في كنيسة كابيتول هيل  
المعمدانية، واشنطن العاصمة

"هاد الكتاب غادي يعاونك باش تفهم إنجيل يسوع المسيح، وتقدّرو، وتشاركو بشكل أحسن."

— **جوشوا هاريس**، الراعي الرئيسي في  
كنيسة كوفينانت لايف، غايترسبيرغ، ماريلاند

"غريغ غيلبرت كيبّين شحال مهم أنّا نفهمو الطبيعة اللاهوتية والضرورة العملية ديال الإنجيل."

— **توليان تشيفيدجيان**، الراعي اللؤلؤ في كنيسة  
كورال ريدج المشيخية، فورت لودرديل، فلوريدا

**غريغ غيلبرت** حاصل على شهادة الماستر في اللاهوت من كلية سدرون بابتست اللاهوتية، وهو مُساعد الراعي في كنيسة كابيتول هيل المعمدانية في العاصمة واشنطن دي. سي.